




ԷՍԻԱԾԻՆ

1982

Է



ԼԹ
ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

Յուլիս

1982



ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՑ

ՎԵՀԱՓԱՌ ԵՒ ՍՐՔԱԶՆԱԳՈՑՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



**ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ՀՈՒԼԻՍ 14
ԹՎԱԿԻՐ ՆԱՄԱԿԸ՝ ՈՒՂՂՎԱԾ ԱՄՆ-Ի ՀԱՅՈՑ ԱՐԵՎԵԼՅԱՆ
ԹԵՄԻ ԱՌԱՋՆՈՐԴ Տ. ԹՈՐԳՈՄ ԱՐՔԵՊԻՍԿՈՊՈՍ
ՄԱՆՈՒԿՅԱՆԻՆ ԵՎ ՊԱՏՎԱՐԺԱՆ ԹԵՄԱԿԱՆ ԽՈՐՀՐԴԻՆ**

Ամենայն Հայոց Վեհափառ Հայրապետին վերջերս ուղղած իր նամակում ԱՄՆ-ի հայոց արևելյան տիրախնամ թեմի առաջնորդ Տ. Թորգոմ արքեպ. Մանուկյանը հաղորդում էր, որ 1982 թվականի մայիսի 1-ին գումարված թեմի պատգամավորական տարեկան ժողովը ընդունել է «Ամերիկայի մեջ Հայաստանեայց Եկեղեցույ միացման համար ուղեգիծ»-ը, որի նպատակն է միավորումը ԱՄՆ-ի Հայաստանայց բոլոր Եկեղեցիների Ս. Էջմիածնի իրավասության ներքև գտնվող թեմական կազմակերպության մեջ:

Ինչպես հայտնի է, վերջին մի քանի տասնամյակների ընթացքում սփյուռքի մեր եկեղեցական կյանքում, ներքին պայքարների հետևանքով, ստեղծվել էին բաժանումներ:

Այդ եկեղեցական պառակտումը վերացնելու մտածումով վերջերս ԱՄՆ-ում ստեղծվել էր մի հանձնախումբ, ԱՄՆ-ի Հայ Եկեղեցու

ներկայացուցիչների մասնակցությամբ, որի գործը պիտի լիներ պատրաստել «միության ուղեգիծ մը» և այն ներկայացնել պատկան թեմական ժողովներին ի քննություն, որպեսզի ԱՄՆ-ի հայոց թեմը լիներ «Հոգևոր և վարչական միավոր մը», «գերագույն հոգևոր իրավասությանը ներքև Ամենայն Հայոց կաթողիկոս-Պատրիարքին ի Սուրբ Էջմիածին, որպես Մայր Աթոռը Հայաստանեայց Եկեղեցույ, ինչպես որ էր անցեալին»:

Ամենայն Հայոց Վեհափառ Հայրապետը Տ. Թորգոմ արքեպիսկոպոսին և թեմական խորհրդին գրած իր հուլիս 14 թվակիր նամակում ջերմորեն ողջունում էր երկու թեմերի միջև «Միության ի խնդիր տարված աջատանքը և մաղթել, որ այն իրապես կյանքի կոչվի մոտ ապագային ի միախառնություն Մեզ և համայն մեր Եկեղեցու»:

Հայոց Հայրապետը վերոհիշյալ «ուղե-

գիծ»-նախագիծը համարում է «ջարտնակությունն ու հետևանքը բազմիցս հրապարակավ» իր «կատարած միության կոչերի»:

Ծանոթանալուց հետո «ուղեգիծ»-ի բովանդակությանը, Ամենայն Հայոց Վեհափառ Հայրապետը կատարել է մի քանի կարևոր թելադրություններ «ուղեգիծ»-ի մասին և դարձյալ «յանուն մեր Եկեղեցու և ազգի գերագույն ու տևական շահերի», վերջտին կոչ է արել «Միացեալ Նահանգաց բաժանեալ նկատուած Մեր զաւակներին, նրանց հոգևոր դասին և վարչական մարմիններին, որ մոռացութեան տան անցեալի տխուր դէպքերը և ապատ կամքով, առանց նախապաշարումների, առանց երկմտանքի, մաքուր սրտով և խանդավառ հոգով վերադառնան Մայր Աթոռ Սուրբ Էջմիածնի հովանու ներքև:

Մենք անհուն կարօտով և գրկաբաց սպասում ենք նրանց բոլորին անխտիր իբրև Մեր հարազատ զաւակների»:

Արժան և իրավ:

Այս մտածումների լույսի ներքո, «Էջմիածին» ամսագրի ընթերցողների ուշադրությանն ենք ներկայացնում Ամենայն Հայոց Վեհափառ Հայրապետի 14 հուլիս նամակը, ուղղված առաջնորդ Տ. Թորգոմ սրբազանին և թեմական խորհրդին հայոց Միացյալ Նահանգաց արևելյան շրջանի:

Ամսագրի սույն համարում հրատարակվում է նաև «Ուղեգիծ Ամերիկայի մէջ Հայաստանեայց Եկեղեցւոյ միացման համար» «նախագիծը»:

ԽՄԲԱԳՐՈՒԹՅՈՒՆ





ԳԵՐԱԾՆՈՐՀ Տ. ԹՈՐԳՈՄ ԱՐՔԵՊԻՍԿՈՊՈՍ ՄԱՆՈՒԿՅԱՆԻՆ
ԵՒ ՊԱՏՈՒԱՐԺԱՆ ԹԵՄԱԿԱՆ ԽՈՐՀՐԴԻՆ ԹԵՄԻՆ ՀԱՅՈՑ
ՄԻԱՑԵԱԼ ՆԱՀԱՆԳԱՑ ԱՐԵՒԵԼԵԱՆ ԾՐՋԱՆԻ

ՆԻՒ ԵՈՐՔ

Սիրելի Սրբազան և յարգարժան Տիարք,

Տարույս յունիս ամսի վերջերին ստացանք Ձեր առաքած՝ Տիրախնամ թեմիդ պատգամատրական ժողովի որդեգրած 1 մայիս 1982 թուակիր՝ «Ամերիկայի մէջ Հայաստանեայց Եկեղեցւոյ միացման համար ուղեգիծ»-ը: Ծանոթանալով նրա բովանդակութեան, Մեր առաջին մտածումը եղաւ ջերմօրէն ողջունել միութեան ի խնդիր տարրուած աշխատանքը և մաղթել, որ այն իրապէս կեանքի կոչուի մօտ ապագային ի մխիթարութիւն Մեզ և համայն մեր Եկեղեցւոյ:

Մենք ողջունում ենք, այո, վերջին քառորդ դարեա տագնապը մոռացութեան տալու և արտասահմանի մեր Եկեղեցւոյ միութիւնը վերականգնելու ամէն ձեռնարկ, ամէն փորձ:

Վերացնել՝ 1956 թուականից, մեր եկեղեցական կեանքում սկիւր առած պառակտումը և վերականգնել Հայաստանեայց Եկեղեցւոյ կանոնական միութիւնը և հայ հաւատացեալ ժողովրդի հոգևոր միասնութիւնը, եկեղեցական տեսակէտից օրինական է և հրամայական, ապագային տեսակէտից անյետաձգելի և կենսական:

Հետևաբար Միացեալ Նահանգաց մէջ, ի խնդիր Հայ Եկեղեցւոյ միութեան կենսագործման տարրուած ամէն աշխատանք, Մենք ողջունում ենք սրտանց, այո՛ աշխատանքը նկատելով շարունակութիւնը և հետևանքը բազմիցս հրապարակաւ Մեր կատարած միութեան կոչերի:

Յիշենք այստեղ Մեր կոնդակը 25 ապրիլ 1960 թուակիր, որ միութեան մի կոչ էր ուղղուած յատկապէս Միացեալ Նահանգաց՝ Մայր Աթոռ Սուրբ Էջմիածնից բաժանուած Մեր հոգևոր պաւակներին:

Յիշենք միութեան Մեր կոչը 10 յունիս 1968-ին, Նիւ Եորքում, անձամբ ուղղուած բաժանուած Մեր պաւակների առաջնորդ՝ Տ. Հրանդ արքեպիսկոպոս Խաչատուրեանին և նրան ընկերակցող ղեկավար մարմինների ներկայացուցիչներին:

Յիշենք նաև Մեր եղբայրական սիրոյ հրաւերը 1963-ին Երուսաղէմում, ուղղեալ Տանն Կիլիկիոյ Գահակալ Տ. Տ. Խորէն Ա Կաթողիկոսին և Կիլիկեան Աթոռի պաշտօնական մարմիններին, հրաւեր միութեան և սիրոյ, որով առանց պայմանի, անտեսեցինք անցնող տարիների տխուր եղելութիւնները և եղբայրական ողջագործումով ճանաչում տուեցինք Տ. Տ. Խորէն Ա Գահակալին իբրև Կաթողիկոս Մեծի Տանն Կիլիկիոյ Աթոռի:

Փաստ է, արդէն պատմութեան անցած, որ վերոյիշեալ առաջին և երկրորդ կոչերը ուղղեալ Միացեալ Նահանգաց բաժանեալ կողմին, մնացին անարձագանք, իսկ 1963-ի հոկտեմբերին Երուսաղէմի ողջագործումով, Մեր եղբայրական հրաւերի հետևանքը եղաւ հազիւ չորս ամիս անց 1964-ի փետրուարին Տ. Տ. Խորէն Ա Կաթողիկոսի հրապարակաւ յայտարարումը՝ Ս. Էջմիածնի և Կիլիկեան Աթոռների «հաւասարապօրութեան» տեսութեան, առաջին անգամ լինելով մեր եկեղեցական պատմութեան մէջ, իսկ մի քանի ամիս յետոյ, մի եպիսկոպոսի առաքումը Մարսիլիա, նպատակ ունենալով Կիլիկեան Աթոռի իրաւասութեան ենթարկել նաև հարաւային Ֆրանսիայի եկեղեցիները, մի ոտնձգութիւն, որի հետևանքով տագնապալի տխուր կացութիւն ստեղծուեց մարսիլահայ, կեանքում եօթ տարիներ շարունակ, ինչպիսի կացութիւններ ստեղծուել էին 1956-ից յետոյ, պարսկահայութեան և յունահայութեան ծոցում, նոյնպիսի անջատողական հակականոնական արարքների հետևանքով:

Մենք մի պահ անցեալը յիշելով, կամեցանք միմիայն ցոյց տալ թէ Մայր Աթոռս տևապէս տառապել է պառակտումների և բաժանումների հետևանքով և տևապէս ըղձացել է և հետապնդել՝ բանիւ և գործով վերահաստատելու միութիւնը արտասահմանի մեր եկեղեցու:

Այսօր, ի նկատի ունենալով արդի կացութիւնը Մայր Աթոռիս և Տանն Կիլիկիոյ Աթոռի միջև, Մենք գտնում ենք, որ Միացեալ Նահանգաց՝ Սուրբ Էջմիածնի իրաւասութեան ներքև գտնուող և Տանն Կիլիկիոյ Աթոռի իրաւասութեանը ենթարկուած եկեղեցական կապմակերպութիւնները կարող են վերականգնել իրենց ներքին միութիւնը, Ս. Էջմիածնի և Կիլիկեան Աթոռների ընդհանուր մէկ համաձայնութեամբ, որ ցարդ չի գոյացել սակայն: Ինչպէս գիտէք, վերջին երկու տարիների ընթացքում փորձեր կատարուեցին, և յոյս ունենք, որ յետագայում կը շարունակուեն ճիգեր ի գործ դրուել այդ ուղղութեամբ:

Չեր ներկայացրած «Ուղեգիծ»-ը մի փորձ է Միացեալ Նահանգաց մէջ միութիւնը իրագործելու, անկախ երկու Աթոռների միջև եղած անհամաձայնութիւններից: Այս ճանապարհը Մեր կարծիքով կարող էր ընդունելի համարուել իբրև հիմք յետագայ բանակցութիւնների և գործնական միջոցառումների, եթէ, սակայն, այդ փաստաթղթից դուրս թողնուէին Կիլիկեան Աթոռին վերաբերեալ առնչութիւնները:

Ոչ տրամաբանական է և ոչ էլ գործնապէս հնարաւոր, այդ «Ուղեգիծ»-ի մէջ առնչութիւններ նախատեսել Անթիլիասի Կիլիկեան Աթոռի հետ, երբ այդ Աթոռը հիմնական կանոնական հարցերի նկատմամբ անհամաձայնութեան մէջ է գտնում Մայր Աթոռիս հետ: Միութեան «Ուղեգիծ»-ի մէջ առնչութիւններ նախատեսել Կիլիկեան Աթոռի և նրա միաբանութեան հետ, դա կը նշանակի Միացեալ Նահանգաց մէջ եկեղեցական միութեան հարցը փոխադրել Ս. Էջմիածին—Անթիլիաս յարաբերութեանց մակարդակի վրայ:

Ու այդ դէպքում անհրաժեշտօրէն Մեր առաջ կը դրուի՝ նախ այդ մակարդակի վրայ լուծել գոյութիւն ունեցող տարակարծութիւնները. այսինքն թէ՛ Անթիլիաս վերադառնայ մինչ 1956-եան դրութեան, ինչ որ նշանակում է՝

ա. Հրաժարուել՝ 1956-ից ի վեր գրաւած թեմերից, սկզբունքով:

բ. Հրաժարուել՝ 1964-ից սկսած որդեգրած «հաւասարապօրութեան» գաղափարից և ընդունել կանոնական սկզբունքը, որ Մայր Աթոռի Ամենայն Հայոց Կաթողիկոսը Ընդհանրական Հայրապետն ու գլուխն է Հայ Եկեղեցու:

գ. Հրաժարուել՝ միջեկեղեցական եկումենիկ գործունէութեանց անջատ պատուիրակութեամբ մասնակցելուց:

Այսօր էլ, երբ Անթիլիասը պնդում է վերաքննութեան ենթարկել՝ Ամենայն Հայոց կաթողիկոսի Հայ Եկեղեցու Ընդհանրական Հայրապետ լինելու հանգամանքը և գրաւած թեմերը վերադարձնելու սկզբունքը, դա նշանակում է, որ Անթիլիասը դեռևս չի փոխել՝ հայ սփիւռքի եկեղեցիները Ս. Էջմիածնից բաժանելու իր հիմնական ծրագիրը:

«Ուղեգիծ»-ի տրամադրութիւնները նոյնպէս ապացուցում են, որ Անթիլիասը, նաև Միացեալ Նահանգներում իրապէս չի հրաժարուել այդ մտածելակերպից: Բոլորովին անհասկանալի է թէ Միացեալ Նահանգաց բաժանեալ Մեր պառակները, եթէ իրապէս կամենում են միանալ օրինական թեմին և պատրաստ են ընդունել Մայր Աթոռ Ս. Էջմիածնի իրաւասութիւնը, էլ ինչո՞ւ են ուզում առնչութիւններ պահպանել Անթիլիասի Աթոռի հետ:

Որպէսզի ոչ թէ երևութապէս, այլ իրապէս և տևապէս վերացուի ստեղծուած տագնապը, անհրաժեշտ է վերացնել տագնապի բուն պատճառը, այն է՝ ըսփիւռքը Ս. Էջմիածնից բաժանելու մտածումը և գործելակերպը: Միայն իրական, բուն պատճառը հեռացնելով, կարելի է վերացնել հտևանքը:

Այլապէս, ինչպէ՞ս հնարաւոր կը լինի մտածել, որ Մայր Աթոռս կամ Միացեալ Նահանգաց մեր թեմական իշխանութիւնները կարող են ընդունելի նկատել 1 մայիս 1982 թուակիր «Ուղեգիծ»-ի բ. կառուցուածքի թիւ 2 յօդուածի ա. բ. գ. դ. և ե. տրամադրութիւնները, երբ նոյն Կիլիկեան Կաթողիկոսութիւնը դեռևս մնում է 1956-ից ի վեր որդեգրած՝ Սփիւռքը Ս. Էջմիածնից բաժանելու և Անթիլիասին միացնելու իր ծրագրի հիմքերի վրայ, որով մերժում է ընդունել Ամենայն Հայոց կաթողիկոսի Հայ Եկեղեցու Ընդհանրական Հայրապետ և Եկեղեցու գլուխ լինելու հանգամանքը և մերժում 1956-ից ի վեր գրաւած թեմերը վերադարձնելու սկզբունքը, հիմնուելով հակականոնական այն մտածելակերպի վրայ, թէ մի թեմի պատկանելութիւնը այս կամ այն Աթոռի իրաւասութեան. կախած է տուեալ թեմի վարչական մարմինների որոշումից: Յիշենք որ այս հակականոնական մտածելակերպը վերջերս մի անգամ ևս արտայայտուեց Բոստոնի «Հայրենիք» օրաթերթում, 19 մայիս 1982-ին, իր խմբագիրներից մէկի հարցապոյոցով, ուր անթիլիասեան տեսաբանը պատգամում էր թէ՝ «Թեմերը կալւածներ չեն, օրինական որևէ հարկադրանք չկա. որպէսզի այս կամ այն գաղութային շրջանը պարտադրուած լինի այս կամ այն Աթոռի սեփականութիւնը նկատել»:

Յիշենք նաև, որ հապիւ երկու տարի առաջ Պէյրութի ֆրանսերէն «Լ'Օրիան-Լը Ժուր» թերթում, Լիբանանի առաջնորդ Տ. Արամ եպիսկոպոս Քէջիշեանը յայտարարում էր, թէ՝ Կիլիկեան Աթոռը, իսկական յաջորդն է Էջմիածնի Աթոռի 1441-ից ի վեր և թէ այսօր «Կիլիկիոյ Կաթողիկոսութիւնը փաստօրէն հոգևոր կեդրոնն է հայ սփիւռքի» («Լ'Orient», «Le Jour» 24 ապրիլ 1980):

Հետևաբար այս իրողութիւնների և ճշմարտութիւնների լոյսի ներքև Մենք կրկին ողջունում ենք Միացեալ Նահանգաց հայոց եկեղեցական միութիւնը կենսագործելու նոր փորձը, և հնարաւոր ենք գտնում որդեգրուած «Ուղեգիծ»-ը ընդունել իբրև հիմք յետագայ բանակցութիւնների և միջոցառումների, վերացնելուց յետոյ վերոյիշեալ յօդուածի տրամադրութիւնները, որոնք վերաբերում են Տանն Կիլիկիոյ Աթոռին:

Ուղիղ և իրատես մտածելով չի կարելի չնախատեսել, թե միևնույն թեմի մեջ Մայր Աթոռի և Կիլիկեան Աթոռի վերաբերեալ պաշտօնապէս նման առնչութիւններ ստեղծել, ոչ միայն իրաւ միութիւն չի իրագործի, այլ դռն բաց կանի բազում բարդութիւնների և անվերջանալի վիճաբանութիւնների, ի վերջոյ յանգելով քառասային մի վիճակի, ինչ որ անշուշտ ցանկալի չի կարող լինել հաւասարապէս երկու կողմերի համար էլ:

Ոգտուելով այս առիթից, յանուն մեր Եկեղեցու և ազգի գերագոյն ու տեւական շահերի, վերստին սիրոյ կոչ ենք անում Միացեալ Նահանգաց բաժանեալ նկատուած Մեր պաւակներին, նրանց հոգևոր դասին և վարչական մարմիններին, որ մոռացութեան տան անցեալի տխուր դէպքերը և ազատ կամքով, առանց նախապաշարումների, առանց երկմտանքի, մաքուր սրտով և խանդավառ հոգով վերադառնան Մայր Աթոռ Սուրբ Էջմիածնի հովանու ներքև: Մենք անհուն կարօտով և գրկաբաց սպասում ենք նրանց բոլորին անխտիր իբրև Մեր հարապատ պաւակների:

Մենք այն խորը պզգոյմն ունենք այս պահին, թե Մայր Աթոռի սիրոյ և միութեան կոչը ձայնն է բազմադարեան հայոց պատմութեան, զի «ի վերայ աշոյն և Սրբոյ Էջմիածնի ամենայն ազգն հայոց կապեալ կայ» այժմ և՛ յաւիտեան:

Մենք բոլորս, որ այստեղ հայրենի հողի վրայ ապրում ենք ու շնչում մեր վերածնուած ժողովրդի ծոցում, սրբազան Արարատի նայուածքի տակ, Միածնաէջ Մայր տաճարի աստուածային օրհնութեան ներքոյ, անհնար է որ այլ կերպ մտածենք ու գործենք, և խորապէս հաւատում ենք, որ նոյնպէս արտասահմանի մեր պանդոխտ ժողովուրդը չի կարող այլ կերպ մտածել, այլ կերպ գործել:

Խորապէս հաւատում ենք նաև որ ցարդ Մայր Աթոռից հեռու պահուած Մեր պաւակները ևս, զգում են ու ապրում բաժանուած լինելու վիշտը և հոգեպէս վաղուց պատրաստ են վերջ տալու ստեղծուած անիմաստ ու աղետալի պառակտումին և խոնարհուելու Ամենայն Հայոց Սուրբ Էջմիածնի Խորանի առաջ, բազմադարեան գերագոյն խորհրդանիշը հայոց քրիստոնէական հաւատքի և ազգային խղճի:


Չեզ, Գերաշնորհ Սրբազան Հայր, ձեզ յարգարժան անդամք Թեմական Խորհրդոյ, յղում ենք Մեր սրտագին գնահատանքը, քաջալերանքը, հայրական սէրն ու հայրապետական օրհնութիւնը:

«Եղբայրսիրութիւն հաստատեսցի առ ձեզ» և «յիջեցէք պառաջնորդս ձեր որ խօսեցան ձեզ զբանն Աստուծոյ. հայեցեալք յելս գնացից նոցա, նմանողք եղերուք հաւատոցն» (Եբր. ԺԳ 1, 7): Ամէն:

Վաչ Գևորգ

ԿԱԹՈՂԻԿՈՍ ԱՄԵՆԱՅՆ ՀԱՅՈՅ





ՈՒՂԵԳԻԾ ԱՄԵՐԻԿԱՅԻ ՄԷՋ ՀԱՅԱՍՏԱՆԵԱՅՑ ԵԿԵՂԵՑԻՈՅ ՄԻԱՑՄԱՆ ՀԱՄԱՐ

Ա. ՆԱԽԱՄՈՒՑ

Միշտ եղած է, եւ է այսօր, միայն մէկ Հայաստանեայց Եկեղեցի: Պատմութեան ընթացքին Հայ ժողովուրդը գորգուրանքով՝ պահած է այդ մէկութեան գիտակցութիւնը:

Այստեղ Ամերիկայի մէջ անցնող մի քանի տասնամեակներուն ներքին պայքարի մը հետեւանքով բաժանում մը պորացած է Հայց. Առաքելական Եկեղեցւոյ մէջ:

Հասած է ժամանակը՝ Հայ ազգի գերագոյն շահին համար, եւ Քրիստոնէական սիրոյ եւ բարեկամութեան ոգիով յառաջ շարժելու նոր ժամանակաշրջանէ մը ներս, ստեղծումովը Ամերիկայի մէջ միացեալ թեմի մը: Թեմը պիտի հաստատուի միացումովը Ամերիկայի Հայաստանեայց Եկեղեցւոյ Առաջնորդարանի—Տայօսիւ—եւ Ամերիկայի Հայ Առաքելական Եկեղեցւոյ Վիճակին—Փրէլլսի—:

Բ. ԿԱՌՈՒՑՈՒԱԾՔ

1. Թեմը պիտի ըլլայ հոգեւոր եւ վարչական միատր մը, եւ պիտի ըլլայ անբաժան մէկ մասը Հայաստանեայց Եկեղեցւոյ, գերագոյն հոգեւոր իրաւասութեան ներքեւ Ամենայն Հայոց Կաթողիկոս—Պատրիարքին ի Սուրբ Էջմիածին, որպէս Մայր Աթոռը Հայց. Եկեղեցւոյ, ինչպէս որ էր անցեալին: Թեմական Առաջնորդի ընտրութիւնը եւ որեւէ օրինաւոր կերպով ընդունուած Թեմական Կանոնադրութեան բարեփոխումներ ենթակայ պիտի ըլլան վաւերացման Ամենայն Հայոց Ծայրագոյն Պատրիարքին եւ Կաթողիկոսին:

2. Թեմը պիտի ունենայ նշանակալից յարաբերութիւն Կիլիկիոյ Աթոռին հետ, յայտնաբերուած հետեւեալ կերպով.

ա. Կիլիկիոյ Աթոռի դպրեվանքը պիտի մնայ որպէս աղբիւր մը հոգեւորականներու՝ թեմին համար: Կիլիկիոյ Աթոռի միաբանութեան բոլոր անդամները եւ դպրեվանքի շրջանաւարտ հոգեւորականները, առանց խտրութեան, պիտի արժանանան հաւասար վերաբերմունքին թեմէն ներս պաշտօն ստանձնելու

կամ անդամակցելու թեմական պաշտօնական մարմիններու վարչութեանց, համաձայն Հայց. Եկեղեցւոյ կանոններուն եւ աւանդութեանց:

բ. Պիտի հաստատուի հիմնադրամ մը Հայ Եկեղեցւոյ Հիմնադրամին մէջ, յիշեալ Հայ Եկեղեցւոյ Հիմնադրամին յանձնելով զուտ հասոյթը Նիւ Եորքի մէջ գտնուող «փրէլըսի»ի շէնքի վաճառքին, ճանչցուելու համար որպէս «Անթի-լիասի Հիմնադրամ», եւ յիշեալ հիմնադրամի տարեկան զուտ եկամուտը պիտի փոխանցուի Կիլիկիոյ Սուրբ Աթոռին:

գ. Երբ Կիլիկիոյ Կաթողիկոսը այցելէ Ամերիկայի Հայց. Եկեղեցւոյ թեմը, համաձայն Եկեղեցւոյ ընդունուած օրէնքներուն եւ կարգին, պատշաճ մեծարանք պիտի ընծայուի իրեն, ըստ իր բարձր աստիճանին ու դիրքին:

դ. Ընդառաջելով եղած հրաւերին, թեմը կրնայ դիտողներ դրկել Կիլիկիոյ Սուրբ Աթոռի Ազգային Ժողովներուն:

ե. Միացեալ Թեմի Առաջնորդի առաջին ընտրութենէն ետք՝ յանձնարարելի է որ նորընտիր Առաջնորդը իր փոխանորդը նշանակէ միւս կողմի հոգետրականներէն, պաշտօնավարութեան առաջին շրջանին համար միայն:

3. Թեմական Պատգամատրական Ժողովը ներկայացուցական մարմինը պիտի ըլլայ թեմի ծովներուն եւ պիտի կատարէ վերահսկողութիւն ու պիտի բանեցնէ հակակշիռ թեմի իրաւասութենէն ներս գտնուող բոլոր եկեղեցական եւ վարչական մարմիններուն վրայ:

Գ. ՄԻԱՅՄԱՆ ՅԱՅՏԱԳՐԻ ԳՈՐԾԱԴՐՈՒԹԻՒՆԸ

1. Հասկացողութեան այս յուշագիրը, զոր կը հաստատէ միացեալ յանձնախումբը պիտի ներկայացուի պատկան թեմական Պատգամատրական Ժողովներուն:

2. Այս յուշագիրը վաւերացնելու եւ որդեգրելու պարագային՝

ա. Ընթացք պիտի տրուի գործակցական յայտագիրներու մեր եկեղեցիներու Կրօնական եւ Հայկական դպրոցներուն մէջ, հիմնուած պատկան Թեմական Խորհուրդներու հաւանութեան արժանացած ծրագիրներուն վրայ:

բ. Միացեալ Յանձնախումբը պիտի սկսի խմբագրել նոր Կանոնադրութիւն մը անմիջապէս երբ լրանան 1982ի պատկան Թեմական Պատգամատրական Ժողովները, եւ պիտի ջանայ ամբողջացնել իր գործը ոչ աւելի ուշ քան նոյեմբեր 1, 1982, եւ ներկայացնելու վայն պատկան թեմակալ Առաջնորդներուն եւ Թեմական Խորհուրդներուն:

գ. Միացեալ Յանձնախումբը պիտի հովանատրէ միացեալ Խորհրդակցական ասուլիս մը, որ տեղի պիտի ունենայ ոչ աւելի ուշ քան Հոկտեմբեր 15, 1982: Ան պիտի բաղկանայ միացման Յանձնախումբի անդամներէն եւ իւրաքանչիւր կողմէ առ առաւելն 30 հոգետրական եւ աշխարհական մասնակցողներէ, որոնք սահմանափակուած ըլլան ծխատէր հոգետրականներու, ծխական Խորհուրդներու անդամներու, թեմական Խորհուրդներու անդամներու եւ թեմակալ պատգամատրական Ժողովներու պատգամատրներու: Ասուլիսը ենթակայ է օրակարգի մը որ կանխաւ պատրաստուած եւ ընդունուած պէտք է ըլլայ Միացեալ Յանձնախումբին կողմէ:

դ. Մասնաւոր Թեմական Պատգամատրական Ժողովներ պիտի գումարուին ոչ աւելի ուշ քան Յունուար 15, 1983: Իւրաքանչիւր Պատգամատրական Ժողով պիտի գումարուի անջատաբար, սակայն միեւնոյն քաղաքին մէջ եւ միեւնոյն ժամանակ նկատի առնելու եւ ընդունելու համար միասնաբար պատրաստուած Կանոնադրութիւնը:

ե. Իրաքանչիւր Պատգամատրական Ժողովի կողմէ Կանոնադրութեան վաւերացումէն ետք մկրտութիւններ, պսակներ եւ յուարկատրութիւններ կրնան միասնաբար կատարուիլ:

զ. Պատկան Պատգամատրական Ժողովներու կողմէ Կանոնադրութեան վաւերացուելէն ետք Եղեռնի Օրդան տարեդարձի միացեալ յուշահանդէս պիտի կատարուի 1983 Ապրիլին, մասնակցութեամբ պոյգ թեմերու բոլոր հոգեւորականներուն:

3. Նոր Կանոնադրութեան Ս. Էջմիածնի եւ Կիլիկիոյ Կաթողիկոսներէն հաստատումէն ետք ընթացիկ թեմական պատգամատրներու եւ ընտրեալ պաշտօնեաներու ժամանակաշրջանը պիտի դադրի անմիջապէս որ կատարուին նոր ընտրութիւններ համաձայն Նոր Կանոնադրութեան մէջ մասնատրուած կերպերուն: Իրաքանչիւր ժողովէ հաւասար թիւով ներկայացուցիչներէ բաղկացած յանձնախումբ մը պիտի կատարէ հսկողութիւն եւ պիտի վաւերացնէ ընտրութիւնը պատգամատրներու, հիմ ունենալով Նոր Կանոնադրութիւնը եւ անդամներու թիւը իրաքանչիւր կողմի 1979ի պատգամատրական ժողովի արձանագրութեանց հիման վրայ, եւ միացած թեմին նոր պատգամատրական ժողով մը պիտի գումարէ:

4. Առաջին եւ յաջորդական Պատգամատրական Ժողովները պիտի ընթանան համաձայն որդեգրուած Կանոնադրութեան կանոններուն եւ պայմաններուն, իբր առաջնահերթ օրակարգ ունենալով ընտրութիւնը Թեմական Խորհուրդի մը եւ Առաջնորդի մը, ինչպէս նաեւ պաշտօնական ճանաչումը Կանոնադրութեան:


5. Այն պարագային երբ պատկան Պատգամատրական Ժողովները 1983 Յունիս 1ին կամ առկէ առաջ չեն վաւերացուցած առաջարկուած Կանոնադրութիւնը, ներկայ վաւերաթուղթը պիտի դադրի եւ պարտաւորիչ պիտի չըլլայ կողմերէն մէկուն կամ միւսին համար:


6. Այն պարագային երբ Կաթողիկոսները չեն ընդունած եւ հաստատած նոր Կանոնադրութիւնը մինչեւ Դեկտեմբեր 31, 1983, ներկայ վաւերաթուղթը պիտի դադրի եւ պարտաւորիչ պիտի չըլլայ կողմերէն մէկուն կամ միւսին համար:

ԹԵՄԱԿԱՆ—«Տայօսիպ»—
ՄԻՈՒԹԵԱՆ ՅԱՆՉՆԱՆՈՒՄԲ

ՎԻՃԱԿԱՅԻՆ—«Փրէլլսի»—
ՄԻՈՒԹԵԱՆ ՅԱՆՉՆԱՆՈՒՄԲ

Մայիս 1, 1982





ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԵՐԿՐՈՐԴ ՆԱՄԱԿԸ
ԳԵՐԱՇՆՈՐՀ Տ. ԹՈՐԳՈՄ ԱՐՔԵՊԻՍԿՈՊՈՍ ՄԱՆՈՒԿԵԱՆԻՆ
ԱՌԱՋՆՈՐԴ ԱՐԵՒԵԼԵԱՆ ԹԵՄԻՆ ՀԱՅՈՑ ՄԻԱՑԵԱԼ ՆԱՀԱՆԳԱՑ

Ն Ի Ի Ե Ո Ր Ք

Սիրելի Սրբապան,

Խոր գոհունակությամբ ողջունեցինք Ձեր ժամանումը Մայր Աթոռ, ուղեկցությամբ Արժ. Տ. Մամբրե քահանայ Գուպուեանի, ատենապետը տիրախնամ թեմիդ Թեմական Խորհրդի և յարգարժան տիար դատաւոր ձան Նաճարեանի, ատենապետը թեմիդ Միութեան Յանձնաժողովի:

Այստեղ երկու նիստերու ընթացքին, լսեցինք Ձեր շահեկան զեկուցումը և մանրամասն տեղեկութիւնները ի մասին Միութեան Յանձնաժողովի գործունէութեան վերջին տարիներու շրջանին, կեանքի կոչելու համար Միացեալ Նահանգաց հայ եկեղեցիներու և համայնքներու միութեան ծրագիրը, որ իրապէս ըղձալի կը դառնայ հետզհետէ մեր բոլորիս և յատկապէս ամերիկահայ երիտասարդ սերունդի համար:

Ունկնդրելով Ձեզ և աւելի հանգամանօրէն տեղեակ դառնալով միութեան հարցի բոլոր երեսներուն և պատրաստուած «Ուղեգիծ»-ի հետ կապուած Ձեր և Ձեր ուղեկիցներու տուած լրացուցիչ բացատրութիւններուն, Մենք եկանք որոշ եզրակացութիւններու, զոր ներկայացուցինք Ձեզի Մեր հանդիպումներու վերջատրութեան, եզրակացութիւններ՝ զոր նաև այս Մեր գրութեամբ կը յանձնենք Ձեր ուշադրութեան:

1. Մենք վերստին կ'ողջունենք Միացեալ Նահանգաց հայ եկեղեցեաց միութիւնը վերահաստատելու բարի գաղափարը, Մայր Աթոռ Սուրբ Էջմիածնի իրաւասութեան և օրինութեան ներքն, այնպէս ինչպէս այն իբրև թեմական կազմակերպութիւն ստեղծուած էր անցեալ դարու վերջերուն, երջանկայիշատակ Տ. Տ. Խրիմեան Հայրիկ Ամենայն Հայոց Կաթողիկոսի կոնդակով և գոյատևած մինչև 1957 թուականը:

2. Կ'ողջունենք նաև երկու Յանձնաժողովներու ջանքերը, իրականացնելու համար սպասուած միութիւնը, մաղթելով որ սկսուած գործը շարունակեն և հասցնեն իր լրումին, մեր եկեղեցւոյ կարգ ու կանոնաց համաձայն:

3. Սոյն Մեր գրութեամբ կը հաստատենք պատրաստուած «Ուղեգիծ»-ի մասին Մեր 14 յօդին 1982 թուակիր նամակը, որ կ'արտայայտէր Մեր մտածումը և յորդորը ուղղեալ Ձերդ Սրբազնութեան և Ձեր միջոցաւ պատուարժան Թեմական Խորհուրդիդ, Միութեան երկու Յանձնաժողովներուն և թեմիդ եկեղեցական համայնքներուն:

4. Այսու անգամ մը ևս կը յայտնենք Մեր մտածումը, թէ միութիւնը կարելի է իրագործել երկու ճանապարհաւ՝ կամ Ս. Էջմիածնի և Տանն Կիլիկիոյ Աթոռներու համաձայնութեամբ և կամ ձեր երկրի մէջ տեղական մակարդակի վրայ, երկու կողմերու խորհրդակցութեամբ:

Եթէ ի նկատի ունենանք առաջին ճանապարհը, պէտք է սպասել որ նախ երկու Աթոռներու միջև համաձայնութիւնը գոյանայ: Իսկ եթէ ի նկատի ունենանք երկրորդ ճանապարհը, միութիւնը կարելի է կատարել տեղական մակարդակի վրայ, սակայն այդ պարագային յետագայ բոլոր փաստաթուղթերէն և ապագայ միացեալ թեմի կանոնագրութենէն դուրս թողելով Տանն Կիլիկիոյ Աթոռին հետ առնչուող բոլոր յօդուածները և նախատեսումները: Որովհետև, Տանն Կիլիկիոյ Աթոռի և Միաբանութեան հետ առնչուող պարագաներ նախատեսել, պիտի նշանակէ միութեան հարցը տեղական մակարդակէն փոխադրել Աթոռներու յարաբերութեանց մակարդակին, այլ խօսքով՝ պիտի նշանակէ հարցի լուծումը տանիլ վերոյիջեալ առաջին ճանապարհի մակարդակի վրայ, այսինքն սպասել, որ նախ Աթոռներու միջև համաձայնութիւն մը գոյանայ միութեան նկատմամբ:

Մէկ բան անհրաժեշտ է յստակ և օրինական ձևով հասկնալ՝ ինչքան ժամանամ Տանն Կիլիկիոյ Աթոռը կը մերժէ Ս. Էջմիածնի կաթողիկոսը ճանչնալ իբրև Ընդհանրական Հայրապետը և Գլուխը Հայաստանեայց Եկեղեցւոյ, ինչքան ժամանակ ան կը մնայ 1964-էն սկսեալ իր որդեգրած՝ մեր Աթոռներու «հաւասարապօրութեան» տեսակէտին վրայ, ինչքան ժամանակ կը մերժէ ընդունիլ գրաւուած թեմերը Ս. Էջմիածնին վերադարձնելու սկզբունքը, բնակւանօրէն ոչ Մայր Աթոռս և ոչ ալ Մայր Աթոռիս իրաւասութեան ներքն գտնուող թեմական իշխանութիւն մը պաշտօնեապէս որևէ ձևով չեն կրնար առնչութիւններ ունենալ Անթիքիայի Տանն Կիլիկիոյ Աթոռի և անոր Միաբանութեան հետ:

Ահա թէ ինչու Մենք, իբրև Ձեր Հայրապետը և վերին պատասխանատուն Հայաստանեայց Եկեղեցւոյ նուիրապետական կարգ ու կանոնի պահպանման և գործադրման, Ձեր ամենալուրջ ուշադրութեան կը յանձնենք այս օրինական պարագաները և կ'ակնկալենք որ ի նկատի ունենանք Մեր 14 յօդին 1982 թուակիր և սոյն Մեր գրութեանց յորդորները:

Այս առթիւ կը կրկնենք Մեր առաջադրանքը որ Մեր 14 յօդին և սոյն 6 սեպտեմբեր թուակիր նամակներու պատճենները հաճիք ուղարկել թեմիդ բոլոր եկեղեցական համայնքներուն ի գիտութիւն:

5. Ինչպէս կը նկատէք «Ուղեգիծ»-ի մասին Մեր կեցուածքը զուտ սկզբունքային է և օրինական, և Մենք առանձնապէս առարկութիւններ չունինք «Ուղեգիծ»-ի միւս տրամադրութիւններուն նկատմամբ, զանոնք նկատելով հնարաւոր հիմք Ձեր բանակցութեանց և յետագայ միջոցառումներու ըստ Ձեր հայեցողութեան, ի խնդիր միութեան իրականացման:

6. Մեր օրինական այս ճշդումներով և յորդորներով, համոզուած ենք թէ ոչ միայն օգնած պիտի ըլլանք Թեմական Խորհուրդիդ և Միութեան Յանձնաժո-

դովներու յետագայ աշխատանքներուն, այլև նպաստած պիտի ըլլանք որ ըղձալի միութիւնը հաստատուի կանոնական ուղիղ և ամուր հիմքերու վրայ, վերծ ապագայ բարդութիւններէ և շփոթ կացութիւններէ:

Սիրելի Սրբազան Եղբայր, տարեք Ձեզի հետ Աստուծոյ օրհնութիւնը Միածնաէջ Մայր Տաճարէն և Մեր ջերմագին բարի մաղթանքները ձեր բոլոր գործակիցներուն և ամերիկահայ համայն հաւատացեալ ժողովուրդին:

Սիրով ի Քրիստոս՝


Գալֆէ Դ

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

6 սեպտեմբեր

1982 թ.

Մայր Աթոռ





ՀԱՂՈՐԴԱԳՐՈՒԹՅՈՒՆ

Մայր Աթոռիս Դիվանը ուրախ է հաղորդելու ի գիտություն մեր Սուրբ եկեղեցու և հատկապես մեր ամերիկահայ հավատացյալը ժողովրդին, թե Ամենայն Հայոց Հայրապետը սիրով ընդունեց Միացյալ Նահանգաց արևելյան թեմի պատվիրակությանը, բաղկացած՝ թեմակալ առաջնորդ Ս. Թորգոմ արքեպիսկոպոս Մանուկյանից, Թեմական Խորհրդի ատենապետ Ս. Մամբրե քահանա Գուպոյանից և Միության Հանձնաժողովի ատենապետ դատավոր ձան Նաջարյանից, որոնք եղան Նորին Սրբության հյուրերը, սույն թվի օգոստոսի 28-ից մինչև սեպտեմբերի 6-ը:


Լսելով թեմական պատվիրակության մանրամասն զեկուցումը և լուսաբանությունները ի խնդիր իրագործելու Հայ Առաքելական եկեղեցիների միությունը Միացյալ Նահանգաց արևելյան թեմում Սուրբ Էջմիածնի օրհնության և իրավասության ներքև, Ս. Ս. Վապգեն Ա. Կաթողիկոսը Իր գոհունակությունը հայտնեց և Իր ցանկությունը, որ Միության Հանձնաժողովը իր ջանքերը շարունակի ի գործ դնել, Ս. Թորգոմ արքեպիսկոպոսին ուղղված՝ Իր 14 հուլիս և 6 սեպտեմբեր 1982 թվակիր կարևոր նամակներում արտահայտված հորդորների լույսի ներքև:

ԴԻՎԱՆ ՄԱՅՐ ԱԹՈՒԻ

7 սեպտեմբեր 1982 թ.

Ս. Էջմիածին





ԵԿԵՂԵՑԱԿԱՆ ԲԵՄ. ԼՈՒՐԵՐ

Հուլիսի 1-ին, հինգշաբթի.—Տօն Սրբոց Թարգմանչաց մերոց Սահակայ և Մեսրոպ-բայ.

Այսօր Օշականի Ս. Մեսրոպ Մաշտոց եկեղեցում, Թարգմանչաց տոնի առթիվ, ս. պատարագ է մատուցում Ս. Ստեփանոս վրդ. Չաքալյանը և «Հայր մեր»-ից առաջ քարույում «Ճանաչել Կիսաստություն և Կիսրատ, Իմանալ Կբանս հանձարոյ» (Առակաց Ա 1) բնաբանով:

Հավարտ ս. պատարագի կատարվում է հոգեհանգստյան պաշտոն՝ ի հիշատակ հայ մշակույթի բոլոր երախտավորների:

• •

Նույն օրը ուխտավորաբար Մայր Աթոռ է ժամանում Կենտրոնական Եվրոպայի հայրապետական պատվիրակ Ս. Մեսրոպ ծ. վրդ. Գրիգորյանը:

• •

Հուլիսի 2-ին, ուրբաթ.—Այսօր, երեկոյան, Վեհարանում, Վեհափառ Հայրապետի նախագահությամբ, տեղի է ունենում Գերագույն Հոգևոր Խորհրդի հերթական նիստը:

Նիստին հրավիրված էին նաև Ս. Ներսես եպս. Պոպապալյանը և Ս. Մեսրոպ ծ. վրդ. Գրիգորյանը:

Նիստում, Վեհափառ Հայրապետի կարգադրությամբ, Մայր Աթոռի դիվանապետ է նշանակվում Ս. Ներսես եպս. Պոպապալյանը:

Այա Կենտրոնական Եվրոպայի հայրապետական պատվիրակ Ս. Մեսրոպ ծ. վրդ. Գրիգորյանը ղեկնում է Ավստրիայի, Արևմտյան Գերմանիայի և Շվեդիայի այսօրվա ապագային-եկեղեցական կյանքի և նրանց ապագա ծրագրերի մասին:

Վերջում Ս. Ներսես եպս. Պոպապալյանը և Ս. Մեսրոպ ծ. վրդ. Գրիգորյանը, իրենց երկարամյա ազգանվեր եկեղեցական ծառայության համար, արժանանում են Վեհափառ Հայրապետի և Գերագույն Հոգևոր Խորհրդի բարձր գնահատանքին:

• •

Հուլիսի 3-ին, շաբաթ.—Այսօր, երեկոյան, ուխտավորաբար Մայր Աթոռ է ժամանում Հունաստանի հայրապետական պատվիրակ և Դամասկոսի հայոց թեմի առաջնորդ Ս. Ուկան եպս. Գալփաքյանը:

Հուլիսի 4-ին, կիրակի.—Տոն գիտ տվոյ Սրբուհոյ Աստուածածնի.

Այսօր Մայր տաճարում, Ավագ խորանի վրա, ս. պատարագ է մատուցում Ս. Հովնան արդ. Տերտերյանը և «Հայր մեր»-ից առաջ քարոզում «Նմանեցաւ արքայութիւնս երկնից առն, որ սերմանիցէ սերմն բարի յագարակի իւրում ...» (Մատթ. ԺԳ 24) բնաբանով:

Ս. պատարագին ներկա էր Վեհափառ Հայրապետը:

Հուլիսի 7-ին, չորեքշաբթի.—Այսօր, առավոտյան ժամը 10-ին, Մայր Աթոռ և Վեհափառ Հայրապետին է այցելում ատոմային էներգիայի միջազգային գործակալության պատվիրակությունը՝ գլխավորությամբ ընդհանուր տնօրեն Հանս Բիքսի:

Պատվիրակությանն ուղեկցում էր ՍՍՀՄ ատոմային էներգիայի օգտագործման պետական կոմիտեի նախագահ Ա. Մ. Պետրոսյանը:

Նույն օրը, ժամը 11-ին, Մայր Աթոռ և Վեհափառ Հայրապետին են այցելում Ասիայի բազմաթիվ երկրներից (Հնդկաստան, Վիետնամ, Լաոս, Կամբոջա, Նեպալ, Սիրիա, Պարսկաստան, Հորդանան, Թուրքիա և այլն) Հայաստան ժամանած դիվանագետների, նախարարների, գիտնականների և լրագրողների մի խումբ՝ շուրջ 60 հոգի:

Նույն օրը, երեկոյան, Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

Հավաքույթի վերջում Վեհափառ Հայրապետը վարդապետական լանջախաչ է ջնորհում Ս. Գարեգին վրդ. Ներսիսյանին և Ս. Ստեփանոս վրդ. Չաքալյանին, որոնք վերջերս պաշտպանեցին իրենց վարդապետական թեմերը:

Հուլիսի 8-ին, հինգշաբթի.—Այսօր, երեկոյան, ուխտավորաբար Մայր Աթոռ է ժամանում Արևմտյան Եվրոպայի հայրապետական պատվիրակ, և Ֆրանսիայի Հայոց առաջնորդ Ս. Սերովբե արքեպ. Մանուկյանը:

Հուլիսի 10-ին, շաբաթ.—Այսօր, առավոտյան, Վեհափառ Հայրապետից հրաժեշտ առնելով, իր պաշտոնատեղին է մեկնում Ս. Ոսկան եպս. Գալփաքյանը:

Հուլիսի 11-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Մեսրոպ Ժ. վրդ. Գրիգորյանը և «Հայր մեր»-ից առաջ քարոզում «Օրինեաց և եբեկ, և ետ ցաշակերտսն անկանակսրն» (Մատթ. ԺԴ 19) բնաբանով:

Ս. պատարագին ներկա էր Վեհափառ Հայրապետը:

Նույն օրը, երեկոյան, Վեհափառ Հայրապետից հրաժեշտ առնելով, Մայր Աթոռից մեկնում է Ս. Դավիթ եպս. Սահակյանը:

Հուլիսի 13-ին, երեքշաբթի.—Այսօր, կեսօրից հետո, Բյուրականի «Հայկաջէն» հայրապետական ամառանոցում տեղի է ունենում Գերագույն Հոգևոր Խորհրդի հերթական նիստը:

Հուլիսի 14-ին, չորեքշաբթի.—Այսօր, Վեհափառ Հայրապետից հրաժեշտ առնելով, իր պաշտոնատեղին է մեկնում Ս. Մեսրոպ Ժ. վրդ. Գրիգորյանը:

Նույն օրը Վիեննայից ուխտավորաբար Մայր Աթոռ է ժամանում Ս. Աբել արք. Օդլուգյանը:

Հուլիսի 15-ին, հինգշաբթի.—Այսօր, երեկոյան, Բյուրականի «Հայկաջէն» հայրապետական ամառանոցում տեղի է ունենում միաբանական հերթական հավաքույթ:

Հուլիսի 18-ին, կիրակի.—Վարդավառ: Պայծառակերպություն Տեառն մերոյ Յիսուսի Քրիստոսի.



Այսօր Մայր տաճարում, Ավագ խորանի վրա, ս. պատարագ է մատուցում Տ. Ներսես եպս. Պոպապայանը և «Հայր մեր»-ից առաջ քարոզում «Վարդապետ բարոք է մեզ աստ լինել» (Ղուկ. Թ 33) բնաբանով:

Ս. պատարագին ներկա էր Վեհափառ Հայրապետը:

*
* *

Հուլիսի 22-ին, հինգշաբթի.—Այսօր, երեկոյան, Բյուրականի «Հայկաջէն» հայրապետական ամառանոցում տեղի է ունենում միաբանական հերթական հավաքույթ:

*
* *

Հուլիսի 24-ին, շաբաթ.—Այսօր, կեսօրից


հետո, Վեհափառ Հայրապետից հրաժեշտ առնելով, իր պաշտոնատեղին է մեկնում Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ Տ. Սերովբե արքեպ. Մանուկյանը:

*
* *

Հուլիսի 28-ին, չորեքշաբթի.—Այսօր, առավոտյան, Վեհափառ Հայրապետը մեկնում է Կիսլովոդսկ՝ մոտ մեկ ամիս տեղի «Կրասնընե կամնի» առողջարանում հանգստանալու համար:

Այս առթիվ Նորին Սրբությանը ուղեկցում էր Շիրակի հայոց թեմի առաջնորդ Տ. Նարեկ եպս. Շաքարյանը:





ՄԱՆԿԱԿԱՆ ՆՈՐ ՊԱՐԲԵՐԱԿԱՆ

Վերջերս արժեքավոր նվեր ստացան ամերիկահայ մանուկներն ու պատանի դպրոցականները: Մայիս ամսին, Միացյալ Նահանգների հայոց արևելյան թեմի առաջնորդարանի հովանավորությամբ, Նյու Յորքում լույս է տեսնում «Ձարթի՛ր» մանկական պարբերականի անդրանիկ համարը: Մանկական այս թերթիկը իր առջև նպատակ է դրել՝ ծանայել սփյուռքի հայ մանուկների առավել հայեցի դաստիարակման սրբապան գործին:

«Ձարթի՛ր» պարբերականը բաղկացած է ութ էջից:

Անդրանիկ համարի առաջին էջը բացվում է Միացյալ Նահանգների հայոց արևելյան թեմի առաջնորդ Ս. Թորգոմ արքեպ. Մանուկյանի՝ հայ մանուկին ողջված կոչով:

Երկրորդ էջում «Ձարթի՛ր»-ի հրատարակության առիթով պետեղված է մի խմբագրական, որի բովանդակությունը ցույց է տալիս պարբերականի նպատակը, այն է՝ «Հայ մանուկի հոգիին մեջ արթնցնել ու արթուն պահել սերը հանդեպ իր մայրենի լեզվին և հանդեպ իր ժողովրդի պատմության»:

Թերթիկի երրորդ էջում «Ո՛վ ես դու» հարցում-վերնագրի տակ ներկայացված է էետկյալ պատասխանը.

«Դո՛ւն հայ ես: Քու ազգիդ առաջին հայրը Հայկ կկոչվի: Հայկ ազատասեր մեկը եղավ: Ան փոխադրվեցավ երկիր մը և իր ազգականներով, պինդորներով ու բարեկամներով հո՛ւն բնակեցավ: Արդ երկիրը կոչվեցավ Հայաստան և բնակիչները՝ հայք»:

Նույն էջում «Արդի Հայաստան» խորագրի տակ հայ մանուկին համառոտակի ծանոթություններ են տրվում Սովետական Հայաստանի աշխարհագրական դիրքի, նրա տարածության ու սահմանների, քաղաքամայր

Երևանի մասին: Հոդվածում նշվում է, որ «Հայաստանի մեջ կգտնվի հայ ժողովուրդի առաջին եկեղեցին՝ Սուրբ Էջմիածինը և Ամենայն Հայոց Կաթողիկոսարանը, ուր կբնակի Նորին Սուրբ Օծություն Ս. Տ. Վազգեն Առաջին Սրբապնագույն Հայրապետը»:

Պարբերականի չորրորդ էջը ուսուցում է «Պատմություն Հայ Եկեղեցիի» հակիրճ հոդվածը, որտեղ շարադրված է.

«Հայաստանյայց Եկեղեցին հիմնեցին Քրիստոսի տասներկու աշակերտներեն՝ Սուրբ Թադեոս և Սուրբ Բարթողիմեոս առաքյալները, որոնք եղան մեր ազգին առաջին լուսավորիչները: Այս պատճառով Հայոց Եկեղեցին կկոչվի Առաքելական Եկեղեցի»:

Հայոց երկրորդ Լուսավորիչ Սուրբ Գրիգոր Հայրապետի ջանքով Տրդատ թագավոր հրաժարեցավ կռապաշտություն և 301 թվականին քրիստոնեությունը հռչակեց Հայաստանի պետական կրոնքը:

Պաշտոնապես և ազգովին քրիստոնյա դարձող առաջին ազգը եղան հայերը:

Իսկ 303 թվականին շինվեցավ հայոց առաջին եկեղեցին՝ Սուրբ Էջմիածին, որ կնշանակե «Իջավ Միածին»-ը՝ այսինքն Հիսուս Քրիստոս»:

Թերթիկի հինգերորդ էջում «Հայկական ճարտարապետություն» վերնագրի տակ հայ մանուկին ընդհանուր տեղեկություն է տրվում հայ եկեղեցական ճարտարապետության յուրահատկության մասին և եպրակացվում, թե «Օտարներ ներշնչված են հայկական ճարտարապետությունն: Հայերն են, որ առաջին անգամ մասնագիտացած են կոթական (կոթիկ) արվեստին»:

«Ձարթի՛ր»-ի վեցերորդ էջի «Մենք մեր գիրերը ունինք» հոդվածում հայ մանուկը

կարող է տեղեկանալ հայոց գրերի գյուտին, Աստվածաշնչի հայերեն «Թագուհի թարգմանության»-ը և հայկական մշակույթի Ոսկեդարին (Ե դար): Վերոհիշյալ հոդվածը ավարտվում է հայ մանուկին ուղղված հետևյալ կոչով.

«Հպարտ եղի՛ր, որ դուն ունիս քու սեփական գիրերդ: Սորվե՛ և գործածե՛ ականջք»:

Պարբերականի յոթերորդ էջը նվիրված է հայ նոր գրականության հիմնադիր, նշանավոր մանկավարժ, լուսավորիչ ու կրթական գործիչ, գրող Խաչատուր Աբովյանին: Հոդվածում մի քանի տողերի մեջ տրված է նաև գրողի ստեղծագործությունների ընդհանուր բնութագիրը:

Մանկական թերթիկի առաջին համարը եւրափակվում է հայկական երգ ու պարի ուսուցմամբ:


«Չարթի՛ր»-ի տարբեր էջերում պետեղված են նաև մի քանի ուսուցողական հարցեր, հանելուկներ, խաղեր ու բառախաղեր:

Ճաշակով ու գեղեցիկ նկարավարով և հանդեսի յուրաքանչյուր հատվածի համեմատ պետեղված են համապատասխան գլխավարներ, նկարներ ու քարտեզներ:

Սփյուռքահայ իրականության մեջ գնահատելի այս ձեռնարկը, հույսով ենք, իր լայն արձագանքը պիտի գտնի ինչպես Միացյալ Նահանգներում, այնպես էլ հայոց աշխարհասփյուռ մյուս գաղթօջախներում:

Հանուն Հայոց Հայրապետի և «Էջմիածին» ամսագրի խմբագրության ջնորհավորում ենք թեմակալ սրբապան առաջնորդի այս սքանչելի ձեռնարկը և «Չարթի՛ր»-ի խմբագրական կապին ու բոլոր աշխատակիցներին մաղթում, որ նրանք նույն ոգևորությամբ շարունակեն իրենց ապգանվեր ծառայությունը, որպեսզի թերթիկը դառնա բարի այն սերմնացաններից մեկը, որը կարողանա սփյուռքահայ մանուկ հոգիներից ներս սերմանել հայեցի լույս ու գիտության առատ սերմեր:

ՋԱՏԻԿ ԱՖԵՂԱ ԱՎԵՏԻՔՅԱՆ



ՉԱՐՈՒՐ

H. ՏԻՍԵ - ԹԻՒՆ - ՄԱՐԺՈՒ 1982



Մերելի Հայ Մանուկ,

Ահա տսիկ քեզի համար նոր հրատարակություն մը:

Մեր փափարն ու նպատակն է, որ դու՛ն կարգաւ այս նոր հրատարակութեան բաժանդակութիւնը՝ որպէս զի ճոխացնես ու հարստացնես քու գիտութիւնդ Հայերէն Լեզուի, Հայոց Պատմութեան եւ Հայ Մշակոյթի:

Մեր քեզուն սրանչէլի է, մեր պատմութիւնը՝ փառաւոր եւ մեր մշակոյթը՝ հարուստ:

Ոչ մէկ պատճառ ունիս ամէնօրու Հայ ըլլալուդ, այլ քննահատակն, դու՛ն քեզ հպարտ պէտք է զգաս որ ժառանգորդն ես Հայ ժողովուրդի արժէքաւոր աւանդութիւններուն, քեզուին, պատմութեան եւ մշակոյթին:


Մեր մտայթանքն է որ քու ստացած այդ ժառանգութիւնը աւելի ճոխացուցած ու հարստացուցած փոխանցես քու յաջորդներուդ:

Սորովէ՛, Մայրենի Լեզուդ, խօսէ՛, կարդա՛ ու աղօթէ՛ Հայերէն Լեզուով, ապրէ՛ ու գործէ՛ որպէս Հայ՝ որպէս զի մենք ապահովութիւնը ունենանք մեր ժողովուրդի պայծառ ապագային:

Թորոս Սիր. Սահակեան

ԹՈՐՈՍ ՍՐՔ. ՍԱՀԱԿԵԱՆ

Աւանդարդ



**ԱՄԵՐԻԿԱԶԱՅ ԵԿԵՂԵՑԱՍԵՐ ԵՐԻՏԱՍԱՐԴԱՑ
ԿԱԶՄԱԿԵՐՊՈՒԹՅԱՆ ԽՄԲԻ ԱՅՑԵԼՈՒԹՅՈՒՆԸ
ՄԱՅՐ ՀԱՅՐԵՆԻՔ ԵՎ ՄԱՅՐ ԱԹՈՒ ՍՈՒՐԲ ԷԶՄԻԱԾԻՆ**

Ավանդություն է:

Ամեն կենդանի շունչ իր հարապատին է փնտրում, որովհետև հարապատի մեջ բնակվում է իր ոգին, իր նախնիների ոգին: Եվ հարապատին հանդիպելով, փոխադարձ հոգևոր կապ ստեղծելով, վերանորոգվում է, ամրանում է իր մեջ իր ոգին, իր նախնիների ոգին:

Ավանդություն է:

Ամեն հայ, որտեղ էլ որ ծնված լինի, իր հայրենիքն է փնտրում, որովհետև այնտեղ բնակվում է իր ոգին, իր նախնիների ոգին: Եվ հայրենիքում՝ հայրենիք գալով, հայրենիքը վերապրելով՝ վերանորոգվում է իր մեջ իր ոգին, իր նախնիների ոգին՝ հայի ոգին:

Ավանդություն է:

Ամեն տարի, Հայաստանի վերածնունդով խանդավառված, հայրենիքի կարոտով տոջորված, դեպի Հայաստան են ձգտում հարյուրավոր սփյուռքահայեր, որոնք մեր ազգի դաժան ճակատագրի բերումով ծնվել են օտար ափերում, ապրել են օտար հողերում, որոնք երբեմն վատ են խոսում կամ չեն խոսում հայերեն, սակայն դեռ ապրում են հայերեն, դեռ ջնջում են հայերեն՝ որոնց հոգիներում դեռ կայծկտում է հայի ոգին, որոնց սրտերում դեռ հարատևում է հայոց հավատը:

Հայրենիքը անուշ է. հայրենիքը կախարդող, ձգող մոգական ուժ ունի: Հայրենիքը վերապարթեցնում է, վերանորոգում է իր պավակների հոգին, վերականգնում է նրանց ազգային նկարագիրը:

Ավանդություն է, և սփյուռքահայերը գալիս են Հայաստան, և նրանց թվում...

Ավանդություն է...

Մայր Աթոռ Սուրբ Էջմիածնի նախաձեռնությամբ, հայրենի կառավարության գործնական աջակցությամբ, ԱՄՆ-ի արևելյան թեմի Հայ Եկեղեցասեր Երիտասարդաց Միության կազմակերպությամբ՝ ամեն տարի ա-

վանդաբար Հայաստան են այցելում Միացյալ Նահանգներում ապրող հայ երիտասարդներ՝ հատուկ ծրագրով, որի նպատակն է՝ երիտասարդներին մերձեցնել մայր հայրենիքի հետ, ծանոթացնել նրանց հայրենի մշակույթին, պարգացնել գիտելիքները հայոց լեզվի, պատմության բնագավառում, սովորեցնել նրանց հայկական պարեր, երգեր և այլն ամենը, ինչ հայեցի է, ինչ իր մեջ ամփոփում է մեր ժողովրդի հոգուց մի մասնիկ:

Այս տարվա Հայ Եկեղեցասիրաց Կազմակերպության խումբը թվով տասներկուերորդն էր, որ այցելեց Հայաստան: Խմբի ղեկավարն էր Մասաչուսեց նահանգի Հելլոնիի քաղաքի հայոց հոգևոր հովիվ Հայկապուն արքեպ Մելքոնյանը՝ իրեն օգնական ունենալով տիկին Ազատուհի Դադեկյանին: Երիտասարդների խումբը բաղկացած էր տասնհինգ երկսեռ անդամներից՝ հավաքված ԱՄՆ-ի չորս տարբեր նահանգներից, որոնք առաջին անգամ էին այցելում Հայաստան:

Խումբը Հայաստան ժամանեց հունիսի 11-ին: Կարելի է նկարագրել, թե հայրենաբաղձ երիտասարդները ինչպիսի հույսով ու առաջին անգամ ոտք դրեցին հայրենի հողի վրա: Գուցե նրանց ականջներում դեռ վնգում էր բարեկամների ձայնը՝ իրենց ճանապարհելու պահին. «Երանի՜ ձեպի, երանի՜ ձեր աչքերուն, որ Հայաստանը պիտի տեսնաք»:

Եվ ահա՝ եկել են, և ահա՝ տեսնում են, և ահա՝ պզում են Հայաստանը, ապրում են Հայաստանում, ապրում են հայրենիքում բարեկամների շրջապատում: Զգում են, այո՛, պզում են, որ լոկ խոսք չէ Հայաստանը, աշխարհագրական մի տեղանուն, վերացական, անմարմին մի գաղափար, այլ իրական, տեսանելի և ծաղկող մի հայրենիք: Կարծես նրանց հոգին թևածում էր հայրենի հարապատ և սիրելի հեռուներում և ձայնում հայտնի երգի հետևյալ բառերով. «Հայաստան

աշխարհ, դու մեր կարոտն ես նոր կյանքովդ անմար»:

Ամերիկահայ երիտասարդները տեղավորվեցին Բյուրականում «Հայկաշեն» Վեհարան-ամառանոցում: Քառագագաթ Արագածի լանջին խարսխված «Հայկաշեն»-ը կարծես ինքն էլ ծնվել է լեռների հետ, նույն լեռներից: Առջևում բացվում է հրաշալի համայնապատկեր՝ Արարատյան դաշտի արգավանդ հեռաստանը, իսկ հեռվում, հակառակ ամառվա ջերմության, ձերմակին է տալիս հավերժաբար ձյունածածկ Արարատը: Օդը «Հայկաշեն»-ում ցուլ է, իսկ տեսարանը՝ դյուխից: Կարելի է օրերով անձանձրույթ նայել հայրենի պարմանահրաշ հեռուներին և այդ հեռուները եկրագծող հպարտ լեռներին:

Երիտասարդների հոգիներն էլ լեցվում էին հայարտությամբ: Ինչ-որ հարապատ մի բան ձգում էր, կապում էր նրանց սրտերը այս լեռնաշխարհին:

Մայր Աթոռում հունիսի 13-ին, կիրակի օրը, հավարտ սուրբ պատարագի, երիտասարդներին ընդունեց Վեհափառ Հայրապետը՝ հայտնելով Իր բարիգալստյան ողջույնը և տալով Իր օրհնությունը:

Ուսանողության անունից ջերմ խոսք ասաց Միքայել Պոլոյանը, որն իր սեղմ խոսքերի մեջ խտացրել էր խմբի բոլոր անդամների մտքերն ու պագցումները:

«Վեհափառ Տեր.

Հանուն ամերիկահայ եկեղեցասեր երիտասարդներու, կուգամ մեր երախտագիտությունը հայտնելու Ձերդ Սրբության: Ձեր հայրական հոգածությունը և հայրենական հյուրասիրությունը քջեց և անցավ մեր ակնկալությունները: Մենք եկանք Հայրենիք՝ սովորելու համար և կվստահեցնենք Ձերդ Սրբության, որ տիպար աշակերտներ պիտի ըլլանք:

Եկանք Սուրբ Էջմիածին և ներշնչվեցանք: Մեր հետ՝ օտար ամերիկացի պիտի տանինք Հայրենիքի, Ս. Էջմիածին և Ձեր հայրական սերը: Այդ սիրով պիտի ապրինք, ուր որ ալ ըլլանք:

Դարձյալ՝ հանուն մեր կազմակերպության, ընդունեցեք մեր որդիական սերը և երախտագիտությունը Ձեր հայրական գորգուրանքին համար»:

Այնուհետև ամերիկահայ երիտասարդներին սպասում էր մեկամսյա խիստ հագեցած մի ծրագիր. հանդիպումներ և դասախոսություններ Սփյուռքահայության հետ մշակութային կապի կոմիտեում և Մատենադարանում, սիստեմատիկ պարապմունքներ և ուսուցում հայոց լեզվի, պատմության, հայ երգի ու պարերի. այցելություններ՝ հայ մշակույթի օջախներ, մայրաքաղաքի տեսարժան վայրեր,

թանգարաններ, տուն-թանգարաններ, օպերա, Հայիամերգի դահլիճ, պատկերասրահներ, Էրեբունի. այցելություններ Հայաստանի տեսարժան վայրեր և պատմական հուշարձաններ. պտույտներ՝ դեպի Սևանա լիճ, Սարդարապատ, Գառնի, Գեղարդ, Դդեր, Ամբերդ, Խորվիրապ, Դվին, Գոշավանք, Հաղարծին, Կեչառիս, Ծաղկաձոր, Հաղպատ ու Սանահին:

Երիտասարդները աղոթեցին մեր սուրբ տաճարների մեջ. մասնակցեցին սուրբ պատարագների ու ժամերգությունների Մայր Աթոռում, Ս. Հովհաննես, Ս. Գալանե, Ս. Հռիփկաթ, Ս. Գեղարդ, Խորվիրապ վանքերում, Ս. Մեսրոպ Մաշտոց, Ս. Սարգիս, Ս. Աստվածածին եկեղեցիներում:

Հունիսի 27-ին Ս. Հովհաննես եկեղեցում պատարագ մատուցեց Ս. Հայկապոս արքեպիսկոպոսը, հոգևոր երգեցողության բաժինը կատարվեց մասնակցությամբ ամերիկահայ երիտասարդների:

Մեկ ամիս շարունակ նրանց աչքերը, ականջներն ու հոգիները լեցվում էին հայկական շնչով: Մեկ ամիս շարունակ նրանք սովորում էին, երբեմն ըմբոստանալով իրենց իրենց դեմ. «Կարճ ժամանակի մեջ այնքան շատ բան սովորեցանք և տեսանք Հայաստանի մեջ, որ չենք գիտեր, որը յուրացնել»:

Ակնթարթի պես անցան երիտասարդների խոնջացած, բայց երջանիկ օրերը մայր հայրենիքի մեջ: Երբեք չպզգացվեց ժամանակի ընթացքը, և վերջին օրերին ոչ ոք չէր ուզում հավատալ, որ պետք է բաժանվի հայրենիքից՝ հարապատ դարձած վայրերից, հարապատ դարձած բարեկամներից:

Բայց ահա նորից հավաքվել են Վեհափառ Կաթողիկոսի ջուրջ, Վեհարանում, վերջին հրաժեշտը առնելու համար Հայոց Հայրապետից: Չգացումները խտացել են նրանց սրտերում և առատապես դուրս են հորդում:

Վեհափառ Հայրապետը բարի ճանապարհի մաղթանքից հետո մի կարճ պատգամ է ուղղում ուսանողությանը, Իր հայրական խոսքը տալով նրանց, որ՝ ուր էլ որ գնան, որտեղ էլ որ ապրեն, թող չմոռանան մայր հայրենիքը և Սուրբ Էջմիածինը: «Հայրենիքից լույս տարեք ձեր եղբայրներին, — ասում է Հայրապետը, — նորից եկեք Հայաստան, այս անգամ, ինչու չէ, ձեր զավակների հետ»:

Եվ ապա լավում է խոսքը ի դեմս երիտասարդության:

«Նորին Սուրբ Օծություն, Վեհափառ Տեր.

Շուրջ մեկ ամիս մեր խումբը կգտնվի հայրենիքի մեջ: Մենք բազմաթիվ տեղեր եղանք, տեսանք գեղեցիկ Սևանը, Սարդարապատի հուշարձանը, Գառնու տաճարը և շատ մը եկեղեցիներ, հիացանք մեր ժողովուրդի



ՎԵՀԱՓԱՌ ՀԱՅՐԱՊԵՏԸ՝ ՇՐՋԱՊԱՏՎԱԾ ԱՄԵՐԻԿԱՀԱՅ ԵԿԵՂԵՑԱՍԵՐ ԵՐԻՏԱՍԱՐԴԱՑ
ԿԱԶՄԱԿԵՐՊՈՒԹՅԱՆ ԱՆԴԱՄ-ԱՆԴԱՄՈՒՀԻՆԵՐՈՎ, ՎԵՀԱՐԱՆԻ ՇՔԱՄՈՒՏՔԻ ԱՌԱՋ
(1982 թ. ՀՈՒՆԻՍԻ 27).

պատմության ու մշակույթի ստեղծագործությանը վրա:

Իսկական հրաշք մըն է Երևանը՝ մեր մայրաքաղաքը, իր վարդագույն ջենքերով, թանգարաններով, հուշարձաններով, պաղ ջրի աղբյուրներով, թատրոնի ու օպերայի ջենքերով և հրապարակներով:

Մենք մոտեն ծանոթացանք նաև հայ գրի և գրականության ստեղծման պատմությանը, սորվեցանք մեր ժողովրդի երգն ու պարը: Մեր այս այցելության ժամանակ հասկացանք, որ իրավ՝ Հայաստանը բաց թանգարան մըն է՝ երկնքի տակ:

Վեհափառ Տեր, շատ դժվար է քիչ խոսքով պատմել այն բոլորին մասին, ինչ որ տեսանք և, մանավանդ, ինչ զգացինք: Սուրբ Էջմիածինը միշտ եղած է մեր սիրտերուն մեջ, բայց հիմա, որ տեսանք մեր աչքերով, ավելի լավ կրնանք ըմբռնել այդ անհուն սերը, որ ունի մեր ժողովուրդը մայր հայրենիքի և Մայր Աթոռի նկատմամբ: Այդ սերը, որ արդեն իսկ ունեինք մեր մեջ, արմատավորված է մեր սիրտերուն մեջ:

Վեհափառ Տեր, թույլ տվեք մեր խումբի և համայն Հայաստանյայց Եկեղեցվո Ամերիկայի Եկեղեցասեր Երիտասարդաց Կապմակերպության կողմն համբուրել Սուրբ Աջդ և ստանալ Ձեր հայրական օրհնությունները:

Ընդունեցեք այս փոքր խոսքը որպես նվեր մեր խումբին կողմն, որ կընծայենք ձեզ, որպես Ձեր հարապատ զավակներ»:

Խոսողը խմբի ամենակրտսեր, ամենազգայուն անդամն էր՝ Լինա Պալույանը, որն, ի դեպ, բոլորից լավ էր խոսում հայերեն: Հիշում եմ իրենց մեկնումի նախորդ օրը, երբ խմբի անդամները վերջին լուռ աղոթքն էին մրմնջում Մայր տաճարում, ինչպես էին արցունքներից մշուշվել բոլորի աչքերը, իսկ փոքրիկ Լինան ողողակի փղձկաց:

Մտովի հարցրեցի՝ ինչո՞ւ կու լաք: Եվ ինքըս էլ գտա պատասխանը.

«Դուք կու լաք երթալու ատեննիդ, որովհետև երթալով՝ հայրենիք մը պիտի կորսընցընեք. պիտի կարոտնաք: Հոգիիս մեջ՝ ես ալ կու լամ ձեր երթալու ատեն, որովհետև բարի հոգիներ պիտի կորսնցնենք, պիտի կարոտնանք...»:

Հուլիսի 7-ին Երևանի Արևմտյան օդանավակայանից ինքնաթիռը օդ բարձրացավ՝ իր հետ տանելով Հայ Եկեղեցասեր Երիտասարդաց Կապմակերպության անդամներին: Նըրանք մեկնեցին՝ իրենց հետ տանելով հայրենի հիշատակներն ու բարեկամների սերը: Ավանդություն է...

ՀԱՅԿ ՍԱՐԿԱՎԱԳ ԶԻԼԻՆԳԱՐՅԱՆ

ՇՆՈՐՀԱԿԱԼԱԿԱՆ ՀԵՌԱԳԻՐ

ԱՊՐԻՆ ՍՈՒՐԲ ՕԾՈՒԹՅՈՒՆ Տ. Տ. ՎԱԶԳԵՆ Ա.

Ս. Էջմիածին

Վեհափառ Տեր,

Հանուն Ամերիկահայոց Արևելյան Թեմի Երիտասարդաց Կապմակերպության 36-րդ տարեկան համաժողովին, որ տեղի ունեցավ Հարտֆորդ, Կոննեկտիկուտ, սեպտեմբեր 1, 2, 3-ին 1982 թ., կհայտնենք բոլորիս որդիական սերն ու հավատարմությունը Ձերո՞ Սրբության, ամերիկահայ երիտասարդներու հանդեպ Ձեր ցուցաբերած հայրական վերաբերմունքի, մասնավորի ամառային միամսյա դասընթացներու առթիվ Ձերո՞ Սրբության Բյուրականի ամառանոցում հյուրընկալության համար:

Ի սրտե կմաղթենք և խոնարհաբար կաղոթենք Ձեր արևշատության և մեր հավատքի կեդրոն Սուրբ Էջմիածնի անսասանության համար:

Ամերիկահայ Եկեղեցասեր Երիտասարդաց Կապմակերպություն

Ատենապետ՝


ԱՆԵԿ-ի վարիչ քարտուղար՝

Հարութ Դավթյան

Հակոբ Մակարյան

Սեպտեմբեր 8

1982 թ.



ՍՍՀՄ ԿՐՈՆԱԿԱՆ ԳՈՐԾԻՉՆԵՐԻ ՀԱՎԱՔԸ ԶԱԳՈՐՍԿՈՒՄ

Ս/թ. հուլիսի 6-ին Մոսկվայի մոտ, Չագորսկի Ռուսաց մայրավանքի հոգևոր ձեռնարանի հանդիսությանց դահլիճում, տեղի ունեցավ ՍՍՀՄ-ում գործող Եկեղեցիների և կրոնական հարանվանությանց ներկայացուցիչների համատեղ հանդիպում: Այն կայացավ Մոսկվայի և Համայն Ռուսիո Նորին Սրբություն Պիմեն Պատրիարքի հրավերով՝ նպատակ ունենալով քննարկել մայիսի 10-ից 14-ը Մոսկվայում կայացած «Կրոնական գործիչները միջուկային աղետից կյանքի սրբապան պարգևը պաշտպանելու համար» համաշխարհային կոնֆերանսի արդյունքները:

Սույն հանդիպումին, հանուն Մայր Աթոռ Սուրբ Էջմիածնի և Նորին Սուրբ Օծություն Ս. Ս. Վազգեն Ա Ամենայն Հայոց կաթողիկոսի, իրենց մասնակցությունը բերեցին Շիրակի թեմի առաջնորդ Ս. Նարեկ եպիսկոպոս Շաքարյանը և Վրաստանի հայոց թեմի առաջնորդ Ս. Գևորգ եպիսկոպոս Սերայդարյանը:

Հանդիպումը տեղի ունեցավ Նորին Սրբություն Ս. Պիմեն Պատրիարքի նախագահությամբ: Նա ջերմորեն ողջունելով ներկաներին՝ հանգամանորեն խոսեց նաև Չագորսկում պարբերաբար գումարվող համատեղ հավաքների, օրվա հավաքի, ինչպես նաև վերջերս Նյու Յորք կատարած իր այցելության և ՄԱԿ-ի Գլխավոր Ասամբլեայի վիճաբանական երկրորդ հատուկ նստաշրջանում իր ունեցած ելույթի մասին:

Հանդիպման գլխավոր բանախոսն էր Մինսկի և Բելոռուսիայի միտրոպոլիտ Ֆիլարետը, որն անդրադարձավ սույն թվականի մայիսին Մոսկվայում տեղի ունեցած

կրոնական գործիչների միջազգային կոնֆերանսի արդյունքներին:

Ելույթներով հանդես եկան քրիստոնեական, մահմեդական, մոլիսիսական և բուդդայական կրոնների բարձրաստիճան ներկայացուցիչները:

Ս. Գևորգ եպիսկոպոս Սերայդարյանը ընթերցեց Նորին Սրբություն Պիմեն Պատրիարքին ուղղված Ամենայն Հայոց կաթողիկոս Ս. Ս. Վազգեն Ա-ի հետևյալ ողջույնի խոսքը ռուսերեն թարգմանությամբ..

ՆՈՐԻՆ ՍՐԲՈՒԹՅՈՒՆ
Ս. ՊԻՄԵՆ ՊԱՏՐԻԱՐԷՆ
ՌՈՒՍ ՈՒՂԱՍՓԱՆ ԵԿԵՂԵՑՈՒ

Մոսկվա

Սիրեցյալ եղբայր Մեր ի Քրիստոս,

Հանուն աշխարհի խաղաղ գոյակցության պահպանման և վիճաբանական սրբապան պայքարի, նոր մի հաղթանակ ևս արձանագրեց մայիսյան համաշխարհային համագումարը, որը տեղի ունեցավ Մոսկվայում Չերո Սրբության նախաձեռնությամբ ու հրավերով, համագումար, որին մասնակցեցին աշխարհի կրոնական բոլոր կազմակերպությունները՝ բոլոր ցամաքամասերից:

Եվ համագումարի տրամաբանական հետևանքը ե.լավ Չեր արտասանած խաղաղության հուլիս կոչը հունիս ամսին Միացյալ Ազգերի Կազմակերպության բարձր ամբիոնից: Չեր խոսքը միջազգային մեծ իրադարձություն էր և առաջին անգամն էր, որ այդ բարձր ամբիոնից հնչում էր ոչ միայն մի Եկեղեցու անունից, այլ կարծում ենք նաև բո-

լոր այն Եկեղեցիների անունից, որոնք մասնակցեցին Մոսկվայի մայիսյան համագումարին:

Վստահ ենք, թե ինչպես Մենք, իբրև Գլուխ Հայ Եկեղեցու, այնպես էլ մայիսյան համագումարին մասնակցած բոլոր կրոնների ներկայացուցիչները և մանավանդ Սովետական Միության Եկեղեցիներն ու կրոնական կապմակերպությունները հոգեպես միախորովեցին և երախտապարտ եղան Ձերդ Սրբության:

Նյու Յորքից Դուք վերադարձաք հոգևոր մեծ հաղթանակով, հաղթանակը Քրիստոսի ավետարանական ոգու, հաղթանակը Ռուս Պրավոսլավ Եկեղեցու մեր օրերի խաղաղասիրական առաքելության, հաղթանակը սովետական ժողովուրդների մարդասիրական իդեալների:

Դարեր շարունակ պատերազմների թատերադեմ եղած և բազմիցս նահատակված Հայ Եկեղեցին ու իր ժողովուրդը, որ մահվան անդունդից փրկվեց ռուս ապատարար բանակների շնորհիվ և իր վերածննդի ջրջանն է ապրում սովետական ժողովուրդների մեծ ընտանիքում, մի գերագույն իղձ ունեն, այն է, որ պատերազմի կրակը երբեք չմոտենա սովետական խաղաղ ու ապաստանի խորքերին, որ սովետական եղբայրացած ժողովուրդների ընտանիքը շարունակի իր շինարար, բարգավաճ ու արդար կյանքը, մշտական խաղաղության ու ծաղկման ճանապարհով:

Հանուն Հայ Առաքելական Եկեղեցու և Սովետական Հայաստանի ու արտասահմանի հայ ժողովրդի, Ձեզ ենք բերում Մեր շնորհակալությունը, Մեր բարձր գնահատանքը և Մեր հարգալից սերը:

Սրբազնագույն Պատրիարք Հայր, սիրեցյալ Եղբայր Մեր հարապատ, թող բարին Աստված Ձեզ պարգևի ևս բազում կենաց տարիներ լիակատար քաջառողջությամբ, ի գլուխ Ռուսաց Պրավոսլավ պանծալի Եկեղեցու և ի մխիթարություն մեզ բոլորիս:

«Այլ Աստուած յուսոյ լի արասցէ զձեզ ամենայն խնդութեամբ և խաղաղութեամբ առաւելոյ ձեզ յուսով զօրութեամբ Սուրբ Հոգւոյն» (Հռոմ. ԺԵ 13): Ամէն:

ՎԱՁԳԵՆ Ա

ԿՈԹՈՂԻԿՈՍ ԱՄԵՆԱՅՆ ՀԱՅՈՑ

2 հուլիս 1982 թ.

Մտքերի փոխանակությունից հետո, հանդիպման ավարտին, խմբագրվեց ժողովի պաշտոնական հայտարարությունը՝ ի նպաստ խաղաղության պաշտպանության, և մի հե-

ռագիր՝ ուղղված ՄԱԿ-ի Գլխավոր Ասամբլեայի Չինաթափման երկրորդ հատուկ նըստաշրջանի նախագահ պրն. Իսմայիլ Կիտտանին:

«Մենք՝ Սովետական Միությունում գործող Եկեղեցիների և կրոնական հարանվանությանց պետերն ու ներկայացուցիչներս, հավաքված Չագորսկի Երրորդության-Սերգիևսկ մայրավանքում՝ քննարկելու Մոսկվայում սույն թվականի մայիսին կայացած «Կրոնական գործիչները կյանքի սրբապան պարգևը միջուկային աղետից պաշտպանելու համար» համաշխարհային կոնֆերանսի արդյունքները, ինչպես նաև որոշելու մեր խընդիրները այդ կոնֆերանսի որոշումներն իրագործելու վերաբերյալ, մեր հայացքները հույսով ուղղում ենք ձեզ՝ ՄԱԿ-ի Գլխավոր Ասամբլեայի Չինաթափման երկրորդ հատուկ նստաշրջանի մասնակիցներին, սպասելով Ձեզանից միջուկային աղետը կանխելու, ըստ պաշտպանությունների մրցավազքը դադարեցնելու և զինաթափման աշխատանքներն սկսելու որոշումների:

Հակառակ այն բանին, որ միջապգային սուր դրությունը դեռևս պահպանվում է, մենք չենք կորցնում այն հույսը, որ ՄԱԿ-ի մասնակից տերությունները զինաթափմանը նըվիրված իրենց հատուկ նստաշրջանում կըկարողանան ընդունել զինաթափման համընդհանուր ստրատեգիա: Մենք չենք կորցնում այն հույսը, որ ձեր նստաշրջանը կօգնի դադարեցնելու տարաձայնությունների քաղաքականությունը, որ տանում է դեպի միջապգային լարված դրության խորացում, ռազմական դիմառնության ուժեղացում և միջուկային պատերազմի ծագման վտանգի մեծացում: Նստաշրջանի ամբիոնից այս բոլորի մասին դիմելով Ձեզ, ոչ շատ վաղուց խոսեցին ոչ պետական շատ կապմակերպությունների ներկայացուցիչներ: Դրան են կոչ անում Մոսկվայում կայացած միջկրոնական, խաղաղասիրական համաշխարհային կոնֆերանսի մասնակիցները, որոնց կոչը հունիսի 24-ին ներկայացվեց Հանուկ Նստաշրջանին Մոսկվայի և Համայն Ռուսիո Պատրիարք Պիմենի ելույթում: Գիտակցելով Ձեր առաքելության ողջ դժվարությունն ու պատասխանատվությունը՝ մենք, հանուն մեր երկրի միլիոնավոր հավատացյալների, կոչ ենք անում Ձեզ, անել հնարավորը՝ պահպանելու համար աշխարհը միջուկային հրդեհից, որպեսզի մահաբեր վենքի պաշարները երբեք ի գործ չդրվեն:

Լցված հավատով դեպի համընդհանուր, արդար և հաստատուն խաղաղության հաղթանակը, մենք նստաշրջանին ցանկանում

ենք օրինաբեր հաջողություններ և ջերմապես աղոթում ենք դրա համար:


6 հուլիսի 1982 թ.


Հուլիսի 6-ի երեկոյան Չագորսկի մայրավանքի սեղանատանը, ի պատիվ հանդիպման մասնակիցների, տրվեց պաշտոնական

ձաջկերույթ՝ նախագահությամբ Նորին Սրբություն Տ. Պիմեն Պատրիարքի:

ձաջկերույթին ներկա էին ՍՍՀՄ Մինիստրների խորհրդին առընթեր կրոնական գործերի խորհրդի նախագահ Վ. Կուրոյեդովը և իր տեղակալը:

Հանդիպումն ավարտվեց խաղաղության գործի հաղթանակի ակնկալությամբ և բարի հույսերով:





ՖՐԱՆՍԱՀԱՅ ՈՒԽՏԱՎԱՐՆԵՐԻ ԽՈՒՄԲԸ ՄԱՅՐ ԱԹՈՌՈՒՄ

Սույն թվականի հուլիսի 23-ին Մայր Աթոռ այցելեցին Առնուվիլ քաղաքի (Ֆրանսիա) հայոց Վարագա Ս. Խաչ եկեղեցու վարչության անդամները՝ գլխավորությամբ Առնուվիլի հայկական համայնքի հոգևոր հովիվ Ս. Մեսրոպ քահանա ժամկոչյանի:

Այցելուների խմբի հետ Մայր Աթոռ էին ժամանել նույնպես Առնուվիլի քաղաքագլուխ պրն. Կլոդ Բիժելը և նրա տեղակալ պրն. Ժիրայր Նիկողոսյանը՝ իրենց հարգելի տիկինների հետ:

Առավոտյան ժամը 10.30-ին Վեհարանում Մայր Աթոռի հյուրերին ընդունեց Վազգեն Ա Ամենայն Հայոց կաթողիկոսը: Նորին Սրբությունը ջերմորեն ողջունեց մեծարգո պրն. քաղաքագլխի, նրա տեղակալի և Առնուվիլի հայոց եկեղեցու պատվարժան վարչության անդամների ներկայությունը Մայր Աթոռ Սուրբ Էջմիածնում և բարի գալուստ մաղթեց նրանց:

Պատասխան ողջույնի խոսքով հանդես եկան պրն. Կլոդ Բիժելը և Ս. Մեսրոպ քահանան՝ Ամենայն Հայոց Հայրապետին հաղորդելով Առնուվիլի ողջ հայկական համայնքի հավատարմությունը և որդիական սիրտ պատգամները դեպի Մայր Աթոռը և նրա արժանընտիր Գահակալը:

Այա Նորին Սրբության և հարգարժան հյուրերի միջև տեղի ունեցավ ջերմ ու սրտագին կրույց, որի ընթացքում հուշանվերներ փոխանակեցին Ամենայն Հայոց Հայրապետը և Առնուվիլի քաղաքագլուխ պրն. Կլոդ Բիժելը:

Ընդունելությանը ներկա էին ուխտավորա-

բար Մայր Աթոռում գտնվող Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ Ս. Սերովբե արքեպիսկոպոս Մանուկյանը, Մայր Աթոռի դիվանապետ Ս. Ներսես եպիսկոպոս Պոպպայանը և Մայր Աթոռի միջեկեղեցական հարաբերությունների բաժնի ընդհանուր քարտուղար Պարզև Շահբալյանը:

Այնուհետև հյուրերն այցելեցին Մայր տաճար, ծանոթացան Մայր Աթոռի թանգարաններում ցուցադրվող եկեղեցական արվեստի թանկարժեք նմուշներին, ապա մեկնեցին Ս. Գայանե և Ս. Հռիփսիմե վանքերը, որտեղ նրանց տրվեցին հակիրճ տեղեկություններ այդ վանքերի հիմնադրման, նրանց պատմության և վերջին տարիներին այնտեղ կատարված վերանորոգչական աշխատանքների մասին:

Սույն օրը, կեսօրից հետո, ժամը 16-ին, Բյուրականի իր ամառանոցում Ամենայն Հայոց Հայրապետը, ի պատիվ հյուրերի, տվեց պաշտոնական ճաշկերույթ, որին ներկա էին Գերագույն Հոգևոր Խորհրդի ատենապետ Ս. Սիոն արքեպիսկոպոսը, Ս. Սերովբե արքեպիսկոպոսը, Արարատյան թեմի առաջնորդական փոխանորդ Ս. Արսեն եպիսկոպոսը, Մայր Աթոռի դիվանապետ Ս. Ներսես եպիսկոպոսը և այլ հրավիրյալներ:

Ճաշկերույթի ընթացքում Վեհափառ Հայրապետի և Առնուվիլի քաղաքագլխի միջև փոխանակվեցին բաժակաճառեր:


Հուլիսի 24-ին, առավոտյան ժամը 11-ին, ֆրանսահայ ուխտավորների խումբը, գլխավորությամբ քաղաքագլուխ պրն. Բիժելի, այ-

ցելեց Ս. Գեղարդ վանք, որտեղ նրանց ջերմորեն ողջունեց վանքի վանահայր Տ. Եղիշե ավագ քահանա Սարգսյանը: Մայր Աթոռի հյուրերն այցելեցին վանքի վիմափոր տաճարները և ծանոթացան վանքի պատմական հուշարձաններին: Ապա նրանց պատվին տրվեց մրգասեղան վանատան հյուրասրահում: Այստեղ վանահոր և Առնուվիլի քաղաքագլխի միջև փոխանակվեցին բարիգալստյան և ողջույնի ջերմ խոսքեր:

Հուլիսի 25-ին, կիրակի օրը, առավոտյան ժամը 11-ին, ֆրանսահայ ուխտավորների խումբը, որին մաս էին կազմում նաև ֆրանսիացի ուխտավորները, Էջմիածնի Մայր տաճարում ներկա եղավ սուրբ պատարագի արարողությանը: Սուրբ խորանի առաջ իր ուխտի պատարագն էր մատուցում Առնուվիլի հայոց հոգևոր հովիվ Տ. Մեսրոպ քահանա ժամկոչյանը:


«Հայր մեր»-ից առաջ «Ձեռք մեր հանապազորդ տոռ մեզ այսօր» բնաբանով քարույեց Ամենայն Հայոց կաթողիկոսը: Իր քարույի վերջում Նորին Սրբությունը Մայր տաճարում կրկին ողջունեց ներկայությունը Առնուվիլի քաղաքագլխի պրն. Կլոդ Բիժելի, նրա տեղակալ պրն. Ժիրայր Նիկողոսյանի, Առնուվիլի հայոց Ս. Խաչ եկեղեցու հոգաբարձության մեծարգո անդամների՝ նախագահությամբ տիար Արա Շիրինյանի, ինչպես նաև ֆրանսահայ բոլոր ուխտավորների՝ Սուրբ Սեղանից նրանց բաշխելով հայ ժողովրդի քրիստոնեական հավատքի երկհազարամյա կենտրոն Մայր Աթոռ Ս. Էջմիածնի օրհնությունները:

Պատարագից հետո հարգարժան հյուրերը հրաժեշտ տվեցին Ամենայն Հայոց կաթողիկոսին և Մայր Աթոռից մեկնեցին գոհունակ սրտով և երախտագետ պգացումներով:





ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԸ, ԱՌՆՈՒՎԻԼԻ ՔԱՂԱՔԱԳԼՈՒԽ ՏԻԱՐ ԿԼՈՒ ԲԻՔԻԼԸ՝ ԻՐ ՀԱՐԳԵԼԻ ՏԻԿՆՈՋ ՀԵՏ, Տ. ՍԵՐՈՎԲԵ ԱՐՔԵՊ. ՄԱՆՈՒԿՅԱՆԸ, ՔԱՂԱՔԱԳԼՈՒ ՏԵՂԱԿԱԼ ՏԻԱՐ ԺԻՐԱՅՐ ՆԻԿՈՂՈՍՅԱՆԸ ԵՎ ԱՌՆՈՒՎԻԼԻ ԵԿԵՂԵՑԱԿԱՆ ՎԱՐՉՈՒԹՅԱՆ ԱՆԴԱՄՆԵՐ (ՎԵՀԱՐԱՆ, 1982 Թ. ՀՈՒՆԻՍԻ 23).



ՍԻՂԵՅԻ ՀԱՅ ԿԵՂՈՐՆԻ ԲԱՑՄԱՆ ՀԱՆԴԻՍՈՒԹՅՈՒՆ

Մեր անմահ բանաստեղծներից մեկը՝ Վահան Թեքեյան, այսպես է գրած. «Անկարելին կարելի դարձնելը մեծ առաքինություն է», որ յուրաքանչյուր անձ պիտի յուրացնի և անպայման գործադրի իր կյանքի տևողության:

Այդպիսի հարցականի առջև էր գտնվում ավստրալահայ ընկերակցությունը երկու տարի առաջ, նախքան իր կեղրոնատեղի ունենալու և կառուցելու աշխատանքները: Հողը պատրաստ էր, բայց նյութական միջոցները շատ նվազ և ոչ նպաստավոր, վարչական կապը սպասում էր հրաշքի... և իսկապես հրաշքը կատարվեց... հեռավոր Սինգապուր քաղաքից մի փոքր բարի ամուսիններ, Արջակ և Սոֆի Գալսթյաններ, լսելով ընկերակցության բարի նպատակը, առատաձեռն կերպով օգնության են հասնում և պատճառ դառնում այս գեղեցիկ և հայ ժողովրդին պատիվ բերող հաստատության կառուցման:

Հայ կեղրոնի բացումը կատարեց Նիու Սաութ Վելլիի նախարար տիար Էրիք Պետֆրդը, շաբաթ 27 մարտ 1982: Ներկա էին թեմիս բարեխնամ առաջնորդ Ս. Աղան եպիսկոպոս Պալիույան, Ս. Արամայիս ավագ քահանա Միրզայան, տիար ձոն Մ. Սքենտոր՝ ներկայացուցիչ Հյուսիսային Սիդնեյի կեղրոնական կառավարության, բարերարներ տեր և տիկին Արջակ Գալսթյան, Հայ հարանվանությանց հոգևոր առաջնորդներ, կրոնական և ազգային կապակերպությունների ներկայացուցիչներ, ավանդապահ մարմինն ու վարչական կապը իրենց հարգելի տիկին-

ներով, և բազմաթիվ պատվո հուրեր, մոտավորապես 600 հոգի:

Գործադրվեց պատշաճ գեղարվեստական հայտագիր, բոլոր մասնակցողները, լինի երգ, նվագ, արտասանություն և ժողովրդական պարեր, կատարվեցան անթերի, գոհ ձգելով ներկաներին: Բոլորը ոտնկայս ունկընդրում են պետական քայլերգն, քոր շատ վարպետորեն նվագեց ուսանող Մարկ Չոլաքյանը: Ամփոփապես բեմ է հրավիրվում ավստրալահայ ընկերակցության նախագահ պրն. Արմեն Աբգար, նախ ջնորհակալություն է հայտնում պրն. Պետֆրդին և իր տիկնոջ, այսպե քարիզայտյան խոսք ուղղում բարձրաստիճան եկեղեցականների, պետական, հասարակական և ազգային կապակերպությունների ներկայացուցիչներին:

Պրն. նախարարը իր տիկնոջ հետ բեմ է հրավիրվում, հարգելի նախարարը փոխանցում է նահանգային նախարարապետ պրն. Բենի սրտագին ջնորհավորություններն ու բարեմաղթությունները, ապա պատշաճ բառերով գովքը հյուսում աշխատասեր և ըստեղծագործ հայ ժողովրդի:


Հայկական գեղեցիկ տարապնեղով պարախումբը, որ կոչվում է «Աշոտ Պատմագրության Պարախումբ» ղեկավար տիկին Քնար Հարությունյանի, ամիսների քրտնաջան աշխատանքի ջնորհիվ հրապարկ են գալիս և իրենց հեպաճկուն ու ջնորհալի ժողովրդական պարերով հիացմունք պատճառում հանդիսականներին:

Բեմ է բարձրանում գաղութիս ծանոթ և

ընկերակցությանն ավանդապահ մարմնի անդամ պրն. Լևոն Շեռմանյան և խոստում օրվա առթիվ և քաջալերում նոր սերունդին պահել և պահպանել հայ ժողովրդի առաքինությունները և դիմագիծը: Միրված երգիչ պրն. Ռուբիկ Խաբապյան երգում է հայրենակարոտ «Բարի արագիլ» երգը, նվագի ընկերակցությամբ տիկին Մարիքա Մելքոնյանի:

Թիվ շնորհակալության խոսք նաև տիկ. Ժենիկ Հակոբյանին և տիրուհի Քևարիկ Միրզայանին, որոնք սիրով հանձն առին կարելու և պատրաստելու պարախումբի հայկական տարավները, որոնք շատ գեղեցիկ էին և ճաշակավոր:

Գաղութիս մեջ աշխույժ գործունեության են լծված մի քանի հայկական նվագախում-



Հայ կեդրոնի նորակառույց շենքը (Միլսեյ)

Առանձին աշխատանք էր տարված հայտագրի գործադրմանը: Օրվա հանդիսավար, պրն. Ն. Չոլաքյանը գործադրության դրավ այն:

Հաջորդ խոսողն էր պրն. Ճոն Սփենտոր, ներկայացուցիչը կեդրանական կառավարության, ծանոթ է մեր ժողովրդի դարավոր պատմության: «Աշոտ Պատմագրյան պարախումբը» կրկին բեմ է բարձրանում այս անգամ տղայոց խմբի հետ միասին, խանդավառ կերպով պարում են հայկական ու կովկասյան պարեր, մի պահ հանդիսականներին փոխադրում Հայաստանի անհաս լեռների գագաթներին ու Արարատյան դաշտը իր աննման գեղեցկությամբ: Կեցցեն մեր նորակապ պարախումբի անդամները և շնորհակալության խոսք պարախումբի ղեկավար տիկ. Քևար Հարությունյանին, որ շարունակի այդ գովելի աշխատանքը: Այս ար-

բեր, այդպիսիներից է «Ա. Պատմագրյան» նվագախումբը, ղեկավարն էր պրն. Վահե Աղաջանյանը մասնակցությամբ պրն. Վալգեն Աղաջանյանի և պրն. Քրիս Եղայանի: Առաջին անգամ հանդես գալով այդ երեկո ապացուցեցին, որ լավ են ըմբռնած հայկական ժողովրդական երաժշտությունը և լավ ապագա են խոստանում իրենց նոր ուժեր և նվագիչներ են հարկավոր, կար և կարողություն բոլորին:

Բեմի վրա է ընկերակցությանն բարերար պրն. Արշակ Գալսթյան, համեստությամբ և խորին հարգանքով հայտարարում է, թե ժամանակին եղած է Կալկաթայի Մարդասիրական ճեմարանի սան, ինչ որ ճեմարանն ու ազգը արած ու տված են իրեն, երախտապարտ է և մասամբ ցանկանում է հետ փոխարինել, խոսում էր շատ պզգցված և հայտնում, թե իր տիկնոջ՝ Սովիի և իր կողմից

տասը հազար ավատրալիական դոլար են նվիրում Հայ Կեդրոնին առ ի գնահատություն, ավանդապահ մարմնի, վարչական կազմի և տիկնանց օժանդակ հանձնախումբի կատարած ու կատարելիք աշխատանքների:

Հեռավոր այս ցամաքամասի վրա քաղցր ու հուպիչ են հնչում Ալեքսանդր Դոլոխանյանի և Աշոտ Պատմագրյանի հորինած ու մշակած ժողովրդական երգերը: Հայ գաղութին շատ ծանոթ ու սիրված երգիչներ, տիկ. Լուիլ Յոգուայան և պրն. Վապեն Մարգարյան, որոնք ժամանակին Գահիրեում և Երուսաղեմում իրենց մասնակցությունն են բերած պրն. Ա. Պատմագրյանի կազմած երգչախումբերուն, այդ երեկո իրենց սրտառու, քաղցր և հուպիչ ձայներով մի անգամ ևս ապրեցրին հայ անվանի երաժիշտներին ու խմբավարներին: Պրն. Արա Վարդուկյան, անթերի նվագածությամբ ընկերացավ երգիչներին, խանդավառ մթնոլորտ ստեղծելով սրահում:


Առիթը տրվում է Տ. Արամայիս ավագ քահանա Միրզայանին, որը նշում է, թե կյանքի մեջ հաջողում են երկու տեսակ անձինք, իմաստուն խորհողը և համարձակ ու վճռական գործողը:


Հանդեսին մասնակցողները, բոլորը բեմի վրա են կրկին, երգում են դասական շարքը դասված «Էրեբունի» խոր ու իմաստ ունեցող երգը, այլ խոսքով մեր հազարամյա քաղաքամայր Երևանի, հայ ժողովրդի վերածնության երգը... նվագի ընկերակցությամբ տիկ. Մարիքա Մելքոնյանի:

Հանդիսավար պրն. Ն. Չոլաքյան բեմ է հրավիրում տիկ. Ս. Գալսթընին, տիկ. Պետֆըրտին, տիկ. Սբենտըրին և մի շարք համեստափայլ տիկիներ, որոնք ստանում են ծաղկյա կողովներ օրվա առթիվ:

Առաջնորդ սրբազան հոր եպրափակիչ ու քաջալերիչ խոսքերով, հանդիսությունը հասնում է իր ավարտին, գոհունակություն պատճառելով բարձրաստիճան պետական հյուրերին ու ներկա եղող հայ հասարակության: Մեծահարգ հյուրերն ու ներկաները առաջնորդվում են կեդրոնի վարի հարկը, ուր տիկնանց օժանդակ հանձնախումբի կողմից պատրաստված էր ճոխ սեղան հայկական համեղ ուտեստեղեններով: Բոլորը հեռացան լալագույն տպավորություններով:

ԱՐԱՄԱՅԻՍ ԱՎԱԳ ՔԱՀԱՆԱ
ՄԻՐԶԱՅԱՆ





ՎԿԱՅԱՌԱՆՈՒԹՅՈՒՆ
ԹԱԴԵՈՍ ԱՌԱՔՅԱԼԻ ՔԱՐՈՋՈՒԹՅԱՆ
ՆՐԱ ՀԱՅԱՍՏԱՆ ԳԱԼՈՒ ԵՎ ՆԱՀԱՏԱԿՈՒԹՅԱՆ ՄԱՍԻՆ
ԵՎ
ՎԿԱՅՈՒԹՅՈՒՆ ՍԱՆԱՏՐՈՒԿ ՀԱՅՈՑ ԱՐՔԱՅԻ
ԴՈՒՍՏՐ ՍԱՆԴՈՒՆՏԻ

Սուրբ Թադեոս առաքյալի և Սուրբ Սանդուխտ կույսի վկայաբանությունները հայ եկեղեցական մատենագրության հնագույն և արժեքավոր էջերն են կապմամբ:

Հայ եկեղեցին Արևելքի պատմական հնագույն եկեղեցիներից մեկն է, որը սկիզբ է առել, ըստ Ավետարանների, ապա հայկական ու ասորական պատմական աղբյուրների և եկեղեցական պատմիչ Եվսեբիոս Կեսարացու վկայությունների, Քրիստոսի համբարձումից անմիջապես հետո (Մատթ. ԻԸ 18—20):

Պենտեկոստեի դեպքից հետո (Գործք. Բ 1—12), երբ առաքյալները վերահաստատվեցին իրենց առաքելական կոչման և քարոչության մեջ Սուրբ Հոգու ստացումով, նրանցից երկուսը, Ս. Թադեոս ու Ս. Բարթողիմեոս առաքյալները, Ավետարանի լույսը բերեցին «Ի Հայս», աստվածաշնչական «յերկիրն Արարատայ» (Դ Թագ. ԺԹ 37) և լուսավորեցին իրենց քարոչությամբ «Թորգոմայ տունն» (Եվել. ԻԷ 14):

Ինչպես բոլոր առաքելական եկեղեցիների, այնպես էլ Հայ եկեղեցու առաքելականության հիմքը սուրբ ավանդությունն է, որը անսուտ արձագանքն է պատմական իրողության:

Ս. Թադեոս և Ս. Բարթողիմեոս առաքյալները կոչվում են Հայաստանի առաջին լուսավորիչները:

Նրանց անձնական քարոչության և նահատակության վրա էլ հիմնվել է Հայաստանյայց Առաքելական եկեղեցին:

Երկու լուսավորիչ առաքյալների գերեզմաններն էլ մինչև այսօր սրբավայր-ուխտատեղիներ են հայ ժողովրդի համար: Ս. Թադեոս առաքյալի գերեզմանը գտնվում է Արտաշ գավառում (Մակու, Արևմտյան Հայաստան), որտեղ և նահատակվում է, իսկ Ս. Բարթողիմեոս առաքյալի գերեզմանը՝ Աղբակում (Վասպուրական, Արևմտյան Հայաստան):

Սուրբ Թադեոս առաքյալը Քրիստոսի 12 առաքյալներից էր: Նա Ավետարաններում կոչվում է նաև Հուդա Հակոբյան (Ղուկ. Զ 16) կամ «Ղեբէոս, որ անուանեցաւ Թադէոս» (Մատթ. Ժ 3): Նրա գրչին է պատկանում Նոր Կտակարանի «Յուդա առաքելի ընդհանրական թուղթը» (Էջմիածին, 1975, էջ 658—66):

Ս. Թադեոս առաքյալի անունը հաստատուն կերպով կապված է մնում Հայաստանում առաքելական քարոչության սկզբնավորության հետ, ինչ որ ընդունում են քրիստոնեական բոլոր եկեղեցիները: Հայոց Ընդհանրական Հայրապետության Աթոռը կոչվում է «Աթոռ Թադէի»: Ս. Թադեոս առաքյալի քարոչության միճակն է եղել Հայաստան աշխարհը:

Այս մասին շատ հետաքրքիր ավանդու-

թյուններ կան հայկական և ասորական աղբյուրներում: Ս. Թադևոս առաքյալի քարոզչությունը Հայաստանում տեղի է ունենում Ա դարի 50-ական թվականներին, հետևյալ հանգամանքների ներքո: Եղեսիայի Աբգար թագավորը, որը հայկական աղբյուրներում համարվում է Հայոց թագավոր, պատգամավորներ է ուղարկում Ասորիքի՝ այժմյան Բեյթ-ձիարին քաղաքը փարատելու Համար Հռոմի կասկածը, հռոմեացի կռակակալին, բացատրելու համար իր արևելք՝ պարսիկների մոտ գնալու խաղաղասիրական պատճառը, ինչպես պատմում է Մովսես Խորենացին (Մովսես Խորենացի, «Հայոց պատմություն», Երևան, 1981, էջ 173): Աբգարի պատգամավորության կապի մեջ են լինում երկու հայ իշխաններ՝ Աղծնիքի Բղեշը և Ապահունյաց տոհմի նահապետը և Աբգարի հավատարիմ Անանը:

Աբգարի պատգամավորությունը դեպի Եղեսիա իր վերադարձի ճանապարհին ցանկանում է այցելել նաև Երուսաղեմ, Քրիստոսին տեսնելու, որի քարոզչության և սքանչելագործությունների մասին լսել էր Ասորիքում: Աբգարի պատգամավորության այցը Երուսաղեմ կուգադիպում է հրեական պատեքի կամ Չատկի մեծ տոնին: Երուսաղեմի Սողոմոնյան տաճարում պատգամավորությունը հանդիպում է Քրիստոսին, որը շրջապատված հրեա ուխտավորներով քարոզում էր: Աբգարի պատգամավորները չեն համարձակվում մոտենալ Քրիստոսին, որովհետև իրենք հեթանոսներ էին: Նրանց մոտենում են Փիլիպպոս և Անդրեաս առաքյալները: Պատգամավորները աղաչում են նրա, որ ցանկանում են տեսնել Հիսուսին: Երկու առաքյալները պատգամավորների ցանկությունը հայտնում են Հիսուսին, որը և ասում է. «Հասնել է ժամը, որ փառավորվի մարդու Որդին»: Աբգարի պատգամավորների հանդիպման մասին Հիսուսի հետ կա մի ակնարկություն Հովհաննու Ավետարանի ԺԲ գլխի 20—23 համարներում: Իսկ Անանը, որը նկարիչ էր, փորձում է նկարել Հիսուսին: Այդ չի հաջողվում նրան: Հիսուս վերցնում է նրա ձեռքից նկարչական պաստառը, կպցնում է իր դեմքին, և այնտեղ տպվում է Հիսուսի նկարը: Այդ նկարը եկեղեցական պատմության մեջ կոչվում է «անձեռագործ դաստառակ» կամ «թաշկինակ» որը երկար դարեր որպես քրիստոնեական սրբություն պահվում է Եղեսիայում, ապա միջին դարերում խաչակիրների կողմից տարվում է ձենովա, որտեղ և մնում է մինչև այժմ Ս. Բարթոլոմեոսի տաճարում: Պատգամավորները ուրախությամբ դառնում են Եղեսիա, և այդ բոլորի մասին պատմում Աբգարին, որը երկար ժամանակ տառապում

էր նաև բորոտության հիվանդությամբ և ցանկանում էր բուժվել այդ պվելի հիվանդությունից:

Աբգարը իր պատգամավորների պատմածների հիման վրա հավատում է Քրիստոսին և ընդունում է որ նա ճշմարիտ Աստծու Որդին է: Այս առթիվ, ինչպես Խորենացին է պատմում, Աբգարը մի թուղթ է գրում Փրկչին և նրան հրավիրում Եղեսիա (Պատմություն հայոց, նույնը, էջ 174—175):

Աբգարի նամակը հասնում է Երուսաղեմ, Հիսուսի ձեռքը: Այս գեղեցիկ ավանդությունը ավարտվում է նրանով, որ Հիսուսը պատասխանում է Աբգարի նամակին և խոստանում իր համբարձումից հետո, առաքյալներից մեկին ուղարկել Եղեսիա, կյանքի խոսքը քարոզելու և բուժելու Աբգարի հիվանդությունը (Խորենացի, նույնը, էջ 176):

Արդարև, Հիսուսի համբարձումից հետո Թադևոս առաքյալը գալիս է Եղեսիա, որպես նվիրական սրբություն իր հետ բերելով Ս. Գեղարդը, որով հռովմեացի վիճվորը խոցեց Հիսուսի կողը նրա խաչելությունից հետո (Հով. ԺԹ 34):

«Այդ Գեղարդը Թադևոսը միասին բերած է Հայաստան և այնտեղ պահված է Գառնիի մոտ Այրի վանքը, որ Գեղարդա վանք ալ կոչված է, ուսկից վերջին տարիները փոխադրված է Էջմիածին, ուր և կպահվի մինչև այսօր, և մյուռնի օրհնության ժամանակ գործածված երեք սրբություններեն մեկն է» (Մաղաքիա արքեպս. Օրմանյան, Ապագայատում Ա հատոր, 1959, Բեյրութ, էջ 34):

Թադևոսը քարոզում և բուժում է Աբգարին: «Թադևոսը Աբգարի արքունիքը կտարվի, անկե կհիանա և անոր երկրպագություն կընե և իբր Հիսուսե խոստացված բժշկը կընդունի: Թադևոս կքարոզե: Աբգար կհավատա և հրաջքով կբժշկվի» («Ապագայատում», նույնը, էջ 22):

Այնուհետև, Հայ Եկեղեցու առաջին լուսավորիչը, Եղեսիայից անցնում է բուն Հայաստան, ըստ ավանդության Աբգարի քրոջ որդի Սանատրուկ թագավորի մոտ քարոզելու. Արտապի Շավարշան քաղաքագլուխը, որտեղ և գտնվում էին հայոց թագավորների ամառանոցները (Սովիթք հայկական, Ը գիրք, 1853, Վենետիկ, էջ 13): Այստեղ էլ Թադևոս առաքյալի քարոզություններն ու բժշկությունները ունենում են իրենց բարերար ազդեցությունները և շատեր հավատում են Քրիստոսին, որոնց մեջ էր նաև Սանատրուկի 18-ամյա դուստրը՝ Սանդուխտը, որը ի վերջո Թադևոս առաքյալի հետ նահատակվում է Սանատրուկ թագավորի հրամանով:

Հայ Եկեղեցին ամեն տարի, դեկտեմբերի 4-ին կատարում է հիշատակը Ս. Թադևոս և

Ս. Բարթողիմեոս առաքյալների, որպես Հայաստանի առաջին լուսավորիչների, իսկ Աբգար թագավորի տոնը դեկտեմբերի 4-ին, որպես «նախավկա և անդրանիկ հայ թագավոր»:

Սիմեոն Երևանցի կաթողիկոսի հրատարակած Տոնացույցի մեջ («Էջմիածին», 1774) «հիշատակված բուն ապգային տոնը, Սուրբ Սանդուխտ կույսի հիշատակն է (Ազգապատում, նույնը, էջ 36): Սանդուխտը նահատակվել է հայկական հին տոմարի Քաղոց ամսի 13-ին, և նրա հիշատակը միացվել է Սուրբ Թադեոս առաքյալի տոնին՝ որը կատարվում է հուլիսի 24-ին:

Ընդհանրական Եկեղեցու «վկայուհի լինելու փառքը կրնանք իրավամբ մեր Սանդուխտին սեփականել» (Ազգապատում, նույնը, էջ 30): Հայ Երանկնոցի մեջ կա գեղեցիկ, մասնավոր մի Մանկունք շարական նվիրված Սուրբ Սանդուխտին, որը սկսվում է հետևյալ տողով.

«Քն պարծի այսօր Սուրբ Եկեղեցի,

Ո՛վ վկայուհի Սուրբ Սանդուխտ»: (Չայնքաղ շարական, Էջմիածին, 1888, էջ 332).

Հայաստանում Ս. Թադեոս առաքյալի քարոզության և վկայաբանության հետ են կապված նաև Արտավուտ նահատակված Սանկել

իշխանի, Չարմանդուխտ իշխանուհու, Ոգուհի արքայաքրոջ և Ոսկյանց և Սուքիասյանց նահատակությունները, որոնց հիշատակները անցել են Հայսմավուրքի և Հայ Եկեղեցու Տոնացույցի մեջ: Ս. Թադեոսի հետ նահատակվել են 3583 վկաներ, իսկ Ս. Բարթողիմեոսի հետ 2000 (Սոփերք հայկականք, Ը, էջ 26, 57, 75, ԺԹ 29):

Այս մարտիրոսաց քարոզությունն է, որոնց արյունով աճած են Հայաստանի մեջ Ավետարանի սերմերը... Մեկի բավական է դիտել, զանազան կողմերե հավաքված ավանդություններ՝ միաձայնությամբ կհաստատեն Հայոց Եկեղեցվույն առաքելական հիմնարկությունը» (Ազգապատում, նույնը, էջ 38):

Այժմ, «Էջմիածին» ամսագրի ընթերցողների ուշադրությանն ենք ներկայացնում Ս. Թադեոս առաքյալի և Ս. Սանդուխտ կույսի վկայաբանությունների աշխարհաբար թարգմանությունները, մասնակի հապավումներով, աչքի առաջ ունենալով «Սոփերք հայկականք»-ի Ը հատորում, 1854-ին Վենետիկ հրատարակված, նրանց վարքագրությունները:

ԱՐԹՈՒՆ ՀԱՏԻՏՅԱՆ



ՎԿԱՅՈՒԹՅՈՒՆ ՍՈՒՐԲ ԹԱԴԵՈՍ ԱՌԱՔՅԱԼԻ ԵՎ
ՎԿԱՅԱԲԱՆՈՒԹՅՈՒՆ ՍԱՆԴՈՒԽՏ ԿՈՒՅՄԻ

Սուրբ և Սքանչելագործ Թադեոս առաքյալի քարոզության վիճակը Հայաստան աշխարհն էր: Նա կյանքի խոսքի քարոզիչ էր և առաջին ընծայալը մարտիրոսական պսակի արժանացած նահատակների մեջ:

Նա Հայաստան գալով, բոլորին հրավիրում էր երկնավոր ընթրիքի. նա ուղարկվել էր մեր Փրկիչ Հիսուս Քրիստոսի կողմից, նրա երկինք համբառնալուց հետո:

Հիսուսը իր Սուրբ Աջը դնելով առաքյալների վրա, նրանց փոխանցում էր ճշմարտության լույսը, այսինքն մխիթարիչ Սուրբ Հոգին և օրհնելով նրանց քաջալերում էր լուսավոր խոսքերով և առաքում նրանցից յուրաքանչյուրին տարբեր վիճակներ՝ երկրներ, քարոզելու կյանքի խոսքը:

Իսկ Սուրբ Թադեոսը լցվել էր լուսավոր խորհուրդով: Նրան վիճակվել էր գալ Հայաստան, քարոզելու հայ ազգին:

Նա նախապես գալիս-հասնում էր ասորիների Միջագետք երկիրը, քարոզելու կյանքի խոսքը: Այնտեղ սուրբ առաքյալը կատարում էր նաև պորավոր գործեր և սքանչելի հրաշագործություններ:

Այնուհետև, նա այդ տեղից գնում է Ուրհա (Եդեսիա) քաղաքը և մտնելով Տուբիա (հրեա) բժշկի տունը, բուժում է բոլորի ախտերն ու հիվանդությունները և ամենքին լուսավորում երկնային լույսով:

Ապա սուրբ առաքյալը Եդեսիա քաղաքում գալիս է և մտնում Աբգար թագավորի տունը: Թագավորը տառապում էր բորոտության հիվանդությամբ: Սուրբ առաքյալը նրան բուժում է հանուն մեր Փրկիչ Հիսուս Քրիստոսի, նրան ու նրա ողջ ընտանիքը լուսավորում է երկնային լույսով:

Աբգար թագավորը լսելով Թադեոս առաքյալի և նրա կատարած հրաշագործությունների մասին, հավատում է, որ նա է ուղարկվել Քրիստոսի կողմից:

Այնուհետև սուրբ առաքյալը գալիս-մտնում է Աբգար թագավորի պալատը: Աբգարը տեսնելով սուրբ առաքյալի դեմքի վրա երկնային լույսի նշանը, երկյոտի է մատնվում և ընկնելով նրա ոտքերի առաջ՝ երկրպագում է նրան: Իսկ սուրբ առաքյալը մոտենալով նրան, իր ձեռքը դնում է թագավորի վրա և բուժում է նրան, մեր տեր Հիսուս Քրիստոսի անունով և լուսավորում է նրան ու նրա ողջ ընտանիքը երկնային լույսով: Աբգար թագավորը, այնուհետև, ինքն անձամբ դառնում է իր բուժվելուց հետո, քարոզիչը կյանքի խոսքի և հայտնի է լինում իր բարի բազում գործերով:

Սուրբ Թադեոսը ամբողջ քաղաքը իր քարոզությամբ լուսավորելուց, իր աշակերտներից մի քանիսին այնտեղ թողնելուց հետո, շտապում է դեպի Հայոց աշխարհը, Սանատրուկ թագավորի մոտ, Արտաշ գավառի Շավարշան գյուղաքաղաքը, որտեղ գտնվում էին հայոց թագավորների ամառանոցները և արքունի պալատը:

Սուրբ առաքյալը այստեղ ևս քարոզում է կյանքի խոսքը, կատարում բազում սքանչելի հրաշագործություններ, բուժում ամեն տեսակի ախտեր ու չարորակ հիվանդություններ:

Արքունիքից շատ-շատեր գալիս են սուրբ առաքյալի մոտ, լսելու նրանից քաղցրաբարձ Ավետարանի քարոզությունը: Նրանք տեսնում էին նաև նրա կատարած սքանչելագործությունները, այն՝ որ նա բորոտներին մաքրում ու բուժում էր, կաղերին քայլեցնում,

դներին հալածում և բոլոր տեսակի չարորակ ակտերը բուժում առողջացնում: Շատ-շատեր այս բոլորը տեսնելով հավատում էին Քրիստոսին:

Սուրբ առաքյալին մոտ է գալիս նաև Սանատրուկ թագավորի դուստրը, որի անունն էր Սանդուխտ: Նա մանկահասակ էր, գեղեցիկ տեսքով, վայելուչ դեմքով, որի նմանը չէր գտնվի երկրի վրա:

Սանդուխտը գիշերները գալիս էր սուրբ առաքյալի մոտ՝ լսելու նրանից Ավետարանի քարոզության խոսքը, լսելու երկնային պոքերի ձայնը: Նա ընդունում էր այդ բոլորը և ընկնում Թադեոս առաքյալի սուրբ ոտքերի առաջ և արցունքներով համբուրում դրանք: Նա բազում օրեր աջակերտում էր նրան և պօր ու գիշեր առաքյալից չէր հեռանում և այսպես իր սիրտը կապում, ամրացնում մեր Աստծու՝ Քրիստոսի հանդեպ ունեցած իր սիրով:

Թադեոս առաքյալը տեսնելով այնուհետև Սանդուխտի ջերմեանդ սերը դեպի Քրիստոսը, նրան մկրտում է «յանուն Հօր և Որդւոյ և Ս. Հոգւոյ»: Նույն պահին սուրբ կույսի վրա իջնում է լուսեղեն մի նշան և այդ լույսի միջից լսվում է երկնային հրեշտակների ձայնը: Այդ նշանի վրա նույն ժամին շատեր հավատում են Քրիստոսին:

Կատարված այս գործերը տեսնելով քրդների դիցապաշտ պաշտոնյաները գնում և իրենց խստասիրտ և անօրեն Սանատրուկ թագավորին պատմում են:

Չարությամբ լցված թագավորը հրամայում է սրամահ անել բոլոր հավատացյալներին: Նույն պահին երկնքում մի հրաշք է կատարվում նահատակվածների հետ, և շատեր հավատում են Քրիստոսին:

Սաստիկ ահ ու սարսափ է ընկնում անօրենների վրա և նրանցից շատերը խուճապի են մատնվում լույսի ճառագայթների առատությունից և սաստկությունից: Անօրենները չեն համարձակվում այնուհետև ձերբակալել սուրբ առաքյալին: Այդ պահին Փրկիչը երևում է Թադեոս առաքյալին և նրան ասում. «Պի՛նդ կաց, Թադեո՛ս, ես քեզ հետ եմ և կփրկեմ քեզ: Վե՛ր կաց և երեցիր նրանց: Պիտի համբերես բազում նեղությունների, որոնք պիտի պատահեն քեզ, որովհետև, շատեր այստեղ չեն ընդունելու իմ Ավետարանի քարոզությունը, այլ միայն՝ քչեր որոնք պիտի նահատակվեն իմ անվան համար: Ես նրանց կպաշտպանեմ և ինձ մոտ կկանգնեմ և նրանց տեղ կտամ իմ Հոր տանը»: Թադեոս առաքյալը պատասխանում է. «Իսկ ես շտապում եմ հասնել քո աստվածության լույսին և լցվել՝ քո փառքի երկնային լույսի սիրով»: Իսկ Տերը ասում է. «Ուրախացի՛ր, Թադեո՛ս,

որովհետև կատարելու եմ քո խնդրանքը»: Եվ Տերը օրհնելով նրան՝ համբառնում է: Իր հոր՝ Սանատրուկ թագավորի հրամանով Սանդուխտը ձերբակալվում և բանտարկվում է: Գիշերը սուրբ առաքյալը այցելում է բանտում Սանդուխտին և բանտարկված մյուս հավատացյալներին: Բանտի դռները բացվում են իսկույն սուրբ առաքյալի առաջ: Նա ներս է մտնում և ասում. «Նաղաղություն ձեզ, Քրիստոսի սիրելիներ»: Բանտարկված հավատացյալները տեսնելով սուրբ առաքյալին, նրանից ուժ և ներշնչում են ստանում: Նա մոտենալով Սուրբ Սանդուխտին, համբուրում է նրա շղթաները և ասում է նրան. «Երանի՛ք քեզ երկնավոր թագավորի դուստր»: Սուրբ առաքյալը քաջալերում է բանտարկյալներին և ամրապնդում Սուրբ Ավետարանի խոսքերով, ի սեր Քրիստոսի: Այս Թադեոս առաքյալը նշանացի թելադրում է հավատացյալներին լռել և աղոթել: Աղոթում է նաև ինքը՝ սուրբ առաքյալը, որ Աստված պորացնի Սանդուխտին և նրա բանտակից ընկերներին, այս անհավասար պայքարի մեջ, որպեսզի հավատացյալների վրա ծագի աստվածային ճշմարտության լույսը, և ամոթահար լինի խավարամիտ թշնամին, որովհետև, միայն դու ես, ասում է սուրբ առաքյալը, Աստված՝ աստվածների և Տեր՝ տերերի: Տո՛ւյց տուր, Տե՛ր, քո պորության նշանը հավատացյալների վտանգի ենթակա մարմինների վրա, որովհետև նրանք քո՛ն են քո ահեղ անվան պորությամբ անպարտելի և հզոր թող մնան հավիտյան:

Աղոթքի այդ ժամին, բանտում լսվում է ուժգին մի թնդյուն, բացվում է բանտի ձեղունը և երկնքից լույս է ծախում բանտի մեջ, լույս՝ որը ավելի պայծառ էր քան արևի ճառագայթները, և լսվում է երկնային ավետավոր մի խոստում, որը ասում էր դատապարտվածներին. «Քաջալերվեցե՛ք և պի՛նդ կացեք, որովհետև ես շուտով գալու եմ և ձեզ վերցնելու ինձ մոտ: Իսկ քեզ, Սանդուխտ, որ եկար իմ ետևից, արհամարհեցիր երկրային պատիվները և ինձ հայր անվանեցիր, տալու եմ գերագույն լույսը»: Երկնավոր այդ ձայնը լսելիս բանտարկյալների կապանքները քանդվում են, նրանց մարմնի անդամները առողջանում, և նրանք ոտքի են կանգնում, փառավորում Աստուծուն և ասում. «Մեր Աստված Հիսուս Քրիստոս, գոհություն քո մարդասիրության համար որ եկար մեզ՝ կորցրած մատնվածներին, փնտրելու, և փրկելու մեզ դիվապաշտ մոլորությունից, և մեզ կորացրիր հաղթելու աներևույթ թշնամու. մեր կապանքները փշրեցիր, մեր վիրավոր մարմինները առողջացրիր, մեզ քաջալերեցիր քո աստվածության ավետիսի երկնավոր ձայնի

լուսեղեն ճառագայթներով: Արդ, մենք ինչո՞ւ կարող ենք, հա՛յր, հատուցել քո այդ աստվածային մարդասիրությանը, եթե ոչ մեր անձերի պատարագով, որպես անուշ հոտ»:

Աղոթքից հետո, լույսի ճառագայթների փարատումով, տեսնում են որ աղոթում է նաև սուրբ առաքյալը: Նա աղոթքից վեր կենալով օրհնում է նրանց և համբուրում սիրո երկնային համբույրով:

Այս բոլորը տեսնելով՝ բանտապահները նոր միայն գլխի են ընկնում որ բանտի դուռը բաց է, և Թադեոս առաքյալը, կանգնած՝ ընդունց մեջ: Բանտապահները սարսափի մատնված լույսից, ներս են խուժում, և դողալով ընկնում սուրբ առաքյալի ոտքերին և ասում. «Մենք էլ հավատում ենք քո Աստուծուն, որի մասին դու քարոզում ես, սո՛ւրբդ Աստուծո, ընդունիր մեզ էլ հավատացյալների մեջ»: Բանտապահները փարվում էին սուրբ առաքյալների ոտքերին և արտապելով՝ ասում. «Ների՛ր մեզ, սո՛ւրբդ Աստուծո, ոչ թե կամովին, այլ ակամա պահպանում էինք սուրբ հավատացյալներին նեղության մեջ, անօրեն թագավորի ահի պատճառով: Իսկ երբ տեսանք ձեր շուրջը լույսի ծագումը բանտի մեջ, տեսանք որ ձեր կապանքները քանդվեցին, և քեզ ճանաչեցինք նրանց մեջ որպես ընդունակ վարդապետն ու առաջնորդը, և հաստատապես հավատացինք և իմացանք, նա՛ որի մասին դու քարոզում ես, նա՛ է երկրի և երկրների արարիչը. խոստովանում ենք, որ նա Աստված է, և ոչ ոք կարող է մեզ բաժանել քո Աստծուց»: Բանտապահների այս վկայության վրա սուրբ առաքյալը իմանալով որ այդ բոլորը կատարվել է Աստծու կամքով, ասում է նրանք. «Ի՛մ եղբայրներ, մի՛ վախեցե՛ք, քանի որ դուք ձեր անձերը նվիրեցիք Աստծուն, և հավատացիք նրա Միածին Որդուն և Սուրբ Հոգուն, ես կխնդրեմ Քրիստոսին որ ների ձեզ, որովհետև ինչ որ անում էիք, անգիտությամբ էիք անում այդ: Արդ, այի՛նդ մնացե՛ք և պորացե՛ք Քրիստոսի նկատմամբ ձեր ունեցած հավատի մեջ, և մոռացե՛ք անցյալի ձեր սնոտի և խաբեական մոլորությունները»: Ապա բոլորը միասին աղոթքի են կանգնում, իսկ սուրբ առաքյալը, նույն գիշերն իսկ բանտապահներին մկրտում է «յանուն Հօր և Որդույ և Հոգույն Սրբոյ»: Մկրտվածները երեսուներեք հոգի էին:

Իսկ անիծված սատանան մարդկային կերպարանք առած, և բանտի մի անկյունը կանգնած հեռվից լրտեսում է այդ բոլորը: Ապա իր ձայնը բարձրացնելով ասում է բանտապահներին. «Ձեր ի՛նչն էր պակաս, որ լքեցիք մեծ աստվածներ Անահիտին և Արմազդին և մոլորվեցիք մի հրեայի ետևից գնալով, որ ձեզ նոր ուսմունք է քարոզել, և

մոլորեցնելով ձեր մտքերը՝ ձեզ կորստյան է մատնել: Արդ, ե՛տ դարձե՛ք ձեր մոլորություններից և երկրպագեցե՛ք Անահիտին: Ես կաղոթեմ բոլոր աստվածներին, որ ներեն ձեզ»: Իսկ Թադեոս առաքյալը, լսելով սատանայի այս խորամանկությունը, ասում է նրան. «Ո՛ւ դու չարության բանասարկու, պիղծ ու անամոթ, սրանից հետո էլ կմնաս թշվառական, մինչև ե՛րբ չես ամաչելու Աստծուց, ետիս գնա չարագլուխ վիշապ, և վախեցի՛ր Աստծու պորությունից»: Սուրբ առաքյալի այս հանդիմանության և սաստի վրա չքվում և անտեսանելի է դառնում չարը և սուրբ հրեշտակների ձեռքով տանջանքի է ենթարկվում: Իսկ նորադարձները տեսնելով այդ չարագործին այդպիսի անխնա տանջանքների մեջ, Քրիստոսի նկատմամբ իրենց ունեցած հավատի մեջ ամրապնդվում էին:

Չար սատանան ձայնը բարձրացնելով լալիս էր դառնապես և ասում. «Վա՛յ ինձ՝ թըշվառականիս, հաղթվեցի խաչեյալից և կորստյան մատնվեցի: Բայց, գիտեմ թե ինչ եմ անելու. գնալու եմ իշխանների և թագավորների մոտ, մտնելու եմ նրանց սրտերը՝ գրգռելու, որպեսզի սրամահ անեն սրանց»: Սուրբ առաքյալը նրան ասում է. «Ետիս գնա սատանա, Տերը քեզ սաստելու է»: Իսկ չարագործը երբ լսում է այս, աներևույթ է լինում այդ տեղից, և՛ հասնում է արքունիք և հեթանոսներիս գրգռում սրբերի դեմ:

Երբ առավոտ է լինում, թագավորը մտածում է իր դատեր՝ Սանդուխտի մասին, թե ինչ պետք է անել նրան: Նա իր աղջկա դեմ սպանության հրաման չէր կարող տալ, նրա նկատմամբ ունեցած իր հայրական զգացմունքի համար, որովհետև նրան շատ էր սիրում և այդ մասին մտածելով՝ դառնապես լալիս էր: Ապա բանտ է ուղարկում իր իշխանի, որպեսզի պալատ բերի Սուրբ Սանդուխտին: Իսկ Թադեոս առաքյալի ետևից էլ մարդիկ է ուղարկում հրամայելով, որ նրան ևս փնտրեն երկրի բոլոր վայրերում և ճանապարհների վրա, և գտնելով արքունիք բերեն, նրան՝ որ մոլորեցրել էր իր դատերը:

Երբ իշխանը հասնում է բանտ, մի մեծ բազմության հետ, նա բաց է գտնում բանտի դուռը և շատ է վարմանում: Իսկ բանտից ներս նայելով՝ այնտեղ, բանտարկյալների շուրջ տեսնում է ուժեղ լույս, բազում ժողովուրդ, և սուրբ առաքյալը կանգնած, կյանքի խոսքը ռսուցանելիս: Իշխանը, երբ տեսնում է այդ բոլորը և լույսը, որ ավելի էր պայծառանում, լսում էր բանտարկյալների շուրջը ահեղ մի ձայն, վախեցած գետին է ընկնում, տանջվում աներևույթ, անհասկանալի տանջանքներով: Սուրբ առաքյալը, լսելով այդ մասին, դուրս է գալիս բանտից և տեսնում,

որ իշխանը և նրա հետ եղողները թավալվում են գետնի վրա: Նա իր ձեռքը դնում է նրանց վրա և բուժում նրանց: Իշխանը հավատում է այդ դեպքերին, ինչպես նաև նրա հետ եղող հիսուն մարդիկ: Այդ իշխանը կոռքերի վրա կարգված մի մեծ անձնավորություն էր և ամբողջ արքունի տան հրամանատար-վերակացուն: Նա Հայոց տերության երկրորդ մարդն էր, տեսել էր նաև սատանային որ պալատ հասնելով երկու ձեռքի մատներով ծունկն էր բռնել, դառնապես լաց լինում:

Երբ գիշեր է լինում նույն օրը, երկնավոր այդ լույսը կանգնած մնում է բանտարկյալների վրա: Իսկ Սուրբ Սանդուխտը իր հորից գաղտնի պալատ մարդ է ուղարկում և բերել է տալիս Սուրբ կտավներ, նահատակ իր սուրբ ընկերների մարմինները «փաթաթում է այդ կտավների մեջ և թաղել տալիս ապարանքի մոտ և ասում. Երանի՜ ձեզ, իմ սիրելի քույրեր և եղբայրներ, որ արժանի եղաք երկնային ուրախություններին, հիշեցե՛ք նաև ինձ, ձեր աղախունն»:

Իր սուրբ ընկերների մարմինները թաղել տալուց և նրանց շիրիմների պահպանության համար ամեն պգուշություն կատարելուց հետո Սուրբ Սանդուխտը վերադառնում է բանտ, իր կենդանի մնացած ընկերների մոտ և սուրբ առաքյալին տեսնում՝ աղոթելիս, իսկ մի մեծ լույս՝ նրա վրա:

Հավատացյալները սուրբ առաքյալի աղոթքից հետո հաց են մատուցում: Սուրբ առաքյալը վերցնում է հացը, օրհնում և բաժանում Սուրբ Սանդուխտին և նրա ընկերներին: Մի կտոր հաց էլ ինքն է ճաշակում, ապա բոլորը ոտքի են ելնում, օրհնում սեղանը և գոհություն մատուցում Սուրբ Երրորդությանը և խաչակնքելով իրենց երեսները սուրբ խաչի նշանով՝ քնում են: Քրիստոսը նրանց քնի մեջ երևելով քաջալերում է, օրհնում և կրկին երկինք համբառնում:

Երբ առավոտ է լինում, իշխաններ և այլ մեծամեծներ պալատից գալիս-հասնում են բանտի դուռը: Սուրբ առաքյալին, Սուրբ Սանդուխտին և այլ քրիստոնյաներին հանում են բանտից և շղթայակապ տանում թագավորի պալատը: Սուրբ Սանդուխտը միայն շղթայված չէր: Նա բարձր ձայնով և ցնծությամբ ասում է իր շղթայված հավատացյալ ընկերներին. «Իմ եղբայրներ և քույրեր, հաստատ մնացե՛ք ձեր հավատի վրա և պորացե՛ք Քրիստոսով. ոչինչ են երկրավոր թագավորների սպառնալիքները, նայեցե՛ք միայն երկնավոր թագավորին, որին հավատացե՛ք: Նրա՛ն նվիրեցե՛ք ձեր մտածումներն ու սըրտերը և նա ձեզ պորություն և ուժ կտա, որովհետև նա՛ է միայն Աստված, և չկա մեկ

ուրիշը. նա կպահի ձեզ սնտոի և խաբեպատիր պատրանքներից»:

Մինչ Սուրբ Սանդուխտը խոսում և քաջալերում էր իր ընկերներին, Սանատուկը հրամայում է ներս բերել նրան:

Թագավորը նրան ասում է. «Մոտեցի՛ր, դո՛ւստր իմ»: Իսկ Սուրբ Սանդուխտը ոչ նրան է նայում և ոչ էլ նրա մոտ է գնում: Իսկ թագավորը ասում է. «Ուրացա՛ր ինձ և այդ մոլորեցուցիչ մարդուն սիրեցի՛ր: Եթե քո համառ մտքերից չհրաժարվես, երդվում եմ բոլոր աստվածների անունով, քեզ և նրան դաժան մահվան կմատնեմ»: Սուրբ Սանդուխտը պատասխանում է. «Նա, որին դու մոլորեցուցիչ ես անվանում, նա՛ ինձ խավարից դեպի լույս է առաջնորդել, ինձ ճանաչացրել իմ Տիրոջը, որ արարիչն է երկնքի և երկրի, Միածին Որդուն և Սուրբ Հոգուն: Ես շտապում եմ գնալ, իմ Տեր Քրիստոսի մոտ, որովհետև նա է տերը տերերի և թագավորը թագավորների, լույսն ու կյանքն է բոլոր արարածների»: Թագավորը հարցնում է Սանդուխտին. «Ո՛վ է նա, որին դու Աստված և Հայր ես անվանում»: Սուրբ Սանդուխտը պատասխանում է և ասում. «Աստված, Աստված է նա, որ ոչնչից ստեղծել է ամեն բան և իր բերանի խոսքով հաստատել է բոլոր արարածներին: Իսկ ձեզ մթազնած մտքերով ու խավար խորհուրդներով ուրանալով ձեր արարիչ Աստծուն, որ ոչնչից ստեղծել է հաստատ է պահել ամեն բան, դուք մեռուտի կոռքերի ուրվականներին եք երկրպագում, կոռքեր՝ որոնք ոչ տեսնում են, ոչ լսում և դրանց մեջ դնել են բնակվում, որոնք մթազնելով ձեր մտքերը՝ ձեզ դարձրել են գեհենի որդիներ: Արդ, դուք գնալու եք դեպի արտաքին խավարը, ձեր գործակից սատանայի հետ, որտեղ կա միայն աչքերի արցունք և ատամների կրճատում»:

Այս խոսքերի վրա Սանատուկը թագավորը խիստ բարկացած հրամայում է կապել և նրա մարմինը գզգզել տանջանքներով և ապա այրել: Մոտենում է դահձապետը և շղթայում Սուրբ Սանդուխտին: Սուրբ առաքյալը երբ լսում է Սանդուխտի երապի մասին, հասկանում է, որ նա այդ օրը այս աշխարհից փոխադրվելու է երկինք, հագնելու է լուսեղեն դասերի փառքը, և գլխի վրա ընկնելու է լույսի պսակը: Նա ուրախությամբ արցունքների մեջ Սուրբ Սանդուխտին ասում է. «Երանի՜ է՝ քեզ Սանդուխտ, որովհետև նա, որ երևացել է քեզ, ինքը Քրիստոսն է, նա տեսել է իր հանդեպ ունեցած քո ջերմեռանդ սերը, և դրա համար էլ երևացել է քեզ, որպեսզի առավել ևս քեզ հաստատի իր աստվածության լույսի մեջ: Նա քեզ հագցրել է մի նոր լույս որպես վերարկու և դրել է քո գլխին

լուսեղեն պսակը, վասնպի թողնելու ես քո թանձրամած մարմինը այստեղ, հագնելու ես երկնային լույսը, արժանի ես լինելու մարտիրոսության և քո գլխին կրելու ես հաղթական նահատակության լույսի պսակը, պարզարվելու ես վերնագույն լույսով, բնակվելու ես աստվածության լույսերի մեջ և միշտ մնալու ես գերագույն լույսի ուրախության մեջ: Քրիստոսը անբաժանելի է իր սիրելիներից և նա ուրախացնելու է բոլոր նրանց, որոնք կման իր աստվածային սիրո մեջ»:

Իր տեսիլքի մասին սուրբ առաքյալի այդ մեկնությունը լսելով Սուրբ Սանդուխտը ուրախության արցունքներ թափելով, ընկնում է նրա ոտքի առաջ և ասում. «Երանի՛ է քեզ, իմ Հայր, որ վերստին ծնունդ տվեցիր ինձ և սովորեցրիր ճշմարիտ լույսը որ Քրիստոսն է: Դու ինձ համար եղար կենդանի ճանապարհն ու անմահության դեղը: Արդ, խնդրի՛ր Քրիստոսին, որ փութով ինձ կանչի իր մոտ»:

Սուրբ առաքյալը Սուրբ Սանդուխտի այս խոսքերի վրա, նրան ասում է. «Շուտով հասնելու ես կենդանի լույսին, որին այնքա՛ն տենչում ես: Ով Տեր, հիշի՛ր քո աղախան և նրան համբերություն տուր այդ օրվա պատերազմի մեջ: Ամաչեցրո՛ւ թշնամուն, որպեսպի բոլոր հավատացյալները ճանաչեն, որ միայն դո՛ւ ես երկնքում և երկրի վրա ճշմարիտ միակ Աստվածը: Այա դառնալով դեպի Սուրբ Սանդուխտը, օրհնում է նրան և ասում. «Պինդ կաց և թող Քրիստոսը զորացնի քեզ»: Այս խոսքերի վրա, հանկարծակի բանտի դռներին են հասնում հեթանոս իշխանները իրենց զորականներով: Իսկ մինչ այդ սուրբ առաքյալը, վեր էր կացել և անվտանգ անցել նրանց միջով:

Երանելի Սանդուխտին հեթանոսները տանում են սպանության վայրը: Նա ասում է իրեն տանողներին. «Մի քիչ համբերեցեք, որ ես աղոթեմ իմ Տիրոջը և Աստծուն, նրա սիրելի Որդուն՝ մեր Փրկիչ Հիսուս Քրիստոսին: Ո՛վ Հայր, երկնքից՝ քո սրբության բարձունքից նայի՛ր և ցո՛ւյց տուր քո մարդասեր շնորհներն ու սերը, և ընդունի՛ր քո աղախնու նահատակությունը, որպես անուշ հոտ հանուն քո սիրելի Որդու, և ինձ արժանացրու քո աստվածության երկնային լույսին, վայելելու համար անսպառ և հավիտենական քո բարիքները, որ խոստացար քո սիրելիներին»: Ապա հրաժեշտ տալով սուրբ առաքյալին և բոլոր հավատացյալներին՝ համարձակությամբ մոտենում է իր սպանության վայրին և անօրեններին ասում. «Եկեք կատարելու ձեր հոր՝ սատանայի կամքը», և ինքնահոգար սիրով երկարում է իր պարանոցը դահճի առաջ ու ասում. «Տեր Հիսուս Քրիստոս, ընդունի՛ր ինձ քո հավիտենական հար-

կերից ներս. ցանկանում եմ դրան և ուրախ եմ իմ չարչարանքների և մահվան համար: Այս պահին դու ինձ ուժ տուր հաղթելու նըրանց, որոնք մարտնչում էին իմ դեմ, հաղթությունը քո՛ն է և քե՛զ է վայել հավիտենական փառքը. ամեն»:

Նույն րոպեին մի պատանի սրով խփում է երանելի կույսի կրծքին, իսկույն արյուն է ժայթքում և բուրում է նահատակության անուշ հոտը: Սուրբ Սանդուխտը ավանդում է իր հոգին Քրիստոսին բարի խոստովանությամբ, հանուն Հոր, Որդու և Սուրբ Հոգու: Նույն պահին երկնքից երևում է լույսի մի սյուն, ապա տեղի է ունենում ուժեղ մի ցնցում, և լսվում է ահեղ ձայնը երկնային ցորենի, որոնք օրհնում և փառաբանում էին Աստծուն: Լուսեղեն սյունը գալիս-հանգչում և մնում է և երեք օր ու գիշեր մնում երանելի Սանդուխտի մարմնի վրա: Այդ օրերին երկու հազար հոգի, տղամարդ ու կին, հավատում են Քրիստոսին: Նորադարձ հավատացյալները չեն հեռանում սուրբ կույսի նահատակության վայրից, որտեղ դրված էր նրա մարմինը: Գիշերը սուրբ առաքյալը գալիս և մկրտում է բոլորին, հանուն Հոր, Որդու և Սուրբ Հոգու: Սուրբ առաքյալը և հավատացյալները, յայտնետև, վերցնելով Սուրբ Սանդուխտի մարմինը, թաղում են նույն վայրում՝ ձեռք առնելով ամեն պգուշություն և երանելի սուրբ Տիկնոջ հանգստարան-գերեզմանը դարձնելով անտեսանելի թշնամիների համար: Սուրբ Սանդուխտի նահատակությունից երեք օր հետո, առավոտյան դեմ, սուրբ առաքյալը աղոթում էր: Փրկիչը երևելով նրան ասում է. «Նաղաղություն քեզ, իմ սիրելի, այսօր հասնելու ես քո նահատակության մարտին, համբերի՛ր, որովհետև բազում չարչարանքներ ես կրելու, իսկ ես չեմ լքելու քեզ»: Փրկիչը օրհնելով նրան աներևույթ է լինում: Իսկ սուրբ առաքյալը կրկին անգամ աղոթելով ասում է. «Գոհությո՛ւն քեզ, մեր Տեր Հիսուս Քրիստոսի Հայր, որ ինձ չես լքել այս երկրի հեթանոսների ձեռքը և ինձ ցույց ես տվել քո առավել գութը: Արդ, ընդունի՛ր իմ նահատակությունը որպես անուշ հոտ և զորացրու ինձ այս պատերազմի մեջ: Ընդունի՛ր և հիշի՛ր, ով Տեր, քո աղախին Սանդուխտին, որ փոխադրվեց այս աշխարհից քեզ մոտ և նրան խառնի՛ր քո սրբերի գնդերի մեջ, որոնք քո անվանդ համար պատարագվեցին: Շնորհի՛ր նրանց քո աստվածության լույսը և պահի՛ր-պահպանի՛ր քո հավատացյալներին, որոնք քեզ ապավինեցին: Այժմ լսի՛ր նրանց պաղատանքներն ու խնդրվածքները, նրանց՝ որ զօր ու գիշեր քեզ օգնության են կանչում: Հեռացրու նրանցից չար բանասարկուին և ամաչեցրու թշնամուն, որ չի համարձակվի մոտենալ

քո հավատացյալների գնդին: Չորացրու քո ծառաներին, հանուն քո պատվիրանների, որպեսզի նրանք համբերատար ընթացքով հասնեն մինչև վախճանը»: Այնուհետև, նա օրհնելով հավատացյալներին՝ ասում է. «Որդյակներ, քանի որ դուք ձեր անձերը Աստծուն նվիրեցիք, և ձեր անունները գրեցիք Քրիստոսի գնդերի մեջ, այի՛նդ պահեցե՛ք ձեր հավատը և թող ձեզ պորացնի Քրիստոս Աստվածը և ձեր թիվը բազմացնի ու ամալացնի չարիքի բանասերկուն, հեթանոսների մոլորեցուցչին, նետելով նրան ձեր ոտքերի ներքո՝ հավիտյան: Եվ ես ահա փոխադրվում եմ Տեր Հիսուս Քրիստոսի մոտ և խնդրելու եմ նրանից ուղարկի իր պորության հրեշտակը, որպեսզի նա պահի-պահպանի ձեզ հեթանոսական չար լծի ծառայության մոլորությունից, որից ձեզ փրկել և մաքրել է նա իր աստվածության լույսի բովում, որպեսզի դուք դառնաք իր համար սեփական ժողովուրդ: Արդ, նա՛ է ձեր հայրը, տերն ու թագավորը: Թող նա պահի-պահպանի ձեզ և երբեք ձեզ չլքի»:

Հավատացյալները երբ լսում են սուրբ առաքյալի այս խոսքերը և մանավանդ այն, որ նա շուտով փոխադրվելու է երկինք, ընկնում են նրա ոտքերի առաջ, լաց են լինում, համբուրում նրա ոտքերը և ասում. «Մեր հոգիների տերն ու կեցուցիչը, աղոթի՛ր մեզ համար և խնդրի՛ր Քրիստոսին որ նա մեզ չլքի»: Իսկ սուրբ առաքյալը աղոթում էր և ասում. «Տեր Հիսուս Քրիստոս, ձեռքդ բաց մի թող քո այս մի ափ ժողովուրդին, որը սրտով քեզ փարել է և նրան պահիր քո աջով»:

Երբ հավատացյալները հեռանում են սուրբ առաքյալի երկնային օրհնությունը ստանալուց հետո, երկու իշխաններ մոտենում են մեծ ամբոխի հետ և անօրեն թագավորի հրամանով ձերբակալում-տանում նրան թագավորի առաջ: Թագավորը նրան տեսնելով՝ հարցնում է. «Դո՞ւ ես Թադեոսը»: Սուրբ առաքյալը ասում է՝ ես եմ: Թագավորը նայելով նրան, տեսնում է սրբի դեմքը պայծառագույն և ահեղ, և երկյուղով լցված հարցնում է. «Ինչպե՞ս գողացար իմ չքնաղ կույս դատեր միտքը, գրավեցիր նրան քեզ և հեռացրիր հայրական իմ իշխանությունից, վերկեցիր ծիրանագետտ և ոսկեհուռ պատիվներից, նրան դարձրիր ատելի մեր աստվածներին և ողորմելի մի աղքատ, մինչև որ իմ արամտության ցատումը նրան մատնեց անտղորմ սրի»:

Սուրբ առաքյալը պատասխանում և ասում է թագավորին. «Ասացիր սուրբ կույսի մասին որ ես գողացա նրան, այո՛, արդարև ես գողացա նրան և ապատեցի ձեր մոլար պաշտամունքներից, խավարածին, չարաչար սպա-

նող, անդնդային գործերի շրջապտույտներից և սառնամանիքներից, դուք՝ որ նվիրվել եք Անահիտի կռապաշտ կոտորներին: Ես գրավեցի նրա միտքը ի Քրիստոս, կրկին ծնունդ տալով նրան սուրբ ավապանի երկնային ծննդով, և հեռացրի նրան քո հայրենական պղծությունից: Քրիստոսը նրան հագցրել է երկնային ճառագայթներ և լուսեղեն փառքեր: Դու կարծեցիր նրան սպանել, բայց նա մահից դեպի կյանք է փոխվել, թև առած բարձրացել լուսեղեն բանակների մոտ, ընդունել անթառամ պսակը և միացել աստվածային սիրո հետ: Այժմ նա ամեն ժամ փառավորում է երկնային սերովբեների դասի հետ Սուրբ Երրորդությունը, քանի որ այնտեղ երկնքում է անսպառ լույսը, հավիտենական կյանքը: Ձեր մտքերը մոլորված են և ձեր խորհուրդները՝ խավար, որովհետև, դուք թողել եք երկնքի և երկրի արարչին, որը ձեզ ըստեղծել է ոչնչից և հաստատել երկրի վրա, մինչդեռ նրանից է ձեր կյանքն ու շունչը, իսկ դուք մոլորվելով երկրպագում եք մեռելուտի կոտորներին:

Ձեզ մոլորեցրել է չար ու անիծյալ սատանան և ձգել ձեզ մահվան կապանքների և ուրգայթների մեջ: Այդ պատճառով դուք գնալու եք դեպի արտաքին խավարը, որտեղ կա աչքերի լաց ու ատամների կրճատումը»:

Սուրբ առաքյալի այս խոսքերի վրա սըրտմտելով թագավորը ասում է. «Պետք չէ, որ այս մարդը ապրի»: Իսկույն նրան կապելով տանում-բանտարկում են դղյակի պարսպից ներս, որտեղ մարդակեր գազաններ կույին: Անօրենները արձակում են սուրբ առաքյալի վրա երկու աշուժներ, որոնք գալիս-ընկնում են նրա ոտքերին, լիզում նրա ոտքերի հողաթափները, և թծնելով մոմնում: Ապա սրբի աղոթքներով քանդվում են նրա կապանքները: Իսկ անօրեն թագավորը էլ ավելի զորգոված իր չարության մեջ, հրամայում է կրակի հնոցը վառել, ուժգին բորբոքել և սուրբ առաքյալը կրկին կապկպելով՝ նետել հնոցի կրակների մեջ: Այդ պահին սուրբ առաքյալը աղոթում էր և ասում. «Տեր Հիսուս Քրիստոս, հասի՛ր ինձ օգնության»: Նույն պահին հանկարծակի ուժգին մի քամի է բարձրանում ամպախառն ցողով, հրախառն հնոցի մոտ, և անօրեն հեթանոսներին շարտում հնոցի կրակների մեջ: Իսկ երկնային ձայների ահը էլ ավելի է բազմապատկում նրանց սարսափը՝ մատնելով բոլորին ստույգ կործանման: Անօրեն թագավորը փախստական դարձած հազիվ հասնում է իր ապարանքը և չար հիվանդությամբ բռնված, ընկնում է ծանր տարակուսանքների և մտատանջությունների մեջ:

Իսկ սուրբ առաքյալը երկնային հույսով

լցված՝ վվարթ եր ինչպես լույսը: Այդ օրերին երբ պատահում էին այս դեպքերը, Քրիստոսին հավատում են 430 հոգի, որոնք և աղադակում և ասում էին. «Մեծ է քրիստոնյաների Աստվածը»: Սուրբ առաքյալը նույն ժամին մկրտում է բոլորին: Իսկ գապապած անօրեն թագավորը հրամայում է բոլորին սրով սպանել: Այնուհետև, սուրբ առաքյալին տանում են փոքր ձորակից մի քիչ հեռու, մի բարձրավանդակ տեղ, ժայռերի մոտ: Նույն պահին սուրբ առաքյալը կրկին աղոթում է և ասում. «Մեր Տեր Հիսուս Քրիստոսի Հայր Աստվածը, ընդունի՛ր ինձ այժմ և ցո՛ւյց տուր քո ահեղ աստվածության նշանը, որպեսպի իմանա՜ն բոլորը թե՛ դո՛ւ ես միայն բոլոր արարածների Աստվածը: Խնդրում եմ քեզ, մի՛ լքիր քո ձեռքից այս վիճակը և դրանց այս արածները մեղք մի՛ համարիր, որովհետև չեն հասկանում, թե ինչ են անում: Փոխի՛ր նրանց հեթանոս մտքերը, որպեսպի ճանաչեն քո աստվածությունը, ո՛վ մարդասեր և քաղցր Տեր»:

Ավարտելով իր աղոթքը՝ սուրբ առաքյալը սուրբ խաչի նշանով խաչակնքում է իրեն և ասում իր դահիճներին. «Ինչ ուզում եք՝ արեք»: Դահիճը իր սրով հարձակվում է սրբի վրա, բայց նրա հարվածը վրիպում է հըրաշքով, և նա վիրավորում է իր Ձեմենտոս եղբորն ու սպանում նրան, որը իշխանն էր արքունական բոլոր ճանապարհների և հավատարիմը արքունիքի: Սուրբ առաքյալը, երբ տեսնում է որ իշխանը մահացավ, տըրտմում է, որովհետև նա հավատացյալների կարիքները հոգացողն էր և բոլոր օտարներին խնամողը և ընդունողը: Սուրբ առաքյալը մտնում է մահացած իշխանին, նայում է դեպի երկինք և ասում. «Մեր Տեր Հիսուս Քրիստոսի Հայր, նայի՛ր երկնքից, քո Սուրբ Աթոռից և կենդանացրո՛ւ այս մեռած մարդուն, որպեսպի բոլորը իմանան որ միայն դո՛ւ ես Աստված»: Եվ ապա բռնելով մեռած իշխանի ձեռքից՝ ասում է. «Քե՛զ եմ ասում, ոտքի՛ ելիր հանուն Հիսուսի Քրիստոսի»: Մեռյալը ոտքի է ելնում ու կանգնում, և ընկնելով սրբի ոտքերին՝ ասում է. «Հավատում

եմ քո Աստծուն, որովհետև նա՛ է միայն Աստված և բացի նրանից չկա մեկ ուրիշը»: Սուրբ առաքյալը ձեռքը դնում է նրա վերքերի վրա և բուժում է դրանք: Նույն ժամին հավատում են 720 հոգի: Նորադարձ քրիստոնյաների առաջնորդն էր Ձեմենտոսը, որին Քրիստոսը կենդանացրել էր սուրբ առաքյալի միջոցով: Նա ասում է Ձեմենտոսին. «Ահա քեզ կենդանացրել է Քրիստոսը, Աստված, Որդին, և քեզ ապատել հայրենի քո մոլորությունից և արժանացրել երկնային լույսին: Արդ, պորացի՛ր և պի՛նդ մնա Քրիստոսի նըկատմամբ քո ունեցած հավատի մեջ, նա կպահի քեզ և բոլոր հավատացյալներին»: Սուրբ առաքյալը ապա մկրտում է բոլորին և համբուրում նրանց, երկնային սիրով օրհնում է բոլորին և հանձնում Սուրբ Հոգու պաշտպանությանը: Ապա նորից է աղոթում և օրհնում բոլորին: Երբ նա ավարտում է իր աղոթքը, թագավորը խիստ բարկանալով հրամայում է սպանել նրան: Եվ նույն պահին նահատակում են նրան: Երբ բուրում էր նրա նահատակության անուշ հոտը, և ահեղ սաստկության մի ձայն է լսվում, երկնքից նահատակ առաքյալի վրա մի լույս է ցայթում, լինում է սաստիկ մի ցնցում, և ճեղքված ժայռից Աստուծու պորությանը դուրս է գալիս սուրբ առաքյալի մարմինը: Անօրենները այս հրաշքի վրա փախչում են, մինչ հավատացյալները նոր ուժ են ստանում ցայտող լույսի ճառագայթներից, որովհետև սուրբ առաքյալը նրանց մեջն էր որպես լույս: Հավատացյալները միաբերան աղաղակում են և ասում. «Սուրբ առաքյալը Աստծո՛ւ մեր հայրը, հիշի՛ր մեզ և մի՛ մոռանար»: Հավատացյալները կարծում էին, որ նա մարմնով երկինք է համբարձել: Նրանք վեր են կենում և իջնում նրա սպանության վայրը: Տեսնում են, որ սուրբ առաքյալը սրով է սպանվել՝ և ճեղքված ժայռի միջից վերցնում են նրա մարմինը ու լաց են լինում նրա վրա: Նույն այդ օրը Քրիստոսին հավատում են երեք հազար չորս հարյուր երեսուն հոգի, տղամարդ և կանայք, փառավորելով բարձունքներում բնակվող Սուրբ Երրորդությունը:



Փ Ա Ռ Ք Մ Ե Օ Ա Օ



ՀԱՅ ՄԱՏԵՆԱԳԻՐՆԵՐ

«Վասն որոյ բաց ընկեցէք զստութիւն, խօսեցարուք զճշմարտութիւն իւրաքանչիւր ընդ ընկերի իւրում»:

«Դրա համար դէն զցեցեք ստախտությունը, յուրաքանչյուրը թող ընկերոջն ասի ճշմարտությունը»: (Եփես. Դ. 25)

«Որովհետև մենք ջանում ենք ոչ թե անիրավությամբ հաղթել, այլ իրավունքով ճշմարիտն ուսուցանել»:

(Եփեսիկ Կողբացի)

ԵԶՆԻԿ ԿՈՂԲԱՅԻ

Ս. Գրքի թարգմանությունից անմիջապես հետո, ընդամենը 30—40 տարիների ընթացքում, Ս. Մեսրոպը և նրա աշակերտները հայերենի թարգմանեցին Փիլոն և Կյուրեղ Ալեքսանդրացիների, Արիստիդես Աթենացու, Ուրիզենեսի, Եվսեբիոսի, Հովհան Ոսկեբերանի, Բարսեղ Մեծի, Եպիփան Կիպրացու երկերը, որոնց որոշ մասը քրիստոնյա աշխարհին այսօր հայտնի է միմիայն մեկ հասած հայ ձեռագրերի շնորհիվ: Դրանցից հիշատակելի են Եվսեբիոսի «Ժամանակագրությունը», Արիստիդեսի «Ջատագությունը», Իրենեոս

Լիոնացու «Առաքելական քարոզության ապացույցները» և այլն:

Հայ գիտնական հայրերը իրենց մայրենի լեզվով թարգմանեցին նաև անտիկ փիլիսոփաների՝ Արիստոտելի, Ջենոնի, Հերմեսի կարևորագույն աշխատությունները: Ավելացնենք դրանց վրա հինգերորդ դարի Մովսես Խորենացու, Ղապար Փարպեցու, Ագաթանգեղոսի, Եփեսիկի, Եղիշեի, Կորյունի գործերը, հայ ճարտարապետական հուշարձանների (Էջմիածին, ավելի ուշ՝ Հռիփսիմե, Չվարթնոց), կառուցումը, նկարչության, Հա-

րանց վարքի, հոգևոր երգերի մշակումն ու պարգացումը և մենք կստանանք հայ ոսկեդարի իրական պատկերը:

Հայ Եկեղեցու պատմության մեջ հինգերորդ և նրան հաջորդող դարերը ուշագրավ են նաև այլ պատճառներով: Ճիշտ այս ժամանակ էր, որ Հայաստան ներթափանցեցին Վալենտինանոսի, Մարկիոնի, Պողոս Սամոսատցու աղանդներն ու հերետիկոսական ուսմունքները:

Հայ Եկեղեցին ելնելով տիեզերական ուղղափառության իր դիրքերից արժանի հակահարված էր տալիս հերետիկոսներին:

Այս բոլորի կողքին, գաղափարական պայքարից բացի, Հայ Եկեղեցին և հայ ժողովուրդը պարտավոր էին նաև քաղաքական պայքար մղելու Բյուզանդիայի և Պարսկաստանի դեմ: Երկու պետությունների միջև Հայաստանը, Շապուհ Բ-ի խոսքերով ասած՝ մի «կռվախնձոր» էր հանդիսանում: Եվ եթե Բյուզանդիայի, որպես քրիստոնյա մի պետության, լուծը դեռևս տանելի էր, ապա նույնը չէր կարելի ասել Պարսկաստանի վերաբերյալ, պետություն, որ հայ ժողովուրդի համար կատաղի մի թշնամի էր թե՛ քաղաքական և թե՛ կրոնական իմաստով:

Հայերի համար առանձնապես ատելի էին պարսկական մոզերը, որոնք փորձում էին ստիպել նրանց ընդունելու պրադաշտական կրոնը¹:

Համագործակցելով միմյանց հետ, պարսկական կրոնի ներկայացուցիչները և պետական ղեկավարները աջակցում էին ձուլել և որպես ազգ վերացնել հայերին:

Հայերը դիմադրում էին: Սակայն պինված դիմադրությունից բացի հարկավոր էր ցույց տալ նաև գաղափարական դիմադրություն, այսինքն՝ հասկանալ և հերքել պրադաշտականությունը: Հարկավոր էր ունենալ գաղափարական մի ուժեղ պնդ: Եվ այն հայտնվեց:

Դա «Եղծ աղանդոցն» էր, հայ մտածող, աստվածաբան և փիլիսոփա Եզնիկ Կողբացու սքանչելի աշխատությունը:

Եզնիկ Կողբացին և նրա «Հակաճառությունը»

Եզնիկ Կողբացու կյանքի մասին քիչ տեղեկություններ կան: Նրա մասին ամփոփ կեր-

պով գրում են նրա ժամանակակիցները միայն, հիգերորդ դարի հայ պատմագիրները:

Ծնվել է, ըստ Մովսես Խորենացու տվյալների, Արարատյան դաշտի Կողբ գյուղում: Ծննդյան ճիշտ թվականը հայտնի չէ: Հավանաբար 398—400 թթ., կրթությունը ստացել է Վաղարշապատի հայագիր դպրոցում:

Այն բանից հետո, երբ ս. Մեսրոպը ավարտելով իր առաքելական քարոզությունը ի Վրաստան, վերադարձավ հայոց երկիրը, նա ժամանակի կաթողիկոսի՝ ս. Սահակի համաձայնությամբ երկու աշակերտներով ուղարկվում է Եղեսիա՝ ասորերեն լեզու սովորելու, ինչպես նաև՝ եկեղեցական ս. հայրերի աշխատությունները թարգմանելու համար²:

Այդ աշակերտներից մեկն էր պատանի Եզնիկը:

Կատարելով ս. Սահակի և ս. Մեսրոպի հանձնարարությունը Եզնիկն ու նրա հոգևոր եղբայր Հովսեփը Եղեսիայից մի քանի թարգմանություններ ուղարկելով Հայաստան ուղևորվում են Կոստանդնուպոլիս:

Կորյուն պատմիչը գրում է, որ Եզնիկն այնտեղ մնաց մինչև 431 թ.: Նա Հայաստան վերադարձավ Եփեսոսի Տիեզերական ժողովից հետո միայն՝ իր հետ բերելով սույն ժողովի որոշումները³:

Եզնիկն ու իր ընկերները (Կոստանդնուպոլսում նրանք դառնում են 6 հոգի, որոնց թվում և Կորյուն պատմիչը) իրենց հետ Հայաստան են բերում Աստվածաշնչի հունարեն Յոթանասնից թարգմանության ընտիր մի օրինակ: Հանձնելով այն ս. Սահակին և ս. Մեսրոպին, Եզնիկը նրանց հետ միասին վերանայում և խմբագրում է մինչ այդ կատարված հայերեն թարգմանությունը: Եզնիկը կատարում է նաև մի շարք թարգմանություն-մեկնություններ Աստվածաշնչից⁴:

Եզնիկի հետագա գործունեությունը մինչ 449 թ. անհայտ է: Ավարայրի ճակատամարտից ոչ շատ առաջ նրա մասին խոսում է մեկ այլ պատմիչ՝ Եղիշեն⁵:

449 թ. Հազկերտ Բ-ը պահանջում է հայերից ուրանալ քրիստոնեությունը և ընդունել պրադաշտական կրոնը: Հազկերտ Բ թագավորի նամակին պատասխանելու համար հայ ավագանին և հոգևորականաց դասը ժամանակի Հովսեփ կաթողիկոսի գլխավորությամբ հավաքվում են Արտաշատում:

¹ —Չորադաշտ—Իրանի հնագույն քնակիչների կրոնը: Հիմնադիր է համարվում Չորատուտարան, հույն գրողների մոտ՝ Չորաստը: Չորադաշտի սրբազան գիրքն է Չանդ-Ավեստան: Հիմնական արարողությունն է կրակապաշտությունը: Աշխարհի վրա գոյություն ունեն երկու սկիզբ՝ բարին և չարը: Նրանց միջև գոյություն ունեցող պայքարն էլ պահպանում է համաշխարհային ընթացքը: Չորադաշտը այլ կերպ կոչվում է Մալդեպականություն:

² Մ. Խորենացի, Պատմություն Հայոց, Երևան, 1961 թ., գիրք 3, էջ 337:

³ Կորյուն, Վարք Մաշտոցի, Երևան, 1911, էջ 74:

⁴ Կորյուն, նույնը, էջ 76:

⁵ Եղիշեն, Վարդանի և Հայոց պատերազմի մասին, Երևան, 1971, էջ 38:

Հավաքվածների թվում էր նաև Բագրևանդի եպիսկոպոս Եվնիկը: Կաթողիկոսի, հոգևորականների և նախարարների կողմից Միհրներսեսին հասցեագրված պատասխանի մեջ մենք նկատում ենք «Եղծ աղանդոց»-ի հեղինակ Եվնիկի ոճն ու մտքերը: Ավելին, պատասխան նամակում գործածված մի քանի նախադասություններ բառացի կերպով համընկնում են «Եղծ աղանդոց»-ի երկրորդ գրքի «Եղծ քեջին պարսից» գրքում օգտագործված մտքերի հետ, որով և միանգամայն հաստատվում է այն կարծիքը, թե Եվնիկը իր մասնակցությունն է բերել հիշյալ նամակը խմբագրելուն: Եվ հետո, եթե Եվնիկը այդ ժամանակ դեռևս կենդանի էր, ապա նաև որպես պարսկական կրոնի մեծ գիտակ դժվար թե բացակայեր նման հավաքից:

Եվնիկը վախճանվել է 451 թ. Ավարայրի ճակատամարտի նախօրյակին:

«Եղծ աղանդոց»-ը ամենայն հավանականությամբ գրվել է 431—449 թթ., այսինքն՝ Եփեսոսի ժողովից մինչև Ավարայրի ճակատամարտ ընկած ժամանակահատվածում: Սա պարզորոշ կերպով երևում է գրքի բովանդակությունից:

Օրինակ՝ ընդդեմ Մարկիոնի իր չորրորդ գրքում Եվնիկը գրում է մծղնյա աղանդավորների մասին:

Մծղնեականները ունեն նույնիսկ իրենց ս. Գիրքը, որ կոչվում էր «Ասկետիկ» (մենակյաց), որը բանադրվեց Եփեսոսի սուրբ ժողովում: Եվնիկը իր ձեռքում ուներ հիշյալ ժողովի որոշումները և բնական է, որ ընդհանրական եկեղեցու կողմից մծղնեականների վրա դրված բանադրանքը (աղանդ, որը տարածվում էր նաև Հայաստանում) չվրիպեր նրա ուշադրությունից, որի վաղ ապացույցը հանդիսանում է նրա չորրորդ գիրքը:

Այսպիսով, պարզ է դառնում, որ «Եղծ»-ը գրվել է Տիեզերական երրորդ ժողովից անմիջապես հետո՝ 431—449 թթ. ընթացքում:

«Եղծ»-ը բաղկացած է չորս գրքից:

Առաջին գրքի սկզբում կա նախաբան, որ խոսում է ամեն ինչի պատճառ հանդիսացող հավիտենական Միակ էության մասին: Առաջին գիրքը՝ «Պատճառ չարեաց», մեզ պատկերացում է տալիս չարի ծագման և ապատկամքի մասին: Սույն գրքում կա նաև հակաճառություն՝ ուղղված Վալենտինյան աղանդավորների դեմ, որոնք աշխարհի ստեղծման հիմքում ընդունում էին հյուլենների մասնակցությունը:

Երկրորդ գրքում՝ «Եղծ քեջին պարսից» խոսվում է պարսկական կրոնի երկու նախասկզբների (բարի և չար) ուսմունքի, քաղդեական աստղաբաշխության և ժողովրդական սնտիապաշտության դեմ:

Երրորդ գրքում՝ «Եղծ կրօնից յունաց իմաստնոցն»՝ հիմնականում խոսում է Պլատոնի, ստոյիկյան բնապաշտության, Պյութագորասի և Էպիկուրեսի փիլիսոփայական ըմբռնումների դեմ, որ Եվնիկը ելնելով քրիստոնեական ուսմունքի դիրքերից խոսում է հոգիների տեղափոխության, աշխարհաճանաչման և առաքինության մասին:

Չորրորդ գիրքը գրվել է Մարկիոնի (Բդար) աղանդի դեմ:

«Եղծ աղանդոց»-ի վերջում կան Եվնիկի խրատները, որ նա խոսում է վանականների սիրո, հավատքի և քրիստոնեական առաքինության մասին: Ըստ բովանդակության նրանք տարբեր են և հետաքրքիր նրանով, որ տալիս են տիպար հոգևորականին՝ քրիստոնյա մարդու ճշմարտացի կերպարը:

Գիրքը տեղիք է տալիս շատ վիճաբանությունների ոչ միայն հայ, այլ նաև օտար գիտնականների միջև: Պատճառն այն է, որ այն մեզ է հասել 1280 թ. արտագրված մի ձեռագրով: 1762 թ. այն տպագրվել է Չմյունխայում: Երկար ժամանակ կարծվում էր, որ 1845 թ. Չմյունխայի մեծ հրդեհից հետո ձեռագիրը ոչնչացվել է, սակայն 1902 թ. այն գտնվեց Էջմիածնի վանքի գրադարանում: Այժմ այդ միակ ձեռագիրը գտնվում է Երևանի Մատենադարանում 1097 համարի տակ: Ձեռագիրը թերի է: Տեղ-տեղ պակասում են որոշ տողեր, երբեմն խանգարվում է մտքերի ներքին հաջորդականությունը:

Եվնիկի գրքով հետաքրքրվել են ոչ միայն հայ, այլ նաև օտար գիտնականներ: Դրանցից կարելի է թվել գերմանացի Հմիդտին, ֆրանսիացի Մարիեսին, Մերսեին և ուրիշների: Նրա մասին խոսվում է նաև Patrologie Orientale-ի մեջ:

Ռուսերեն լեզվով թարգմանվել է երկու անգամ՝ 1858 թ. Պետերբուրգում (ոչ լրիվ) և 1968թ.՝ Հայկ. ՍՍՀ գիտությունների ակադեմիայի կողմից՝ Վ. Չալոյանի թարգմանությամբ:

Եվնիկի աշխատությունը ունի նաև իր գրական աղբյուրները: Դրանց թվում հիշատակելի է ս. Մեթոդիոս Ողիմպիացու «Աստուծո, նյութի և ապատ կամքի» մասին գիրքը:

Եվնիկը քաղվածաբար օգտվել է նաև Եպիփան Կիպրացու «Տապան», Արիստիդեսի «Չատագովություն», Բարսեղ Մեծի «Վեցօրյա» և Գրիգոր Լուսավորչի «Յաճախապատում» գրքերից: Այդ մեջբերումներով մեզ լրիվ պատկերացում են տալիս Եվնիկ աստվածաբանի և փիլիսոփայի աշխարհայացքի խորության մասին: Կողբացու «Հակաճառությունը» ինքնուրույն և ամբողջական մի աշխատություն է, որը հանդիսանում է 5-րդ

դարի հայ դավանաբանական և փիլիսոփայական մտքի պայծառ վկայությունը:

Կողքացու «Հակաճառություն»-ը և նրա «Եղծ քեշին պարսից» երկրորդ գիրքը.

428 թ. Հայաստանում վերացավ Արշակունիների հարստությունը: Մեր հայրենիքի համար սկսվեց վշտի և տառապանքների մի ժամանակաշրջան:

Հայաստանի մի մասը ընկավ Բյուզանդիայի տիրապետության տակ, իսկ մյուս մասը՝ Սասանյան հարստության, որի հիմնադիրը՝ Արտաշիրը իր երկրում վերականգնեց հին պարզաշտական կրոնը: Միանգամայն հասկանալի է, որ հայերի ամեն մի ձգտում՝ պահպանելու քրիստոնեական կրոնը, պիտի բուրբոքեր և առաջ բերեր պարսիկների վերդավմունքն ու անվատահոյությունը, որոնք ամեն կերպ աշխատում էին հայերին հեռու պահել իրենց թշնամիներից՝ հույներից:

Այս նպատակից ելնելով, պարսիկ կառավարիչներն աշխատում էին արգելել հունարեն լեզվի և գրքերի օգտագործումը Հայաստանում: Մյուս կողմից նրանք ջանում էին երկրում քրիստոնեությունը փոխարինել կրակապաշտությամբ:

Պարսից Հապկերտ Բ թագավորը Տիպրոն է հրավիրում հայ, աղվան և վրացի նախարարներին: Այդ հրավերն ուներ իր գաղտնի նըպատակը, այն է՝ համույել իշխաններին հրաժարվելու քրիստոնեությունից և ընդունել պարզաշտական կրոնը: Սակայն քրիստոնյա նախարարներից շատերը չդավաճանեցին իրենց հայրերի հավատքը: Այն ժամանակ Հապկերտը որոշեց գործել ուժի միջոցով: Պարսկաստանում գերի գտնվող շատ իշխաններ արկվեցին կյանքից: Հայաստան ուղարկվեցին պարսկական պորքեր, որոնք Ձրադաշտի սպասավորների՝ մոգերի հետ քարուքանդ արեցին քրիստոնեական տաճարներն ու նրանց փոխարեն հիմնեցին ատրուշաններ:

Հապկերտն ու նրա կողմնակիցները Հայաստան ուղարկեցին Եղիշեի պատմությունից մեկ հայտնի նամակը⁶:

Արտաշատի ժողովում խմբագրված հայ եպիսկոպոսների և իշխանների պատասխանը Միհրենրսեհի նամակին հայտնի է: Հայտնի են նաև հետագա իրադարձությունները՝ ընդհուպ մինչև Ավարայրի ճակատամարտը: Ուս-

տի մենք կարող ենք ուշադրություն դարձնել Եվնիկի՝ Ձրադաշտի վերաբերյալ արժեքավոր դիտողություններին:

Իր գլխավոր նպատակը Եվնիկը տեսնում է միաստվածության գաղափարների պաշտպանության մեջ, այսինքն՝ ապացուցելու երկու նախասկզբների՝ բարու և չարի համագոյությունը:

Աստված պատճառն է ամենի:

Այս դիրքերից ելնելով էլ, Եվնիկը պայքարում է բարու և չարի համագոյության վերաբերյալ ուսմունքի ջատագովների դեմ՝ ցույց տալով բարու և չարի իսկական փոխհարաբերությունները:

Պետք է ասել, որ բարին և չարը Ձրադաշտի մոտ, ինչպես նաև հեթանոսական այլ կրոններում հասկացվում էր ոչ թե որպես մի բարոյական չափանիշ, այլ նախապատճառներ:

Ընդունելով դրանք որպես էություն, կարելի է հեշտությամբ հարել ճակատագրապաշտության: Եվնիկը հարձակվում է այս գաղափարի վրա՝ հերքելով չարի էական գոյությունը: Նա հերքում է չարի և նյութի միջև եղող ամեն մի կապ: Նյութը, ըստ Եվնիկի ինքնիրեն չի կարող ստեղծել չարը, առավել ևս, երբ այն (նյութը) Աստուծո ձեռքում դառնում է այն, ինչ Նա է ցանկանում⁷: Եթե ընդունենք, մտածում է նա, որ բարին ու չարը երկու տարբեր նախասկզբներ են, ապա, ստիպված պետք է ընդունենք, որ գոյություն ունեն երկու առանձին, իրարից անկախ աստվածներ, ինչ որ ճիշտ չէ: Ինչու՞: Նախ և առաջ այդ երկու հակառակ ուղղությունները կոչնչացնեն միմյանց: Այն դեպքում, երբ այդ ուժերից մեկն ու մեկը գերազանցեր մյուսին, ապա նա կոչնչացներ վերջինս: Սակայն մինչ այժմ, գրում է նա, մենք չենք տեսել, որ նրանցից մեկն ու մեկը (բարին ու չարը) ոչնչանա⁸: Հիմնվելով ուղղափառ հայրաբանական գրականության վրա Եվնիկը ի հայտ է բերում հետևյալ բանաձևը՝ բարին և չարը ոչ թե բնածին հատկություններ են, այլ ձեռքբերովի⁹:

Նշանակում է՝ չարը էություն չէ: Ինչ է սակայն:

Ապացուցելով նաև, որ չարը ենթակա չէ, Եվնիկը հանգում է այն մտահանգման, որ չարը ենթակալի գործողությունն է: Ոչ ոք չի ասում, թե սպանությունը անձ է, այլ՝ անձի միջոցով կատարված գործողությունը:

⁷ Եվնիկ Կողքացի, Եղծ աղանդոց, Երևան, 1968, էջ 140 (ռուսերեն):

⁸ Նույն միտքը տես Բարսեղ Մեծ, Վեցօրեայ, Մոսկվա, 1845, Ա մաս, էջ 104 (ռուսերեն):

⁹ Եվնիկ, նույնը, էջ 53:

⁶ Էպով. Պարսից մոգերի ուսմունքի մասին, Պետերբուրգ, 1858 թ., էջ 18: (Ռուսերեն և Եղիշեի «Վասըն Վարդանայ և Հայոց պատերազմին». Երևան, 1957, էջ 24:

Բնութագրելով չարը որպես գործողություն, Եվսիկը ջանում է ապացուցել նաև, թե որտեղից է ծագում այն. «Արդ արև իսկ չարիքըն որ լինին՝ ի տարակուսի կացուցանեն պատմումս, և բազում արք առաք լմանս նորին խնդիրս մեծամեծս արարին: Կեսք անսկզբնակից ինչ ընդ Աստուծոյ կամեցան դնել. և կեսք՝ ըստ նմանէ նիւթ ինչ, զոր հիւղն անուանեն, թէ ի նմանէ արար պարարածս. և կեսք հրաժարեցին բնաւ ի խնդրելոյ, որպէս թէ ամենևին այնմ խնդրոյ չիք սպառնաւ: Բայց մեկ հարկ եղև ի սիրոյ բարեկամաց, և յոչ ուղիղ հայելոյ ընդիմակացն, ըստ մերում տկարության ապալինեալ յԱստուծոյ շնորհսն, միտել ի խնդիր ճառիցն»¹⁰:

Որպեսզի պարզենք, թե որտեղից է ծագում չարը, նախ պետք է որոշենք, թե ինչ է այն:

Եվսիկը մտածում է հետևյալը. այն բոլորը, ինչ օգտակար է մարդուն՝ բարի է, ինչ վնասակար՝ չար:

Եթե մարդու համար օգտակար ամեն մի բան բարի է, ուրեմն Աստված բարու արարիչ է, քանի որ Այն չարիք չի կարող ստեղծել: Նա՝ բարության աղբյուր է, իսկ բարի արարչից չարիք չի ծնվում: Նյութից նույնպես չարիք չի կարող ծնվել, քանի որ բնությունը մեկ տալիս է միայն բարին: Խոսելով բնության մեջ եղող բարու և չարի մասին, Եվսիկը ցույց է տալիս, որ այնտեղ բացարձակ իմաստով բարին կամ չարը գոյություն չունեն: Օձը, օրինակ՝ որ չար է կարծվում, օգտակար է նրանով, որ նրա թույնից մարդկանց համար օգտակար դեղ է պատրաստվում: Եթե վերցնենք տիեզերքի չորսի տարրերը (ջուր, օդ, կրակ, հող), մենք կտեսնենք, որ նրանք հանդես են գալիս թե՛ որպես բարու և թե՛ չարի գործոններ: Չորը օգտակար է, սակայն այն երբեմն ջրհեղեղի պատճառ է հանդիսանում: Արևը նույնպես, սակայն այն երբեմն այրում է ու ոչնչացնում¹¹: Եվ այսպես բազում օրինակներով Եվսիկն ապացուցում է, որ մի երևույթ կարող է և բարի լինել և չար:

Վերջապես նա հանգում է այն եզրակացության, որ բանականությամբ գործող արարածը միայն (որ է մարդը) ընդունակ է բացարձակ չարի կամ բարու՝ շնորհիվ իր ազատ կամքի դրսևորման. «Որպէս և երկաթ մերթ ի բարիս պաշտի, և մերթ ի չարիս. զի եթէ խոփ և գերանդի և մանգաղ ոք գործիցէ, ի բարութ իրս պաշտեցաւ. ապա եթէ սուսեր և

գեղարդի և սլաք. և այլ ինչ պէն՝ որ վնասակար մարդն է, գործ չարութեան գործք. և պատճառ չարութեանն՝ գործելին, և ոչ երկաթն»¹²:

Մարդն ազատ է իր ընտրության մեջ: Նա կարող է ընտրել և՛ բարին, և՛ չարը: Նա ազատ կամքի տեր է: Ի տարբերություն բնության երևույթների և երկնային մարմինների, որոնք ղեկավարվում են Աստուծո կողմից, մարդն ընդունակ է ինքն իրեն ղեկավարել: Մանրակրկիտ կերպով քննելով Զրադաշտի ուսմունքը բարու և չարի մասին որպես երկու նախապատճառների, Եվսիկը գալիս է այն եզրակացության, որ մեկ է Աստված և նրանից բացի չկա ուրիշ արարիչ մի ուժ, առավել ևս՝ չար¹³: Ըստ Եվսիկի պարսկական երկվության (դուալիզմ) ուսմունքի հիմնական թերությունը նախ և առաջ նրա ներքին հակասության և գաղափարների նախնականության մեջ է: Մի տեղում նա ասում է, որ պիտի աշխատի օգտվել հենց այդ հակասություններից, ինչը և նրան հաջողվում է:

Զրադաշտում ասվում է, որ Զրվանը բոլորից առաջ գոյություն ուներ:

Շատ լավ, մտածում է Եվսիկը, եթե Զրվանը բոլորից առաջ կար, այդ դեպքում նա ումի՞ց էր որդի խնդրում: Եթե նա կատարյալ էր, ապա մի՞թե կատարյալը խնդրելու կարիք ունի¹⁴: Ապա ասվում է, որ Զրվանը թագավորեց հապար տարի, իսկ մյուս կողմից՝ թե Զրվանի ժամանակ դեռ չէին ստեղծվել ոչ արևը, ոչ լուսինը, ոչ աստղերը և ոչ էլ բուսականությունը: Եթե այդ այդպես է, ապա ինչպե՞ս էին հաշվվում օրերը, ամիսներն ու տարիները¹⁵:

Եվսիկը մեղադրում է Զրադաշտին տգիտության մեջ, քանի որ նրա ուսմունքը հակասում է բնության տարրական ճանաչման անգամ: Ու այսպես քայլ առ քայլ քննադատելով Զրադաշտի ուսմունքը, նա այն համարում է «տգետների անխոհեմ և հնարավոր գաղափարների արդյունք»¹⁶:

Ցույց տալով զրադաշտականության մեջ գոյություն ունեցող հակասությունները, Եվսիկը տրամաբանորեն հասնում է Զրվանի աստված լինելու հերքմանը՝ ուղղակի հայտարարելով. «Յայտ է՝ թէ ոչ էր երբեք Զրուանն և ոչ է... Արդ սա քանպի ոչ արարիչ է և

¹² Գ. Ե. Տ., նույնը, էջ 18:

¹³ Նույնը տես Իրենիոս Լիոնացի, «5 գիրք աղանդների մասին», Մոսկվա, 1871 թ., գ. 5, էջ 585 (ռուսերեն):

¹⁴ Եվսիկ, նույնը, էջ 87 (ռուսերեն):

¹⁵ Նույնը, էջ 87:

¹⁶ Նույնը, էջ 86:

¹⁰ Գարեգին եպիսկ. Տրապիկունցի, «Եղծ աղանդոց», Բուենոս Այրես, 1951, էջ 10:

¹¹ Եվսիկ, նույնը, էջ 42 (ռուսերեն):

ոչ արարած, ոչ երբեք նա Աստուած, և ոչ է և ոչ լինի»¹⁷:

Եզնիկն ապացուցում է նույնպես, որ բարի Որմիպդը և չար Արիմանը չէին կարող միասին գոյատևել Չովանի արգանդում. հակառակ դեպքում նրանք կոչնչացնեին միմյանց, ինչպես ջուրն ու կրակը:

Մանրամասնորեն մերկացնելով և քննադատելով Ջրադաշտի ուսմունքը Եզնիկը ցանկանում է հայերի մոտ այն դարձնել ծիծաղելի ու անհեթեթ, հեռացնել հայերին նրա-

նից, հաստատել նրանց սրտերում վստահություն դեպի քրիստոնեական հավատքի ճշմարտացիությունը և վերջապես՝ նախապատրաստել նրանց հայրենի երկրի ապատության համար մղվող գալիք պատերազմին:

Հայ ժողովրդի գոյատևման ժամանակաշրջանը, նրա հաղթանակները իր անկախության համար մղած դժվարին պայքարներում, միանգամայն ապացուցում են մեծ հայրենասեր քրիստոնյայի՝ Եզնիկ Կողբացու հայացքների ճշմարտացիությունը:

¹⁷ Գ. Ե. Տ., նույնը, էջ 62:

ԱՆԱՆԻԱ ՎԱՐԴԱՊԵՏ ԱՐԱԲԱԶՅԱՆ



ՀԱՅՐԵՆԱԿԱՆ ՄՇԱԿՈՒՅԹԻ ՊԱՇՏՊԱՆ ՀԱՅ ԿԱՆԱՅՔ

Ա Ձ Ի Ձ

Ապրել է 15-րդ դարի առաջին կեսում Միջագետքում, Ամիդում:

15-րդ դարի սկզբներին Ամիդը կռվախնձոր էր դարձել շրջակա մուսուլմանական իշխանությունների միջև և ձեռքից ձեռք էր անցնում, ավերվում: Տուժում էին հատկապես քրիստոնյաները, քաղաքում ապրող հայերը:

1431 թվականին մի նոր խորշակ անցավ քաղաքի վրայով: Ժամանակակից գրիչն այսպես է նկարագրում կոտորածը. «առաել ևս բարկությունն Աստուծոյ տեղեաց յԱմիդ մայրաքաղաքի և իսպառ կոտորեաց վամենեսեան առհասարակ»: Գրիչը հայտնում է, որ կոտորվել է 6000 տղամարդ, իսկ կանանց, երեխաների թիվն անհամար է:

Ահա այս 1431 թվականի մահտարածամին Կոն է գնում քաղաքի հայ ընտանիքներից մեկը: Չոփում են Վահրամ երեցը, նրա որդի Կարապետը, թոռներ Հովհաննեսը, Հիսեն, Սադաթը, եղբայրներ Աբրահամը, Մուսենը, եղբորորդիներ Հորդանանը, Վասիլը, Սարգիսը, բարեկամուհի Մարիամը:

Մահտարածամից փրկվում է միայն Վահրամ երեցի կինը՝ մահդասի Ազիլը, որ «ծեր անձամբ մնաց իբրև Կրու յաւերակի միայնացեալ՝ լալագին աջաք և խոցեալ սըրտի, անմխիթար յամենայն կողմանց, վերջացեալ ի Կաւակաց և յազգականաց»:¹⁵²

Դժբախտ մայրը հոգու մեծ վեհությամբ

կարողացել է ապրել և անգամ իր կորած գերդաստանի հիշատակը հավերժացնել: 1431 թվականին նա գրիչ Գրիգորին պատվիրում է մի ջքեղ Ավետարան ընդօրինակել: Գրիգորը կատարում է տարաբախտ կնոջ խնդրանքը: Ավետարանը բավական մեծ և սովորածավալ հատոր է, գրվել է 311 մեծադիր թերթերի վրա, երկայուն բոլորգրով: Չեռագիրը ծաղկել է Աբրահամը: Նա նկարել է 14 տերունական մանրանկար, 10 խորան, տասնյակ լուսանցապարդեր, գլխագրեր: Մանրանկարչական աշխատանքն ավարտելուց հետո Աբրահամն ինքն էլ կապվել է Ավետարանը: Կապվի Ա փեղկին ամրացված են արծաթյա յոթ խաչեր, որոնցից երկուսը ականակոտ են:

Չեռագրի 8ա էջում Աբրահամը կանգնած դիրքով նկարել է Ազիլ մահդասու վաղամեռիկ թոռներին՝ Հովհաննեսին և Հիսենին: Խիստ ուշագրավ են պատանիների հագուստներն ու գլխարկները:

Ազիլ մահդասին Ավետարանը նվիրել է Ամիդի Թորոս Կորավարի և Մարիամ Աստվածածնի եկեղեցուն և հետագա սերունդներից խնդրել է, որ ոչ մեկը չփորձի «հեռացուցանել Կսուրբ Աւետարանս ի դրանէ տրայ»:

Շուրջ մեկուկես դար անց, 1595 և 1616 թվականներին, ձեռագրի 309ա և բ էջերում ավելացվել են նոր հիշատակագրություններ:

1616 թվականին Բարսեղ վարդապետը գրել է. «Յիշատակ է Սուրբ Աւետարանս Աթխայ Սուրբ Առաքելոցն՝ Ս. Թորոսի առնելոյն ի վեր: Յիշատակ է Սուրբ Առաքելոցն և ես՝ մորցի Բարսեղ վարդապետս ի թվականին ՌԿԵ (1616) դրի Բ (2) տարուեն ամանաթ.

¹⁵² Ժե դարի հայերեն ձեռագրերի հիշատակարաններ, մասն Ա, էջ 403:

ի դասմակին կրկին դառնայ ի վանքն. բաւ է»¹⁵³:

Ազիլ մահդասու սերունդը չապրեց, չըտեսավ հաջորդ դարերը, բայց և անհետ ու անհիշատակ չմնաց պատմության ծալքերում: Այդ սերունդն ապրում ու հարատւում է, Ազիլ մահդասու: Ավետարանը սերունդներին ներկայանում է որպէս դարեր առաջ նահատակված այդ գերդաստանը:

Չեռագիրն այժմ պահվում է Երևանի Ս. Մեսրոպ Մաշտոցի անվան Մատենադարանում:

Խ Ո Ւ Թ Լ Ի Կ

Ապրել է 15-րդ դարի կեսերին Գեղարքունիքում, ամուսինն է Լիպարիտը:

1451 թվականին ամուսինները՝ Խութիկն ու Լիպարիտը, Մարտունու շրջանի Վարդենիկ գյուղում մեծ խաչքար են կանգնեցրել իրենց վաղամեռիկ որդու՝ Սևանա լըճում խեղդված Ստեփանոս քահանայի հիշատակին:

Խաչքարի քիվին, շրջանակների և ներքին հատվածում փորագրված է. «Կամօ [ք]ն Աստուծոյ, ես՝ Լիպարիտ, ամուսին իմ Խութիկ, կանգնեցաք գտորք խաչս փրկութիւն հոգոց մերոց եւ որդոյ մեր ըՍտեփանոս քահանայի, որ երիտասարդ ամօք, ուժ ընդ սկա մարմնով ի Ծովամէջն ընկղմեցօ՝ սուգ եթող անմխիթարք մինչի օրս հաւիտեան: Յիշեցէք: Թվին Ջ (1451)»:¹⁵⁴

Խաչը ագուցված է Ս. Աստվածածին եկեղեցու բեմի ճակատին:

Նույն թվականին ամուսինները ևս մեկ մեծ խաչքար են պատվիրել Ստեփանոսի հիշատակին: Երկրորդ խաչքարի արձանագրության մեջ Ստեփանոսի մահվան պատճառը չի նշված: Խաչքարի ճակատին և շրջանակներին փորագրված է. «Աստուծով ես՝ Լիպարիտս, ամուսին իմ Խութիկս, կանգնեցաք գտորք խաչս որդոյ մեր Ստեփանոս քահանո: Յիշեցէք ի Քրիստոս»: Այս խաչքարը ևս ագուցված է Ս. Աստվածածին եկեղեցու բեմի ճակատին:

Հավանաբար ամուսինները սկզբում պատրաստել են տվել երկրորդ խաչքարը, բայց մտածելով, որ դրա փորագրված արձանագրությունից պարզ չի դառնա իրենց որդու մահվան պատճառը, պատվիրել են երկրորդ խաչքարը, որտեղ արդեն հանգամանորեն նշված է վաղամեռիկ Ստեփանոս քահանայի մահվան պատճառը:

Խ Ո Ն Ծ Ա Տ

Ապրել է 15-րդ դարի կեսերին Գեղարքունիքում, ամուսինն է մելիք Թանկրիդուն, հայրը՝ մելիք Խուտայբախը:

1466 թվականին մելիք Թանկրիդուն Մարտունու շրջանի Ծովինար գյուղում, եկեղեցու հյուսիսային կողմում, մեծ և գեղաքանդակ խաչքար է կանգնեցրել Խոնծատի հոգու փրկության համար:

Խաչքարի քիվին և ստորին մասում փորագրված է. «Ես՝ մելիք Թանկրիդուս, կանկնեցի սուրբ խաչս ի փրկութիւն հոգոյ պարոն Խոնծատին, որ է ամուսին իմ եւ դուստր մելիք Խուտայբախին: Թվականիս ՋԼԵ (1466)»:¹⁵⁵

Խոնծատի խաչքարը կանգնած է նույն պատվանդանի վրա, որտեղ դեռևս 1451 թվականին իր հոգու փրկության համար խաչքար է կանգնեցրել ինքը՝ մելիք Թանկրիդուն:

Է Մ Ի Ն Խ Ա Թ Ո Ւ Ն

Ապրել է 15-րդ դարի երկրորդ կեսում, ամուսինն է Հովհաննեսը:

1471 թվականին Էմին խաթունի որդին՝ Ստեփանոս մահդասին, Հավուց Թառի եկեղեցում, մոր խնդրանքով ու միջոցներով, Ավետարան է ընդօրինակել ու ծաղկել: Ավետարանը գրված է միջին մեծության 337 թղթե թերթերի վրա, երկայուն բոլորգորով: Ավետարանիչների չորս մանրանկարներից բացի Ստեփանոսը նկարել է 10 խորաններ: Բավական հաջող են կատարված լուսանցավորերը: Ավետարանի կապմի տակ որպես պահպանակ օգտագործվել են ուղղազիծ երկաթագորով մագաղաթե երկու թերթեր:

Ստեփանոս գրչի հիշատակարանը գրված է 336ա էջում: Նա գրում է, որ ձեռագիրը գրվել է «ի վշտաշատ ժամանակի, յորում նեղեալք յանարինաց և յանիրաւ պահանջողաց, որ և ալզս մեր Հայոց տառապեալ էին և կեղեքէին»:¹⁵⁶

Չեռագրի վերջում թողած հիշատակարանում Ստեփանոս գրիչը հետագա սերունդներից խնդրում է իր մյուս մերձավորների հետ հիշել նաև որդուն՝ Հովհաննես արքեպիսկոպիտին: Նույն 1471 թվականին Ստեփանոս գրչի ընդօրինակած ու նկարազարդած մեկ այլ Ավետարանի հիշատակարանից իմացվում

¹⁵³ Հայերեն ձեռագրերի հիշատակարաններ, ԺԷ դար, հ. Ա, էջ 580:

¹⁵⁴ Դիվան հայ վիմագրության, հ. 4, էջ 156:

¹⁵⁵ Դիվան հայ վիմագրության, հ. 4, էջ 254:

¹⁵⁶ ԺԷ դարի հայերեն ձեռագրերի հիշատակարաններ, մասն Բ, էջ 314:

է, որ Հովհաննէս արեղան նույնպէս պատկերել է գրչութեամբ:¹⁵⁷

Էմին խաթունի Ավետարանը ևս կիսել է իր ժողովրդի դառն ճակատագիրը: Այն մնացել է կրակի բոցերում և վերին մասը կիսով չափ այրվել է: Դարեր անց վիրավոր Ավետարանը տարագիր հայի ձեռքով հասել է Վրաստան ու հայտնվել Վրացական ՍՍՀ կենտրոնական պատմական արխիվում և, վերջապէս, 1960-ական թվականների սկզբին վերջնականապէս հանգրվանել է Երեւանի Ս. Մեսրոպ Մաշտոցի անվան Մատենադարանում 10154 թվահամարի տակ:

Խ Ո Ն Տ Ք Ա Ր

Ապրել է 15-րդ դարի վերջերին, ամուսինն է Ղարիպշան:

Խոնտքարն ու Ղարիպշան մարմնավոր պավակ չեն ունեցել և որպէսզի մահից հետո հիշվեն, 1490 թվականին Խոնտքարը Խորոտկա վանքում գրիչ Ալեքսիանոսին պատվիրում է Ավետարան-հոգևորդի ընդօրինակել:

Գրիչը կատարում է Խոնտքարի պատվերը, կարճ ժամանակում ավարտում է Ավետարանի ընդօրինակությունը:

Ավետարանը գրված է միջին մեծության 324 թղթե թերթերի վրա, նկարազարդ է: Կապի տակ որպէս պահպանակ օգտագործվել են ուղղագիծ երկաթագործ 4 մագաղաթե թերթեր, իսկ որպէս աստառ՝ դրոշմապարդ կտավ: Կապի Ա փեղկի վրա ամրացված է խաչ:

Ձեռագրի 319բ և 320ա էջերում գրիչը շարքեր է Ավետարանի գրվելու հանգամանքները: Վերջում նա հետագա սերունդներին ուղղելով խոսքը գրել է. «աղաչեմ պամենեսեան, որք հանդիպիք տեսութեան սորա, սխալութեան և խոշորութեան գրոցս թողութիւն շնորհեցէք պանարժան գրչիս»:¹⁵⁸

Խոնտքարի Ավետարան-հոգեպալակը անցել է դարերի երկար ճանապարհ: Փոքր Ըահ Աբասի օրոք, 1647 թվականին, ձեռագիրը Սոթք գավառում նորոգվել է: Շուրջ 80 տարի անց Ավետարան-հոգեպալակը դարձել է «խաչինու երկրի տէր» Թարխան յուպբաշու սեփականությունը:

Այժմ Խոնտքարի Ավետարան-հոգեպալակը գտնվում է Երևանի Ս. Մեսրոպ Մաշտոցի անվան Մատենադարանում:

¹⁵⁷ Նույն տեղում, էջ 315: Ստեփանոս գրչի երկրորդ Ավետարանը Ս. Մաշտոցի անվան Մատենադարանում պահվում է 215 թվահամարի տակ:

¹⁵⁸ Ժե դարի հայերեն ձեռագրերի հիշատակարաններ, մասն Գ, էջ 161:

Վ Ա Ն Ա Ն

Ապրել է 15-րդ դարի վերջերին Գեղարքունիքում:

1495 թվականին Վախախի որդին՝ Ստեփանոս քահանան, ներկայիս Մարտունու շրջանի Վարդենիկ գոտի տարածքում, Իջևանավանքի գերեզմանոցում, մոր հիշատակին խաչքար է կանգնեցրել:

Խաչքարը բավականին մեծ է, անպաճույճ: Մեծ խաչի թևամիջի տարածությունում քանդակված են ավելի փոքր չափի չորս խաչեր:

Ստեփանոս քահանայի արձանագրությունը փորագրված է խաչքարի շրջանակներին: Ահա այն. «Ես՝ տէր ըՍտեփանոս կանկնեցի վխաչ ի փրկութիւն հոգոյ մար իմոյ պարոն Վախախին: Թվիս ԶԽԴ (1495)»:¹⁵⁹

Վախախի խաչքարի կողքին կանգնեցված է մեկ ուրիշ խաչքար, որի քիվին փորագրված է միայն թվականը՝ ԶԽԱ (1492): Հավանաբար այդ խաչքարը ևս վերաբերել է նույն ընտանիքին:

Խ Ա Բ Ի Պ

Ապրել է 15-րդ դարի վերջին Աղբակի Երընկանի գյուղում, ծնողներն են Ստեփանոսը և Ոսկին, ամուսինը՝ Ատունը:

1499 թվականին Խաբիպ խաթունը և Ատունը Երընկան գյուղում գրիչ Մարգարային Ավետարան են պատվիրում: Ու թեև ժամանակները դառն ու դժվարին էին և, ինչպես նշված է ձեռագրի 278ա էջում, «ապկ մարաց աւերեցին և քանդեցին ՎՅՇէաւո, ՎՍալմաստ, ՎԱխբակ, ՎԿան, և ՎՍստան, և ՎԱխթամար», գրիչ Մարգարեն կատարում է պատվերը:

Ավետարանի համար օգտագործվել է 279 թերթ թուղթ: Ձեռագիրը միջին մեծության է (18×13 սմ), գրված է երկայուն, գեղեցիկ բոլորգործ: Բացի ավետարանիչների պատկերներից ձեռագրում կան 13 տերունական մանրանկարներ և 10 խորաններ:

Ձեռագրի գրիչը հետագա սերունդներին խնդրում է առավելս հիշել Խաբիպ խաթունին, քանի որ հիմնականում նրա խնդրանքով է ընդօրինակվել Ավետարանը:¹⁶⁰

Խաբիպ խաթունի պատվիրած Ավետարանն անցել է դարերի արհավիրքների միջով ու այժմ պահվում է Երևանի Ս. Մեսրոպ Մաշտոցի անվան Մատենադարանում:

¹⁵⁹ Դիվան հայ վիմագրության, հ. 4, էջ 151:

¹⁶⁰ Ժե դարի հայերեն ձեռագրերի հիշատակարաններ, մասն Գ, էջ 278:

ՆԱՐԻՆԳՅՈՒՆ

Ապրել է 16-րդ դարի կեսերին, Գեղարքունիքում, ամուսինն է Թադևոսը:

1551 թվականին ներկայիս Մարտունու շրջանի Երանոս գյուղի սահմանում գտնվող Ղուռու խարաբա կոչվող գյուղատեղում Թադևոսի և Նարինգյուլի որդին՝ Ավանը, խաչքար է կանգնեցրել ծնողների հիշատակին:

Խաչքարը գտնվում է ավերակ եկեղեցու արևմտյան կողմում: Խաչքարի երեսին փորագրված է. «Ես՝ Աանս, կանգնեցա վիաչս ի փրկութիւն հարն իմոյ Թաթեոսին եւ մարն Նարինգիւլին: Թվին Ռ (1551)»:¹⁶¹

ՔԱՐԱՄ ԽԱԹՈՒՆ

Ապրել է 16-րդ դարի կեսերին Գեղարքունիքում:

1555 թվականին Մարտունու շրջանի Գեղահովիտ գյուղում, եկեղեցու մոտ գտնվող գերեզմանատան եզրին, ոչ մեծ խաչքար է կանգնեցվել Քարամ խաթունի հիշատակին: Խաչքարի ճակատին փորագրված է. «Սուրբ խաչս բարեխաւս Քարամ խաթունին: Թվին Ռ-Դ (1555)»:¹⁶²

ԽԱԹՈՒՆ

Ապրել է 16-րդ դարի կեսերին Գեղարքունի գավառում:

1557 թվականին Խաթունը Վարդենիսի շրջանի Դաջքենդ գյուղի Սուրբ Աստվածածին եկեղեցու բակում կանգնեցրել է միջին մեծության քանդակազարդ խաչքար:

Խաչքարի ճակատին և շրջանակներին փորագրված է. «Ես՝ Խաթունս, կանգնեցի խաչս բարեխաւս առ Աստուած Ղարայգյուղի: Թվին Ռ-Զ (1557)»:¹⁶³

Դժվար է ասել, թե արձանագրության մեջ հիշատակված Ղարայգյուղը ինչ կապ ունի Խաթունի հետ՝ հա՞յրն է, ամուսի՞նը, եղբա՞յրը, թե՞ որդին:

ԽԱՆԲԵԿ

Ապրել է 16-րդ դարի վերջին և 17-րդ դարի սկզբներին Գեղարքունիքում:

Խանբեկի որդին է Մարտունու շրջանի Չորագյուղ (ինում՝ Շողգա կամ Շաղուագա) գյուղի արևելյան եզրին գտնվող Մասրուց անապատի առաջնորդ Դավիթ եպիսկոպոսը: 1611 թվականին Դավիթ եպիսկոպոսը նորոգել է Մասրուց անապատը և այդ մասին

արձանագրություն է փորագրել եկեղեցու զմբեթի, ինչպես նաև արևելյան պատի վրա: Նույն արձանագրությունը փորագրվել է նաև նույն թվականին պատրաստված մեծ ու գեղաքանդակ խաչքարի վրա:

Դավիթ եպիսկոպոսը մի խաչքար էլ պատվիրել է մոր հիշատակին: Խաչքարը փոքր է, բայց արտակարգ զարդանախշված: Խաչքարի քիվին փորագրված է. «Ես՝ Դավիթ եպիսկոպոս [կանգնեցի] խաչս մառ իմ Խանբեկին»:¹⁶⁴

Ականավոր վիմագրագետ Սեդրակ Բարխուդյանը գտնում է, որ Խանբեկի խաչքարը ևս պատրաստվել է 17-րդ դարի 10-ական թվականներին:

ԱՃԵՓԽԱՆ

Ապրել է 17-րդ դարի առաջին կեսում հավանաբար Էջմիածնում, ամուսինն է Աստվածատուրը:

Փիլիպոս կաթողիկոսի գահակալության տարիներին, 1632—1655 թվականների միջև, Աճեփխանի միջոցներով մի արտակարգ գեղեցիկ ու շքեղ ուրար է պատրաստվել ու նվիրվել կաթողիկոսին:

Ուրարը պատրաստված է կարմիր մետաքսից: Ուրարի ամբողջ երկարությամբ, վերից վար, երկու շարքով, գործված են ութ մարդկային պատկերներ, որոնց գլխի լուսապսակները և կամարները մարգարտաջար են:

Աճեփխանի արձանագրության առաջին տողը ուրարի վերին մասում է, երկրորդը՝ ներքևում: Արձանագրությունը սկսվում է ներքևից. «Յիշատակ է ուրարս Աճեփխանին եւ ծնողացն Փերիխանին, կենակցին Աստուածատրին եւ որդոյն Էրեմիային. ի վայելմն Փիլիպոս կաթողիկոսին»:¹⁶⁵

Աճեփխանի պատվիրած ուրարն այժմ պահվում է Հայաստանի պատմության պետական թանգարանում:

ԽԱՍՄԵԼԻՔ

Ապրել է 17-րդ դարի առաջին կեսում Գեղարքունիքում:

1652 թվականին Խասմելիքի որդին՝ Սարուխանը, Մարտունու շրջանի Գեղահովիտ գյուղում, գերեզմանատան հարավային մասում, մեծ և գեղաքանդակ խաչքար է կանգնեցրել մոր հիշատակին:

Խաչքարի ճակատին և ներքևի մասում

¹⁶¹ Դիվան հայ վիմագրության, հ. 4, էջ 115:

¹⁶² Դիվան հայ վիմագրության, հ. 4, էջ 217:

¹⁶³ Դիվան հայ վիմագրության, հ. 4, էջ 320:

¹⁶⁴ Դիվան հայ վիմագրության, հ. 4, էջ 250:

¹⁶⁵ Հայերեն արձանագրությամբ առարկաներ, էջ 92:

փորագրված է. «Ես՝ Սարուխանս, կանկնեցի խաչս բարեխառս մօրն իմոյ Խասմելիքին: Թվին ՌՃԱ (1652)»:¹⁶⁶

ՄԱՐԻԱՄ

Ապրել է 17-րդ դարի երկրորդ կեսում Նոր Նախիջևանում, ամուսինն է քահանա Սարգիսը:

1699 թվականին Մարիամը մահացել է և նրա հիշատակին սպիտակ մարմարից խաչքար է պատրաստվել:

Խաչքարի վրա փորագրված է. «Բարեխօս է Սուրբ նշանս տեր Սարգսին կողագրցին Մարիամին եւ երից զառակաց հոգոյն: Թվին ՌՃՆԸ (1699)»:¹⁶⁷

Դարեր անց հայ ժողովրդի այս փոքրիկ վկան հայրենադարձվել է մայր երկիր և առհավետ հաստատվել Հայաստանի պատմության պետական թանգարանում:

ԽՈՐԻՇԱՆ

Ապրել է 18-րդ դարի կեսերին: Ձբաղվել է ձեռագործով, իրեն անվանել նկարիչ: Նրա ստեղծագործություններից մեկը՝ արտակարգ գեղեցիկ եկեղեցական խույրը, պահպանվել ու հասել է մեր օրերը:

Խույրը պատրաստված է կարմիր մետաքսից, գործված է կլապիտոնով ու ոսկեթելով, ընդելույված է կարմիր, կանաչ, կապույտ քարերով ու մարգարիտներով: Խույրի մի կողմում պատկերված է սուրբ կույսի Ավետման, մյուս կողմում՝ Խաչելության տեսարանները: Խույրը պատրաստվել է Հակոբ վարդապետի համար:

Խորիշան-նկարողի արձանագրությունը գործված է խույրի երեսին. «Ի վաելումն Յակոբ վարդապետին: Նկարող Խորիշանին: Թվին ՌՄԴ (1755)»:¹⁶⁸

Խորիշան նկարողի արձանագրությունը խույրն այժմ պահվում է Հայաստանի պետական թանգարանում:

ԹԱԳՈՒՀԻ

Ապրել է 19-րդ դարի սկզբներին:

1819 թվականին Թագուհին և իր դուստրը՝ Մարիամը, ուրար են պատվիրել և նվիրել Էջմիածնի միաբան Թովմաս վարդապետին:

Ուրարը պատրաստված է կարմիր մե-

տաքսից, վրան ոսկեթելով գործված են հըրեշտականների գլուխներ: Շրջանակը խաչաձև վարդերով է ձևավորված:

Թագուհի Առաքելյանի արձանագրությունը գործված է ուրարի ներքևի մասում. «Ուրարս ի վաելումն սրբոյ Էջմիածնի միաբան սրբապան Թովմաս վարդապետին: 1819: Առաքելան Թագուհի, աղախինս Աստուծոյ եւ փոքրիկ օրիորդն իմ Մարիամըն ընծաեցաք»:¹⁶⁹

Թագուհի Առաքելյանի պատվիրած ուրարը սկզբնապես գտնվել է Էջմիածնի Մայր տաճարի թանգարանում: Այժմ պահվում է Հայաստանի պատմության պետական թանգարանում:

ՌՈՒՍՈՒԴԱՆ

Ապրել է 12-րդ դարի երկրորդ կեսում, հայրն է Լոռու Կյուրիկե Բ (1145—1185) թագավորը, ամուսինը՝ վրացի իշխան, վրացական պոքի ամիրսպասալար Իվանե Օրբելյանը:

Իվանեն Վրաստանի ամենանշանավոր իշխանական տոհմերից մեկի՝ Օրբելյանների ընտանիքից էր, Սմբատի որդին: Հետաքրքրական է, որ այս տոհմի ավանդապուրոցը ևս, ինչպես մեր Մամիկոնյաններին, Օրբելյաններին համարում է ձենաստանից փախած ձենբակուր թագավորի ազգական, ձենացի: Քննելով այս աղբյուրը, պատմաբան Նիկողայոս Ադոնցը կարծիք է հայտնել, որ Մամիկոնյան և Օրբելյան տոհմերի նախնիները ազգակից են:¹⁷⁰

12-րդ դարի սկզբներից սկսած Օրբելյանները խնամիական կապերի մեջ են մտնում Լոռու Բագրատունի թագավորների հետ, անգամ ժառանգում են նրանց տոհմական Սմբատ անունը: Բագրատունիների հետ հաստատած խնամիական կապերի շնորհիվ Օրբելյանները 12-րդ դարի երկրորդ կեսում սեփականում են Կյուրիկյան թագավորներին պատկանած հողերը:

Իվանե ամիրսպասալարի և Ռուսուդանի ամուսնությունը տեղի է ունեցել 12-րդ դարի 40-ական թվականներին, քանի որ դարի 70-ական թվականներին նրանք հասուն աղջիկ ունեին և ամուսնացրել էին Դավիթ Գ թագավորի փոքր որդու՝ Դեմետրեի հետ:

1174 թվականին վրացական պոքերը շարժվեցին Հայաստան և գրավեցին Անի քաղաքը: Այն հանձնվեց Իվանե Օրբելյանին,

¹⁶⁶ Դիվան հայ վիմագրության, հ. 4, էջ 220:

¹⁶⁷ Հայերեն արձանագրությամբ առարկաներ, էջ 56:

¹⁶⁸ Հայերեն արձանագրությամբ առարկաներ, էջ 101:

¹⁶⁹ Հայերեն արձանագրությամբ առարկաներ, էջ 117:

¹⁷⁰ Н. Адонц, Армения в эпоху Юстиниана, Ереван, 1971, էջ 404.

որը նկատի ունենալով բարեկամությունը Բագրատունիների հետ իրեն համարում է Լոռու, Շիրակի հողերի ժառանգորդը:

Ռուստուպանը և Իվանեն իրենց ստացած հողերում Լոռիում և Շիրակում, շինարարական մեծ ծավալի աշխատանքներ են կատարում, կառուցում են նոր եկեղեցիներ, նորոգում են հինները, մեծամեծ նվերներ տալիս եկեղեցիներին: Ամուսինների ժամանակակից գրչագիր մատյաններից մեկի հիշատակարանում ասվում է. «քանզի ամենայն տեղի որ ի նախնեացն սորա (Ռուստուպանի—Վ. Պ.) շինեալ էին և նուազեալ յետոյ, ի սորա ատուրս պայծառանային և նորոգեին վերստին. եթէ ի մերում գաւառիս (Չորագետում—Վ. Պ.) և եթէ ի գաւառն Անոյ սեփական քաղաքին իւրեանց, և ի նոյն իսկ յԱնի, և եթէ ի գաւառն Դընայ: Քանզի յամենայն տեղի իշխանություն և երկիւղն մեծի սպասալարին Իանէի՝ առն սորա հասանէր և սա ջանայր զի վիր նախնեացն շինեալ եկեղեցիսն պայծառացուցէ»:¹⁷¹

Հիշատակարանից պարզ երևում է, որ Ռուստուպանը, ստանալով հայրական հողերի մի մասը և Անին, շինարարական աշխատանքներ է կատարել, ծավալել մշակութայնապատ գործունեություն:

1177—1178 թվականներին Վրաստանում տեղի ունեցավ զահակալական մեծ խռովություն: Դավիթ Գ թագավորի մահից հետո զահը նրա որդու՝ Դեմետրեի՝ Իվանե Օրբելյանի փեսայի փոխարեն տիրել էր եղբայրը՝ Գեորգի Գ-ն: Երբ Դեմետրեն հասավ չափահասության, վրաց մեծ իշխանները Իվանե Օրբելյանի գլխավորությամբ խռովություն բարձրացրին՝ կամենալով թագավոր դարձնել Դեմետրեին: Ապստամբության ընթացքում Իվանե Օրբելյանին հարած իշխաններից Սարգիս Չաքարյանը, Գրիգոր Ապիրատյանը խոհեմաբար հեռացան Իվանեից և միացան Գեորգի Գ-ին: Ապստամբները հյուծվեցին, թուլացան և, ի վերջո, պարտվեցին ու հանձնվեցին Գեորգի Գ-ի ողորմածությանը:

Այս խռովության պատճառով, Գեորգի Գ-ի հրամանով, Դեմետրեին և Իվանե Օրբելյանին կուրացրեցին, Օրբելյաններից ետ վերցրեցին նրանց ստացած տիրույթներն ու հարստությունները: Օրբելյանների տոհմը գլխովին ոչնչացվեց:¹⁷² Այդ պատժից փրկվեցին միայն Իվանեի եղբայր Լիպարիտը և իր որդիներ Ելիկումն ու Իվանեն:

Հավանաբար այդ կոտորածին զոհ է դարձել նաև Ռուստուպան իշխանուհին:

ԽՈՐԻՇԱԿ

Սարգիս ամիրսպասալարի դուստրն է, Չաքարե և Իվանե Չաքարյանների քույրը: Ամուսինն է Խաչենի Վախտանգ-Տանգիլ իշխանը:

Խորիշահը և Վախտանգը ամուսնացել են 12-րդ դարի վերջին, քանի որ 1202 թվականին նրանք արդեն մահացած զավակ ունենին, որի գերեզմանին կանգնեցված խաչքարի վրա փորագրված է. «Ես՝ Վախտանգ, որդի Հասանա կանգնեցի վխաչս ի տապանի որդո իմոյ: Աղաթս յիշեցէք: Թվին ՌՄԱ (1202)»:¹⁷³

Դարասկզբին Վախտանգը և Խորիշահը պատվիրել են մի շքեղ Ավետարան, որը հետագայում դարձել է խոխինաբերդցիների տոհմական սեփականությունը: Պատմաբան Բագրատ Ուլուբաբյանը պարզել է, որ ձեռագիրը ընդօրինակվել է 1212 թվականին ի պատիվ Խորիշահի իշխանուհու կառուցած Մեծառանից եկեղեցու: Ավետարանը գրել և ծաղկել է Թորոսը: Ձեռագրի համար օգտագործվել է 311 մագաղաթյա թերթ (որոշ թերթեր պակասում են): Գրված է երկայուն բոլորագիծ երկաթագրով: Կիսախորաններից ու լուսանցավարդերից բացի Թորոսը նկարել է տերունական մեկ պատկեր և տասը խորան: Այս հրաշագեղ Ավետարանն այժմ պահվում է Երևանի Սուրբ Մեսրոպ Մաշտոցի անվան Մատենադարանում:

Ձեռագրի 208ա էջի հիշատակարանում կարդում ենք. «Հրամանաւ և ծախիւք բարեսէր ու աստուածաճաճոյ առն Վախտանգա՝ որդւոյ Հասանա՝ որդւոյ Վախտանգա և քրիստոսասէր ամուսնոյ նորա Խորիշահի՝ դուստր մեծ սպարապետին Սարգսի: Արդ ես Վախտանգ և լծակից իմ Խորիշահ... ծնաք երիս ուստերս և երիս դստերս ժառանկ մարմնատր և յիշատակ հոգևոր: Այս առաւել նախանձախնդիր եղեալ՝ բազում փափագանաւք և յաւժարութեամբ սրտիս մերոց շինեցաք վեկեղեցին և երևելի սպասիւք պարդարեալ ներքոյ և արտաքոյ և հաստահեղուն հարինուածովք»:¹⁷⁴ Ավետարանի 9բ թերթի կապույտ ֆոնի վրա ոսկյա խոշոր տառերով գրված է. «Քրիստոս Աստուած, յորժամ գաս հայրական փառաք, վխորիշահ եւ Վախտանգ ընդ սուրբս քո դասեա, ամեն»:

Մեծառանից եկեղեցու կառուցման պատիվն ամբողջովին պատկանում է Խորիշահի իշխանուհուն: Եկեղեցու որմին Խորիշահը փորագրել է տվել. «... վերստին շինեցի վե-

¹⁷¹ Հ. Ղ. Ալիշան, Հայապատում, էջ 382:

¹⁷² Ստեփանոս Օրբելյան, գլ. ԿԵ, էջ 284—286:

¹⁷³ Բ. Ուլուբաբյան, Խաչենի իշխանությունը, էջ 141:

¹⁷⁴ Գաբրիել կաթողիկոս Յովսեփեան, Յիշատակարանք ձեռագրաց, Կ. Ա, Անթիլիաս, 1951, էջ 761:

կեղեցին Մեծառանից և փրկություն հոգոց իմոյ, ի բարեխառն պատկազ իմոց... պժախտանգ եւ պիս յաղաթս յիշեցէք»¹⁷⁵

Եկեղեցու կառուցումից երկու տարի անց, 1214 թվականին, Վախտանգ իշխանը մահանում է։ Իշխանությունը անցնում է Վախտանգ իշխանի ավագ որդուն՝ Հասան-Ջալալին։ Մայրը գործակցում է որդուն։ Նա ամուսնացնում է որդիներին՝ Հասան-Ջալալին, Ջաքարեին և Իվանեին։ 1216 թվականից Խորիշահը մասնակցում է Հասան-Ջալալի սկսած Գանձասարի վանքի կառուցմանը։ Երբ շինարարներն արդեն հասել էին արևելյան պատուհանին, Խորիշահը երրորդ անգամ ձգնելու է գնում Երուսաղեմ։ Պատմիչ Կիրակոս Գանձակեցին գրում է. «և Կամս բալունս անդ կացեալ մեծաւ ձգնութեամբ՝ վարմացուցանէր Կամենայն գոյս իւր՝ Վոր ունէր, յաղքատս և ի կարօտեալս՝ նման Հեղինէի, կնոջն Աբգարու, և ինքն ձեռագործաւ իւրով կերակրէր»¹⁷⁶։ Պատմիչը հաղորդում է, որ Երուսաղեմում էլ Խորիշահը մահացել ու թաղվել է։

Խորիշահ իշխանուհու մահը տեղի է ունեցել մինչև 1240 թվականը։ Գանձասարի եկեղեցու 1240 թվականի շինարարական մեծ արձանագրության մեջ Հասան-Ջալալը հայտնում է մոր մահը. «Եւ ի խիել լուսամտին արեւելից մայրն իմ կրանաւորեալ չոգաւ յԵրուսաղեմ երրորդ անգամ եւ անդէն ի դրան Հարութեան խարապնապգեաց ձգնութեամբ, բալմամեալ ժուժկալութեամբ հանգեաւ ի Քրիստոս լուսո վկայութեամբ եւ անդէն պահեցաւ»¹⁷⁷։

ԱՎԱԳ ՏԻԿԻՆ

Գորկանի դուստր Ավագ Տիկինը 1207 թվականին միաբանել է Արքուառիճի (Ալաջա) եկեղեցուն և ծնողներից ստացած օժիտ ձիթհանը նվիրել է եկեղեցուն։

Ավագ Տիկինը եկեղեցու պատին փորագրել է տվել. «Ողորմութեամբն Աստուծոյ, ես՝ Աւագ Տիկին, դուստր Գորկան, միաբանեցաւ սուրբ ուխտիս և Կիմ հայրենի կես ակն ձիթհանքն, որ ի յիմ ծնողացն ի պսակի ներքն ինձ բաժինք էր հասել՝ ետու ի սուրբ Աստուածածինս»¹⁷⁸։

ՄԼԸՔՍԹ

13-րդ դարի վերջին Մլըքսթը և իր ամուսինը՝ Ղազարի որդի Ալեքսը միաբանում են

¹⁷⁵ Մակար եպիսկոպոս Բարխուտարյանց, Արցախ, Բաքու, 1895, էջ 171: «Բանասեր», 1901, էջ 142:

¹⁷⁶ Կիրակոս Գանձակեցի, էջ 268:

¹⁷⁷ Բ. Ուրբարյան, Գանձասար, էջ 88:

¹⁷⁸ Վ. Ղ. Ալիջան, Շիրակ, էջ 122:

Հռոմոսի վանքին և նվիրում են իրենց գրեթե կողպակը (կրպակը), որ գտնվել է Անիում «ի Ծռապուկակին»¹⁷⁹։

Մլըքսթի ամուսինը՝ Ալեքը, 13-րդ դարում հայ իրականության մեջ հանդես եկած առևտրա-վաճառական դասի ներկայացուցիչներից էր։ Նա 1271 թվականին նվերներ է տվել նաև Բագնայրի վանքին։ Եկեղեցու պատին փորագրված է. «Զի (1271)։ Ընտրիլի Աստուծոյ, ես՝ Ալեքս, վաճառական, որդի Ղազարայ միաբանեցայ սուրբ Աստուածածնին, ետու նուէր ի Բազըվիդոցին կողպակ մի»¹⁸⁰։ Թեև արձանագրության մեջ չի հիշատակված Մլըքսթի անունը, բայց ամենայն հավանականությամբ նա ևս մասնակցել է Բագնայրի վանքին նվերներ տալուն։

ԱՐԵՎԻԿ

Այրել է 13-րդ դարի երկրորդ կեսում Նախիջևանի գավառի Նորս գյուղում։

1274 թվականին Արևիկը խաչքար է կանգնեցրել Խնկիկի հիշատակին։ Խաչքարի վրա արձանագրված է. «Թվին ՉԻԳ (1274)։ Ես՝ Արևիկ, կանգնեցի Կուրբ խաչս վասն հոգւոյ Խնկիկին»¹⁸¹։

ՄԱՍՔԱՍ

1280 թվականին՝ Մասքասը՝ Ասղախի դուստրը, ծնողներից որպես օժիտ ստացած գյուղը նվիրել է Հռոմոսի վանքին։

Եկեղեցու որմին Մասքասի անունից փորագրված է. «ԶԻԹ (1280)։ Ես՝ Մասքաս, դուստր Ասղախի և թոռն Տիգրանայ, ետու Կիմ հայրենի բաժինք գեղն Կձոխքագոմ ի սուրբ Յովաննէս»¹⁸²։

ՏԻԿԻՆ ԱՅՏԻԿԻՆ

1321 թվականին Արջուկի ամուսին Տիկնացոյիկինը 300 արծաթով այգի է գնել ու նվիրել Աշտարակի Մարինե եկեղեցուն։

Եկեղեցու պատին փորագրված է. «Ի թվին ՉԿ (1321)։ Կամաւ ամենակալին Աստուծոյ, ես՝ Տիկնացոյիկին, ամուսին Արջուկին, միաբանեցաւ սուրբ Մարիանէիս և ետու ԿՓարասանց այգոյն կէսն, ի ՅԳՃ (300) սպիտակի գնեցի և տվի»¹⁸³։

¹⁷⁹ Վիմական տարեգիր, էջ 110:

¹⁸⁰ Կ. Վ. Բառնաշեան, Հայերեն արձանագրությունք Անիո, Բագնայրի և Մարմաշիմո, Պարիս, 1931, էջ 179:

¹⁸¹ Վ. Ղ. Ալիջան, Սիսական, էջ 485:

¹⁸² Ն. վարդ. Սարգիսեան, Տեղագրութիւնք ի Փոքր և ի Մեծն Հայաստանի, Վենետիկ, 1864, էջ 158:

¹⁸³ Վ. Ղ. Ալիջան, Այրարատ, էջ 186:

ԽԱԹՈՒՆ

Ապրել է Խիպանում: 1336 թվականին օգնել է Հովհաննես գրչին Մարկոս Հայրապետի համար Ավետարան ընդօրինակելու: Խաթունն է աշխատանքի ընթացքում կերակրել Հովհաննես գրչին և հորդորել ավարտելու սկսած ձեռագիրը: Իր հիշատակարանում գրչիչը Խաթունին սիրով անվանել է «պառա-իկ» և սերունդներից խնդրել հիշել «և պառա-իկն մեր վխաթուն, որ յոյժ աշխատեալ և մնուցեալ էր զմեզ և յորդորիչ է գրելս»:¹⁸⁴

ՓԱՇԱՅ

Ապրել է 15-րդ դարի կեսերին Վանում, ամուսինն է տանուտեր Ատոմը:

1440-ական թվականներին Փաշայ տիկնոջ որդին՝ Ջանիբեկը, Խիպանում անօրենների ձեռքով սպանվել է: Հայրը շատ է փնտրել որդուն, բայց չի գտել ոչ կենդանի և ոչ մեռած ու «ի կսկծանաց որդւոյն իւրոյ խասարա-թամահ եղև»:

Վաղամեռիկ որդու և ամուսնու հիշատակը հավերժացնելու համար Փաշայ տիկինը գրիչ Կարապետ երեցին պատվիրում է Ավետարան ընդօրինակել: 1451 թվականին Կարապետ գրիչն ավարտում է Ավետարանի ընդօրինակությունը: Ավետարանը գրված է 266 մեծադիր թերթերի վրա (31×21 սմ) երկայուն բոլորգրով: Ձեռագիրը նկարազարդ է: Կարապետ գրիչը չորս ավետարանիչների նկարներից բացի Ավետարանի սկզբում պետեղել է տասը տերունական նկարներ և նույնքան կիսախորան: Ինքնատիպ ու հետաքրքրական են կիսախորաններն ու լուսանցազարդերը:

Ձեռագրի 265ա էջում Կարապետ երեցը դիմելով Ավետարանից օգտվողներին գրել է. «Աղաչեմք պամենեսեան, որք ընթեռնութ կամ ընդարինակեք զսուրբ Աւետարանս յիշեսիք ի մաքրափայլ յաղաթս ձեր զստացող սուրբ Աւետարանիս զբարեպաշտ կինն զՓաշայն»:¹⁸⁵

Հիշատակարանից իմացվում է, որ Ավետարանի թուղթը բերել է Փաշայ տիկնոջ եղբայրը՝ խոջա Ֆառուխըն, գրելուն օգնել են Փաշայ տիկնոջ դուստրը՝ Շարա խաթունը, և փեսան՝ տանուտեր Կարապետը:

Կարապետ գրիչը սրտի ցավով է ընդօրինակել Ավետարանը: Նա լիովին հասկացել է Փաշայ տիկնոջ՝ երիտասարդ որդի կորցրած մոր ցավը, քանի որ ինքն էլ կորցրել էր երիտասարդ որդուն՝ Աբդլմսեխին, որի կինը՝ «զտառապեալ» Խապիպ խաթունն է Ավետարանի թուղթը կոկել:

Դարուկես անց՝ 17-րդ դարի սկզբներին, անօրենները գերի են տանում Փաշայ տիկնոջ Ավետարանը: 1606 թվականին ձեռագիրը անօրեններից ապստում-փրկագնում է ռես Թաբառըքը և Ավետարանի 14ա էջում իր անունից գրում է. «Ես՝ ըռես Թաբառըքս ապստեցի զսուրբ Աւետարանս ի ձեռաց անօրինաց՝ յիշատակ հոգոյ իմոյ և ծնողաց իմոց Աւետիսին, Գուլբահարին, Դարմանին, Գրիգորին, Ասլանին, Պուտախին, Մելքսեթին, Մկրտչին և ամենայն ազգականաց նոցին»:¹⁸⁶ Գիտակցելով իր կատարածի արժեքը Թաբառըքը ավելացրել է. «Լաւ բան արար Թաբառիք, որ զանցաւորս ետուր և զանանցն անց ի Քրիստոսէ»:

Փաշայ տիկնոջ Ավետարանը ևս երկու դար շրջել է Հայաստան աշխարհը: 1915—1916 թվականներին Վասպուրական աշխարհի շուրջ 1500 ձեռագրերի հետ այն, վերջապես, փոխադրվել է Էջմիածին և մտել գրապահ Գալրիկ Ներսիսյանի կազմած «Գալրիկյան» ցուցակի մեջ: Այժմ Փաշայ տիկնոջ Ավետարանն առհավետ հանգրվանել է Երևանի Սուրբ Մեսրոպ Մաշտոցի անվան Մատենադարանում՝ 4893 թվահամարի տակ:

ՀԱՆՎԱՅ ԽԱԹՈՒՆ

Ապրել է 15-րդ դարի կեսերին Խլաթում, մայրն է Խաթուն Մելիքը, ամուսինը՝ տանուտեր Հովհաննեսը:

1443 թվականին Հավլայ Խաթունն ու Հովհաննեսը Խլաթի ԺԱ (11) խորանաց Սուրբ Գևորգ եկեղեցու քահանա, գրիչ և մանրանկարիչ Աստվածատուրին պատվիրում են իրենց և մերձավորների հիշատակին Ավետարան ընդօրինակել:

Աստվածատուրը կատարել է պատվերը: Ավետարանի համար օգտագործվել է 301 թղթե թերթ: Տեքստը գրված է երկայուն բոլորգրով: Ձեռագիրը մանրանկարված է: Աստվածատուրը նկարել է 14 տերունական նկար, 10 խորան, ինչպես նաև չորս ավետարանիչների նկարները և նույնքան կիսախորան: Ձեռագրի համար որպես պահպանակ օգտագործված են մագաղաթյա չորս թերթեր և մեկ թղթե թերթ, որոնք ավելի հին ձեռագրերի պատառիկներ են: Կազմի Ա փեղկին ամրացված են ականակոտ խաչեր:

Ավետարանի 18բ էջում Աստվածատուրը աշխարհիկ թեմայով ուշագրավ նկար է արել: Չախ կողմում, աթոռի վրա, նստած է քահանայի հագուստով մի մարդ, նրա աջ ձեռքում կա տախտակ, որի վրա գրված է. «Երանեալ է այր, որ ոչ գնա ի խորհուրդս ամբարըջ-

¹⁸⁴ ԺԴ դարի հիշատակարաններ, էջ 290:

¹⁸⁵ ԺԵ դարի հիշատակարաններ, մասն Բ, էջ 5—6:

¹⁸⁶ Հայերեն ձեռագրերի հիշատակարաններ, ԺԵ դար, հ. Ա, էջ 204:

տաց», իսկ ձախ ձեռքում՝ հարվածելու պատրաստ ձիպոտ: Քահանայի դիմաց կանգնած է դաս պատասխանող աշակերտ՝ ձեռքերը խաչաձև ծալած կրծքին: Պատկերի աջ անկյունում ծալապատիկ նստած է մի այլ աշակերտ, որի ձախ ձեռքում նկարված է երեք թարմ ձիպոտ, որով ուսուցիչը «խելքի է բերել» աշակերտներին: Այս նկարն իր բոլոր մանրամասնություններով կրկնում է Սուրբ Մեսրոպ Մաշտոցի անվան Մատենադարանում պահվող Ցպնայի վանքում 1419 թվականին ընդօրինակված ձեռագրի 14-րդ էջի նկարը: Հավանաբար Աստվածատուրը ձեռքի տակ է ունեցել Ցպնայի ձեռագիրը կամ ծանոթ է եղել այդ պատկերին:

Ձեռագրի 298-րդ էջի իր հիշատակարանում Աստվածատուր գրիչը հայտնում է, որ Ավետարանի պատվիրատու Հավայ խաթունը մահացել է և իր աչքով չի տեսել Ավետարանն ամբողջական վիճակում: Չնայած դրան ձեռագրի 199-րդ էջում ձեռագրի պատվիրատու ամուսինները՝ Հավայ խաթունը և Հովհաննեսը, հիշված են միասին որպես ձեռագրի ստացողներ: Հավանաբար Հավայ խաթունն այնքան շատ է ցանկացել տեսնել Ավետարանը, որ ամուսինը՝ Հովհաննեսը, մահացած կնոջ անունը նույնպես գրել է իր անվան հետ և երկուսի անունից Ավետարանը նվիրել խաթի ԺԱ (11) խորանի և Սուրբ Գևորգ եկեղեցուն: Ահա Հովհաննեսի հիշատակարանը. «Ես՝ Յոհաննես և Հավայ խաթուն տղիքս Կոստյե Ավետարանս խաթայ սուրբ եկեղեցեացն՝ ԺԱ (11) խորանին և սուրբ Գևորգ պարավարին, որ կենայ ի ձեռքն Աստուածատուր քահանային և Յովհաննեսին»:¹⁸⁷

Հավայ խաթունի Ավետարանն այժմ գտնվում է Երևանի Սուրբ Մեսրոպ Մաշտոցի անվան Մատենադարանում:

Խ Ա Թ Ո Ւ Ն Մ Ե Լ Ի Ք

Ապրել է 15-րդ դարի կեսերին, ամուսինն է Ստեփանոսը:

Խաթունմելիքի և Ստեփանոսի որդին՝ Չաքարիան, ընտանեկան հարկի տակ լավ կրթություն է ստացել, սովորել է ժամանակի նշանավոր ուսումնական կենտրոններում և ավիրվել է հոգևոր ծառայության: Դարի կեսերին նա ընտրվել է Աղթամարի կաթողիկոս Չաքարիա Գ անունով:

1444 թվականին Չաքարիա Գ կաթողիկոսը մոր՝ Խաթունմելիքի հիշատակին Աղթամա-

րում գեղեցիկ, վարդաքանդակ խաչքար է կանգնեցրել:¹⁸⁸

Ս Ա Լ Չ Ո Ւ Կ Խ Ա Թ Ո Ւ Ն

1466 թվականին Սալչուկ խաթունը գրիչ Հերապետ քահանայից գնում է նրա ընդօրինակած Մաշտոցը:

Ձեռագրի հիշատակարանում Հերապետը գրել է. «Յիշեցեք զստացող գրոցս զբարեպաշտ և զերկիտյաժ կինն Սալչուկ խաթունն ի բարի արմատոյն շառաւել...»:

Գրիչը հայտնում է, որ Սալչուկ խաթունը ձեռագիրը ստացել է ի հիշատակ իր ծնողների, պապի, տատի, քրոջ, ամուսնու՝ Չանիբեկի, Վավակների՝ Գորգի, Մուսեի, Շաւշատի, Մկրտիչի, Բուսեի, Նուբարի, Աղուի և իր արյունակից մերձավորների:

Գրիչը միաժամանակ նշում է. «Կրկին յիշեցեք ի Քրիստոս զՍալչուկ խաթունն, որ կանգնաւ եկեղեցոյ գլխոյն շինելոյ, ձԾ (150) թանկայ ութին ու քարին ետուր, ու նոր նորոգեցին»:¹⁸⁹ Ցավոք գրչի Հերապետը չի նշել գրչության վայրը և այն եկեղեցու անունը, որի նորոգման համար Սալչուկ խաթունը 150 թանկա է ընծայել:

Սալչուկ խաթունի Մաշտոցը 19-րդ դարի վերջին տեսել ու հիշատակարանն արտագրել է Գարեգին եպիսկոպոս Սրվանձույանը:

Ա Տ Ի Ս

Ապրել է 16-րդ դարի կեսերին ներկայիս Վարդենիսի շրջանի նախկին Ղամշլու գյուղում, ամուսինն է Ավաքը:

Ատիսը երեք տասնամյակ եղել է գյուղի առաջնորդը: Այդ է վկայում գյուղի գերեզմանատան կենտրոնում գտնվող մեծ, գեղաքանդակ խաչքարի արձանագրությունը. «Խաչս բարեխաւս Ատիսին, որ է մայր Մելքոնին եւ առաջնորդ գեղոյս»: Խաչքարի պատվանդանը մեծ է և երկու խաչքարի տեղ ունի, սակայն հարավայինը տեղում չէ: Ատիսի խաչքարի արձանագրությունն էլ ավարտված չէ և հավանաբար շարունակվել է կից խաչքարին:

Ատիսի խաչքարի դիմաց գտնվում է տափակ տապանաքարը, որի վրա երկու տողով փորագրված է. «Այս է հանգիստ Ատիսին, որ Լ (30) տարի առաջնորդ է կացեալ գեղոյս»:

Մոր տապանաքարին կից է նաև որդու՝

¹⁸⁸ Հ. Ն. Ալիևան, Գաւապնագիրք կաթողիկոսաց Աղթամարայ, Վիեննա, 1920, էջ 86, 108:

¹⁸⁹ Ժե դարի հիշատակարաններ, մասն Բ, էջ 254:


¹⁸⁷ Ժե դարի հիշատակարաններ, մասն Ա, էջ 555:


Մելքոնի տապանաքարը: Այն մեծ է, օրորոցաձև՝ ագուցված պատվանդասի մեջ: Տապանաքարի հյուսիսային կողին հետաքրքիր տեսարան է քանդակված: Մի կողմում պատկերված է թամբած ձի, որի սանձից մի մարդ բռնել է: Նրանցից քիչ հեռու մի կին նստած վիճակում նվագում է երկարանի սալ: Մարդկանց առաջ դրված են կերակրի պնակ, գինու գավ և հաց: Տապանաքարի հարավային կողին, խորանների մեջ, պատկերված են գե-

ղաքանդակ խաչեր: Արևմտյան ճակատներին փորագրված է. «ԹՎԻՆ ԶՂԹ (1550): Այս է հանգիստ Մելքոնին, որ է որդի Աաքին, որ տղայ հասակաւ փոխեցաւ ի Քրիստոս Էթող սուր մարն Ատիսին»:¹⁹⁰

Տապանագրում նշված թվականը թույլ է տալիս եկրակացնելու, որ Ատիսը ապրել և գործել է 16-րդ դարի առաջին կեսում:

¹⁹⁰ Դիվան հայ վիմագրության, հ. 4, էջ 372—373:





ՀԱՅԱԳԻՏԱԿԱՆ ՀՐԱՏԱՐԱԿՈՒԹՅՈՒՆՆԵՐ

ԼԵՀ ԳԻՏՆԱԿԱՆԸ ՀԱՅԵՐԻ ՄԱՍԻՆ

Վերջերս Լյուբլինում (Լեհաստան) լույս տեսավ «Հայերը հին Լեհաստանում» ծավալուն մենագրությունը, որի հեղինակն է Մարիա Կյուրի-Սկլադովսկայայի անվան համալսարանի պրոֆեսոր Միրոսլավա Չակշևսկա-Դուբասովան:

Աշխատության մեջ հիմնականում խոսվում է այն մասին, թե հայերը երբ են հաստատվել Լեհաստանում և նրա տիրապետության տակ գտնվող տարածքներում, ինչպես է ընթացել նրանց կյանքը ԺԴ—ԺԸ դարերում:

Գիրքը բաղկացած է վեց գլուխներից կամ բաժիններից:

Մենագրության առաջին գլուխը նվիրված է հայերի արտադազթի խնդրին: Լեհական իշխանությունների բարյացակամ վերաբերմունքը հայերի նկատմամբ բացատրվում է նրանով, որ հայերը գործնական մասնակցություն են բերում երկրի տնտեսական և մշակութային վերելքին, իսկ օտար հարձակումների ժամանակ՝ զենքը ձեռքին գնում ընդդեմ թշնամու: Այստեղ հեղինակը մանրամասնորեն կանգ է առնում հայերի ինքնավարությունն իրականացնող մարմինների իրավունքների և պարտականությունների հարցերի վրա: Իրենց նվիրվածության համար հայերն անգամ լեհ թագավորների թույլտվությամբ ունեցել են իրենց ազգային Դատաստանագիրքը, որը հիմնված է եղել Մխիթար Գոշի «Հայոց դատաստանագիրք»-ի վրա:

Մենագրության «Հայերի առևտուրը և արհեստները հին Լեհաստանում» բաժնում խոսվում է Լեհաստանի՝ Արևելքի հետ առևտրի և հայ արհեստավորների այն դերի մասին,

որ ունեցել են լեհական քաղաքների տնտեսական զարգացման գործում: Այս բաժնում խոսվում է նաև հայերի կառուցողական անմիջական ազդեցության մասին: Հայերն այնտեղ կառուցել են տներ, եկեղեցիներ, ջրհորներ, փնվորական ամրություններ, որոնց մի մասը պահպանվում է մինչև այսօր:

«Մտավոր մշակույթը» բաժնում հեղինակը խոսում է հայ նշանավոր գիտնականների, գրողների ու արվեստագետների մասին մեկ առ մեկ, գործիչներ, որոնք ծնունդ են լեհահայերի:

Հովհաննես Կամենիցացու «Խոտինի պատերազմի պատմություն»-ը մեծարժեք սկզբնաղբյուր է թուրքերի դեմ պալվոն ժողովուրդների մղած հերոսական պայքարի մասին: Մեծ է լեհահայ գիտնական Ստեփանոս Ռոշքայի ստեղծագործական ժառանգությունը՝ որպես ժամանակագիր, քերականագետ և բառարանագիր:

Գրքի վերջին բաժինը նվիրված է լեհահայերի քաղաքացիական գործունեությանը: Այստեղ հանգամանորեն խոսվում է լեհահայերի՝ հին Լեհաստանի արևելյան դիվանագիտության ասպարեզում խաղացած դերի մասին: Տիրապետելով մի քանի լեզուների, հայերը, ԺԴ դարից սկսած, լեհ թագավորների հանձնարարությամբ, ուղևորություններ էին կատարում դեպի Ղրիմ, Թուրքիա և Իրան:

Միրոսլավա Չակշևսկա-Դուբասովան 1977 թվականին Վրոցլավում տպագրեց «Հայաստանի պատմություն» գիրքը, որի մեջ շարադրված է հայ ժողովրդի պատմությունը հնագույն ժամանակներից մինչև մեր օրերը: Գիրքը ջերմ ընդունելություն գտավ ողջ Լեհաստանում:

ԱՐԺԵՔԱՎՈՐ ՈՒՍՈՒՄՆԱՍԻՐՈՒԹՅՈՒՆ

Մեր ժողովուրդն իր գոյության հապարամյակների ընթացքում, հատկապես վերջին մեկ ու կես դարում, կուտակել է լեզվական միջոցների ու հնարավորությունների մի այնպիսի հարստություն, որ աներևակայելի է: Այդ հարստության մի պզտի բաժինը կապում է հայոց լեզվի բառապաշարը, որը գտնվում է հարափոփոխ շարժման և պարզացման մեջ:

Ահա այս բանի ապացույցն է <ՍՍՀ գիտությունների ակադեմիայի Հր. Աճառյանի անվան լեզվի ինստիտուտի գիտական-խորհրդի որոշմամբ լույս տեսած ձանաչված լեզվաբան Հմայակ Օհանյանի «Ժամանակակից հայոց լեզվի բառապաշարը և նրա հարստացման միջոցները» ծավալուն ուսումնասիրությունը: Հ. Օհանյանն իր ուսումնասիրությունը բաժանել է երեք մասի:

Առաջին մասում հեղինակը արդի հայերենի բառապաշարը դասակարգում է ըստ բառերի գործածության ակտիվության և տարածվածության, համապատասխան որի նա բառապաշարը բաժանում է ակտիվ, պասիվ և սովորական՝ գործածության միջին հաճախականության բառերի:

Ուսումնասիրության երկրորդ մասը նվիրված է մեր լեզվի ներքին բառաստեղծական միջոցներով բառապաշարի հարստացմանը: Այստեղ քննված են մեր նոր լեզվի բառապաշարի հարստացման հինգ եկող համադրական ու վերլուծական այնպիսի եղանակներ, ինչպիսիք են բառաբարդացումը, ածանցումը, կրկնությունը և բառակցումը: Բացի այդ, հեղինակը պատշաճ տեղ է հատկացնում նաև բառապաշարի պարզացման ներքին այնպիսի միջոցներին, ինչպիսիք են բառիմաստի ընդլայնումը, նոր, կայուն կապակցությունների առաջացումն ու բառերի կապակցությունների վերաիմաստավորումը:

Աջխատության երրորդ մասում քննության են առնված այլ լեզուներից կատարված փոխառությունները:

Աջխատությունը գրված է ժամանակակից լեզվաբանական գիտության մակարդակին համապատասխան:

ՀԱՅՈՑ ՊԱՏՄՈՒԹՅՈՒՆԸ ՖՐԱՆՍԵՐԵՆ

Վերջերս Ֆրանսիայում լույս տեսավ «Հայոց պատմություն» 700 էջից բաղկացած հատորը, ֆրանսերեն լեզվով: Այն ընդգրկում է հայ ժողովրդի պատմությունը նրա ծագումից մինչև մեր օրերը: Գիրքը ստեղծվել է 16 հայտնի հեղինակների համագործակցությամբ: Մոնպելիեի համալսարանի պրոֆեսոր, սլավոնաբան Ժերար Տետյանն այս հատորի պատրաստմանը ձեռնարկել է 1978 թվականին՝ անմիջական գործակցությամբ Մարսելի ակադեմիայի անդամ, պրոֆեսոր Ֆիլիպ Վոլֆի: Հատորին աշխատակցել են ԱՄՆ-ի, Անգլիայի, Մերձավոր Արևելքի և Ֆրանսիայի հայ և օտար մասնագետներ: Հատորի առաջաբանը գրել է պրոֆեսոր Ֆիլիպ Վոլֆը:

Գրքի լույս ընծայման առթիվ Մարսելի Հայկական Բարեգործական Ընդհանուր Միության Մշակութային սրահում կազմակերպվում է ընդունելություն, որին ներկա են լինում Հայկական Բարեգործական Ընդհանուր Միության Ֆրանսիայի շրջանակային վարչության նախագահ Նապոլեոն Պոլլոքյանը, բազմաթիվ հյուրեր, հայ և օտար մի շարք անվանի դեմքեր:

Ֆրանսերեն նոր լույս տեսած «Հայոց պատմություն» հատորի արժեքի և նշանակության մասին ելույթներով հանդես են գալիս դոկտոր Ռոբերտ Սիսակյանը, պրոֆեսորներ Ժերար Տետյանն ու Ֆիլիպ Վոլֆը, Նապոլեոն Պոլլոքյանը և ուրիշներ:

Ֆրանսիական երկու օրաթերթեր՝ «Մերիդիոնալ»-ը և «Պրովանսալ»-ը, լայնորեն անդրադարձել են «Հայոց պատմություն» հատորի լույս ընծայմանը և այդ առթիվ կազմակերպված ընդունելությանը:

ԱՐԺԵՔԱՎՈՐ ԱՇԽԱՏՈՒԹՅՈՒՆ

Վերջերս Հայկական ՍՍՀ գիտությունների ակադեմիայի հրատարակչությունը լույս ընծայեց Սերիկ Ստեփանի Դավթյանի «Դրվագներ հայկական միջնադարյան կիրառական արվեստի պատմության» ծավալուն հատորը՝ նվիրված հայ կիրառական արվեստին:

Ժողովրդական ստեղծագործության կարևոր բնագավառներից մեկը, ինչպես այլուր, հայ իրականության մեջ հանդիսացել է կիրառական արվեստը: Ներառնելով իր մեջ գործվածքների, պարզերի, պզեստների, կահույքի և այլ բնագավառները, այն ներքնապես կապված է եղել իրեն ծնող ժամանակաշրջանի ժողովրդա-մշակութային միջավայրի, նյութա-տնտեսական կյանքի, հոգևոր մշակույթի, կենցաղի, ազգային ճաշակի ու հոգեբանության հետ:

Ինչպես ժողովրդական բանահյուսությունը, այնպես էլ կիրառական արվեստը մեզանում սերում է վաղնջական ժամանակներից և աչքի է ընկնում իր ինքնատիպությամբ, դրսևորման ձևերի բազմազանությամբ և հարստությամբ: Եթե ժողովրդական բանահյուսությունը, այնուամենայնիվ, անցյալ դարի սկզբներից արժանացել է հայ և ալալգի

բանահավաքների և բանագետների պատշաճ ուշադրությանը, ապա կիրառական արվեստը համեմատաբար քիչ է ուսումնասիրվել մեզանում: Սերիկ Դավթյանի ուսումնասիրությունը գալիս է լրացնելու այդ բացը:

Աշխատությունը բաղկացած է ութ գլուխներից. ԳՈՐԾՎԱԾՔ, ԴԱԶԱԳՈՐԾՈՒԹՅՈՒՆ, ԱՍԵՂՆԱԳՈՐԾՈՒԹՅՈՒՆ, ԺԱՆՅԱԿԱԳՈՐԾՈՒԹՅՈՒՆ, ԳՈՐԳԱԳՈՐԾՈՒԹՅՈՒՆ, ՈՍԿԵՐՉՈՒԹՅՈՒՆ ԵՎ ԱՐԾԱԹԱԳՈՐԾՈՒԹՅՈՒՆ, ԿԱՇՈՒ ԵՎ ՓԱՅՏԻ ԳԵՂԱՐՎԵՍՏԱԿԱՆ ՄՇԱԿՈՒՄ, ԽԵՅԵԳՈՐԾՈՒԹՅՈՒՆ, ՀԱՆՃԱՊԱԿԻ ԵՎ ԽՃԱՆԿԱՐՉՈՒԹՅՈՒՆ:

Գիրքն ունի նաև ԱՌԱՋԱԲԱՆ, ՎԵՐՋԱԲԱՆ, ՆԿԱՐՆԵՐԻ ՑԱՆԿ և ռուսերեն ու անգլերեն լեզուներով ամփոփագրեր:

Չնայած անցյալում իր ապրած քաղաքական անբարենպաստ պայմաններին (կոտորած, բռնի տեղահանություն, գաղթ, եղեռն), հայ ժողովուրդը կարողացել է ստեղծել ու պարգացնել իր ազգային բարձր մշակույթը՝ գիտությունը, գրականությունը, արվեստը, ժողովրդական բանահյուսությունն ու կիրառական արվեստը:

Սերիկ Դավթյանի ուսումնասիրությունն աչքի է ընկնում նախ փաստական նյութի հարստությամբ ու բազմապատկերմամբ: Ուսումնասիրությունն ընդգրկում է Արևելյան, Արևմտյան, պատմական ու ժամանակակից Հայաստանի, ինչպես նաև ի սփյուռս աշխարհի ցրված հայազգի երկսեռ վարպետների ստեղծագործությունները:

Հմուտ արվեստաբանը մասնագիտորեն վերլուծում, բնութագրում, գնահատում և հատկապես ձեռքի տակ եղած փաստական նյութերի հիման վրա ցույց է տալիս, որ հին, միջին, նոր և նորագույն դարերի հայկական կիրառական արվեստը Հայաստանի նախաբնիկ ցեղերի կիրառական արվեստի օրինաչափ շարունակությունն ու վարձացումն է:

ՆՎԻՐԱԿԱՆ ԱՆԻՆ

Վերջերս Երևանի պետական համալսարանի հրատարակչությունը լույս ընծայեց պատմական գիտությունների դոկտոր, պրոֆեսոր Թադևոս Հակոբյանի «Անի» աշխատության երկրորդ գիրքը: Ընթերցողների ուշադրությանն ենք ներկայացնում հեղինակի «Երկու խոսք»-ը:

«Աշխատության սույն գրքում բավական մանրամասնորեն և քննական լույսի տակ շարադրված են ոչ միայն կանգուն Անիի (1045 թվականից մինչև 14-րդ դարի վերջերն ընկած շրջանի) քաղաքական ելևէջներով հարուստ պատմությունը, սոցիալ-տնտեսական, մշակութային կյանքի, բարեկարգման, քաղաքաշինության, քաղաքի անկման և ամայացման հանգամանքներն ու պայմանները, այլև նրա հետագա շրջանի՝ արդեն հնավայրի վերածված երբեմնի հռչակված մայրաքաղաքի ճակատագրի կարևոր պահերի ու անցքերի ընդհանուր տեսությունը՝ հուշարձանների ու հնությունների վիճակը, ժամանակի ընթացքում դրանց մեծ մասի ոչնչացումը բնական տարերքի և մարդկանց կողմից, Կարսի մարզի հետ Անի հնավայրի միացումը Ռուսաստանին, հնագիտական երկարամյա ուսումնասիրություններն ու դրանց արդյունքները, հայ, ռուս և օտարազգի այցելուների դիտումները, հուշերը, կարծիքներն ու ենթադրությունները, Անիի հնադարանն ու նրա գործունեությունը և այլն:

Առանձնակի ուշադրություն է դարձված առ այսօր վիճելի համարվող մի շարք հարցերի՝ քաղաքի անկման, կործանման ու ամայացման ժամանակի և հանգամանքների, հասարակական ու սոցիալական երևույթների, ճարտարապետական ու մշակութային կապերի և փոխադարձ ազդեցությունների, արտագաղթների, Շադադյանների և Չաքարյանների տիրապետության ժամանակաշրջանի բնութագրման ու գնահատման և այլ խնդիրների վրա:

Գրքի զգալի մասը նվիրված է Անիի բուռն պարզացման, երկրորդ ժամանակաշրջանի՝ Չաքարյանների իշխանության շրջանի, հարցերի պատմագիտական համակողմանի լուսաբանմանը, որի համար գրավոր աղբյուրներից բացի փաստական հարուստ և հուսալի հիմք են ծառայել հնագիտական պեղումներով հայտնաբերված նյութական մշակույթի մնացորդները, տարբեր վիճակում մեզ հասած հուշարձաններն ու հնությունները:

Գրքին կցվում է քաղաքի ընդհանուր հատակագիծը, որի վրա նշանակված են հնագույն ժամանակներից մինչև քաղաքի կործանումն ու ամայացումն ընկած բոլոր դարերի՝ մեզ հայտնի, կարևոր հուշարձանները, կառույցները և հնությունները:



«ЭЧМИАДЗИН»
ОФИЦИАЛЬНЫЙ ЖУРНАЛ ЭЧМИАДЗИНСКОГО КАТОЛИКОСАТА
ИЮЛЬ 1982 Г.

1. Редакционное слово. О письме от 14 июля, направленное Его Святейшеством предстоятелю восточной епархии армян в США архиепископу Торгому Манукяну и епархиальному совету (стр. 3—4).

2. Письмо от 14 июля Его Святейшества, направленное предстоятелю восточной епархии армян в США, архиепископу Торгому Манукяну и почтенному епархиальному совету (стр. 5—8).

3. В этом номере журнала опубликован также план объединения армянской церкви в Америке (стр. 9—11).

4. Письмо Его Святейшества архиепископу Торгому Манукяну от 8 сентября 1982 г. (стр. 12—14).

5. Сообщение (стр. 15).

6. Церквяная жизнь: Сведения о совершенных литургиях, проповедей, церковных мероприятиях в Эчмиадзинском Кафедральном Соборе за июль месяц (стр. 16—18).

7. Иеромонах Затик Аветикян. Новая детская периодика. Под председательством и редакцией предстоятеля восточной епархии армян в США архиепископа Торгома Манукяна вышла в свет детская газета под заглавием «Проснись», цель которой пробудить и поддерживать любовь в душах армянских детей к родному языку и к истории народа». В газете под рубрикой «Современная Армения» в обобщенном виде дается армянским детям о географическом положении, расстятини, границах, и о столице Родины—Ереване. А также о том, что «В Армении

находится первоармянская церковь—Св. Эчмиадзин и католикосат, где пребывает Его Святейшество Католикос всех армян. Вазген I (стр. 19—20).

8. Диякон Айк Чилингарян: Посещение группы молодежной организации американских армян. Армении и св. Эчмиадзина с 11 июня по 7 июля (стр. 21—23).

9. Съезд религиозных деятелей СССР в г. Загорске с 6 по 8 июля (стр. 24—26).

10. Паломничество группы французских армян в св. Эчмиадзин с 23 по 30 июля (стр. 27—28).

11. Старший священник Арамаис Мирзаян: Открытие армянского центра в Сиднее 27 марта (стр. 29—31).


12. Житие о проповеди апостола Фаддея, его прибытие в Армению и о мученичестве. И житие Сандухта, дочери армянского царя Санатрука. Предисловие Артуна Атитяна (стр. 32—34).

13. Житие святого апостола Фаддея и девы Сандухта. Перевод жития с древне-армянского Артуна Атитяна (стр. 35—41).

14. Архимандрит Анания Арабаджян: Армянские библиографы Езник Кохбацы, его апологетический труд «опровержение сект» Исследование (стр. 42—47).

15. Виктор Петросянц: Армянские женщины—защитницы отечественной культуры в 12—19 вв. (стр. 48—57).

16. Володя Абрамян: Арменоведческие издания в Армении и за рубежом (стр. 58—60).



„ETCHMIADZIN“
OFFICIAL JOURNAL OF HOLY ETCHMIADZIN
(JULY 1982)

1. Two words of the editorship about the letter dated 14-th July of His Holiness, addressed to Archbishop Torgom Manookian, the prelate of the eastern diocese of the U.S.A. armenians, and to the Diocesan Council (pages 3—4).

2. The letter of His Holiness, dated 14-th July, addressed to Archbishop Torgom Manookian, the prelate of the eastern diocese of the U.S.A. armenians, and to the honourable Diocesan Council (pages 5—8).

3. In this number of the journal it is published also „the project for the union of the Armenian Church in America“ (pages 9—11).

4. The letter of His Holiness to Archbishop Torgom Manookian, dated september 9-th (pages 12—14).

5. Communiqué (page 15)

6. Divine liturgy services and sermons delivered in the Holy Cathedral and description of Church festivities in the Holy See during the month of July (pages 16—18).

7. Reverend Zatik Avetikian— It is published in U.S.A. a new journal for children by the name „Zartir“ (Awake), by the editorship of Archbishop Torgom Manookian, the prelate of the eastern diocese of U.S.A. armenians. The aim of this journal is to give to the armenian children informations, about the fatherland, the Armenian Church and the history of the people (pages 19—20)

8. Deacon Haig Tchilingarian— The visit to the fatherland and the Holy See of St. Etchmiadzin of the Young Armenians' Union of U.S.A., during the days from 11-th June to 7-th July (pages 21—23).

9. The meeting in Zagorsk of the U.S.S.R. clergymen, during the days of 6—8 July (pages 24—26).

10. The group of the Armenian pilgrims of France in the Holy See, during the days of 23—30 July (pages 27—28).

11. Archpriest . Aramayis Mirzayan—The inauguration of Sydney's Armenian center, on the 27-th of March (pages 29—31).


12. Martyrology of Thaddeus apostle's mission about his coming to Armenia and his martyrdom. Witnessing about Armenian king Sana-troog's daughter Sandookhd. Introductory word of Arthoon Hadidian (pages 32—34).

13. Witnessing of Saint Thaddeus apostle and martyrology of virgin Sandookhd. The translation of the witnessing to the modern armenian by Arthoon Hadidian (pages 35—41).

14. Reverend Ananya Arabadjian— Armenian authors: Yeznik Goghbatzi and his apologetic work about the sects. A study (pages 42—47).

15. Victor Petrossiantz—Armenian ladies who have been defenders of the Armenian culture, XV—XVIII centuries (pages 48—57).

16. Volodya Abrahamian—Armenological publications in Armenia and abroad (pages 58—60)



„ETCHMIADZINE“
ORGANE OFFICIEL DU SAINT-SIEGE D'ETCHMIADZINE
(JUILLET 1982)

1. Annotation de la rédaction sur la lettre du 14 juillet 1982 de Sa Sainteté Vasken Ier adressée à l'archevêque Torgom Manoukian, prélat du diocèse des Arméniens des Etats-Unis (région orientale), et au Conseil diocésain (pages 3—4).

2. Texte de la lettre du 14 juillet 1982 de Sa Sainteté adressée à l'archevêque Torgom Manoukian et au Conseil diocésain (pages 5—8).

3. Texte du projet pour l'union de l'Eglise arménienne aux Etats-Unis (pages 9—11).

4. Lettre du 8 septembre 1982 de sa Sainteté à Mgr. Torgom Manoukian (pages 12—14).

5. Communiqué (page 15).

6. Brèves informations concernant la célébration des saintes messes, les sermons prononcés à cette occasion et d'autres cérémonies religieuses qui ont eu lieu dans la cathédrale de Saint-Etchmiadzine au cours du mois de juillet 1982 (pages 16—18).

7. Père Zatik Avétikian—Compte rendu du nouveau périodique arménien pour enfants intitulé „Zartir“ (éveille-toi). Le périodique dont le but est „d'éveiller et de garder vivace dans l'âme de la nouvelle génération arménienne de la Diaspora l'amour envers sa langue maternelle et l'histoire de son peuple“ paraît à New York sous les auspices de l'archevêque Torgom Manoukian, prélat du diocèse des Arméniens des Etats-Unis (pages 19—20).

8. Diacre Haïk Tchilingarian—„La visite des représentants de l'Union de la Jeunesse Arménienne des U.S.A., en Arménie et au Saint-

Siège d'Etchmiadzine du 11 juin au 7 juillet 1982 (pages 21—23).

9. Réunion des représentants du clergé des Eglises de l'U.R.S.S. tenue à Zagorsk du 6 au 8 juillet 1982 (pages 24—26).

10. Visite au Saint-Siège d'Etchmiadzine d'un groupe de pèlerins de la communauté arménienne de France (pages 27—28).

11. Père Aramais Mirzayan—„Inauguration du Centre culturel arménien de Sydney (pages 29—31).


12. Témoignage sur l'évangélisation, l'arrivée en Arménie et le martyre de l'apôtre Taddée. Martyre de la vierge Sandoukhite, fille de Sana-trouk, roi des Arméniens (Introduction de A. Hatitian)—(pages 32—34).

13. Texte du témoignage sur l'apôtre Taddée et du martyre de la vierge Sandoukhite (traduit en arménien moderne par A. Hatitian) (pages 35—41).

14. Père Anania Arabadjian—„Ecrivains arméniens: Eznik de Kolb, son ouvrage apologétique intitulé „Réfutation des sectes“ (étude)—(pages 42—47).


15. Victor Pétrossians—„Les femmes arméniennes connues en Arménie aux XVe—XVIIIe siècles sous le nom de „défenseurs du patrimoine culturel des Arméniens“ (pages 48—57).

16. Volodia Abrahamian—„Publications des études arménologiques en Arménie et dans la Diaspora“ (pages 58—60).



ԲՈՎԱՆԴԱԿՈՒԹՅՈՒՆ

Ամենայն Հայոց Վեհափառ Հայրապետի հուլիս 14 թվակիր նամակը՝ ուղղված ԱՄՆ-ի Հայոց արևելյան թեմի առաջնորդ Ս. Թորգոմ արքեպիսկոպոս Մանուկյանին և պատվարժան թեմական խորհրդին. խմբագրության խոսքը	3
Ամենայն Հայոց Հայրապետի նամակը Ս. Թորգոմ արքեպիսկոպոս Մանուկյանին և թեմական խորհրդին.	5
Ուղեգիծ Ամերիկայի մեջ Հայաստանեայց Եկեղեցւոյ միացման համար	9
Ամենայն Հայոց Վեհափառ Հայրապետի երկրորդ նամակը գերաջնորդ Ս. Թորգոմ արքեպիսկոպոս Մանուկյանին առաջնորդ արևելյան թեմին Միացյալ Նահանգաց Հաղորդագրություն	12
ՄԱՅՐ ԱԹՈՒՌԻՄ—Եկեղեցական բեմ. լուրեր	15
ԶԱՏԻԿ ԱԲԵՂԱ ԱՎԵՏԻՔՅԱՆ—Մանկական նոր պարբերական	16
ՀԱՅԿ ՍԱՐԿԱՎԱԳ ԶԻԼԻՆԳԱՐՅԱՆ—Ամերիկահայ Եկեղեցասեր Երիտասարդաց կապ-մակերպության խմբի այցելությունը Մայր Հայրենիք և Մայր Աթոռ Սուրբ Էջմիածին	19
ՍՍՀՄ կրոնական գործիչների հավաքը Ջազդուսկում	24
Ֆրանսահայ ուխտավորների խումբը Մայր Աթոռում	27
ԱՐԱՄԱՅԻՍ ԱՎԱԳ ՔԱՀԱՆԱ ՄԻՐԶԱՅԱՆ—Սիդնեյի Հայ Կեդրոնի բացման հանդի-սությունը	29
ԱՐԹՈՒՆ ՀԱՏԻՏՅԱՆ—Վկայաբանություն Թադեոս առաքյալի քարոզչության, նրա Հա-յաստան գալու և նահատակության մասին և վկայություն Սանատրուկ Հայոց ար-քայի դուստր Սանդուխտի	32
Վկայություն Սուրբ Թադեոս առաքյալի և վկայաբանություն Սանդուխտ կույսի	35
ԱՆԱՆԻԱ ՎԱՐԴԱՊԵՏ ԱՐԱԲԱԶՅԱՆ—Հայ մատենագիրներ. Եզնիկ Կողբացի	42
ՎԻԿՏՈՐ ՊԵՏՐՈՍՅԱՆԺ—Հայրենական մշակույթի պաշտպան հայ կանայք	48
Հայագիտական հրատարակություններ	58
«Эчмиадзин» официальный журнал Эчмиадзинского Католикосата	61
„Etchmiadzin“ official journal of Holy Etchmiadzin	62
„Etchmiadzine“ organe officiel du Saint-Siege d'Etchmiadzine	63



ԽՐԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱԾԻՆ

«ԷՋՄԻԱԾԻՆ» ԱՄՍԱԳՐԻ ԽՐԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».

Rédaction de la revue «Etchmiadzine», Etchmiadzine. Arménie, URSS

Հանձնված է տպագրության 28.7.1982 թ.: Ստորագրված է տպագրության 9.9.1982 թ.

Տպագրական 4 մամուլ+3 ներդիր, թուղթ 60×84/8, պատվեր 615:

Մայր Աթոռ Ս. Էջմիածնի տպարան, 1982 թ.